

# সপ্তবর্ণ

সপ্তম শ্রেণি



জাতীয় শিক্ষাক্রম ও পাঠ্যপুস্তক বোর্ড, বাংলাদেশ

জাতীয় শিক্ষাক্রম ও পাঠ্যপুস্তক বোর্ড কর্তৃক ২০১২ শিক্ষাবর্ষ থেকে  
সপ্তম শ্রেণির পাঠ্যপুস্তকগুলো নির্ধারিত

---

## সপ্তবর্ণা

### সপ্তম শ্রেণি

২০২৫ শিক্ষাবর্ষের জন্য পরিমার্জিত

# জাতীয় শিক্ষাক্রম ও পাঠ্যপুস্তক বোর্ড

৬৯-৭০, মতিবিল বাণিজ্যিক এলাকা, ঢাকা-১০০০

কর্তৃক প্রকাশিত

[ প্রকাশক কর্তৃক সর্বস্বত্ত্ব সংরক্ষিত ]

প্রথম সংস্করণ সংকলন ও সম্পাদনা

অধ্যাপক ড. মাহবুবুল হক

অধ্যাপক নিরঙ্গন অধিকারী

অধ্যাপক ড. বিশ্বজিৎ ঘোষ

অধ্যাপক ড. রফিকউল্লাহ খান

অধ্যাপক ড. সৈয়দ আজিজুল হক

অধ্যাপক শ্যামলী আকবর

অধ্যাপক ড. সৌমিত্র শেখর

ড. সরকার আবদুল মাল্লান

ড. শোয়াইব জিবরান

শামীম জাহান আহসান

প্রথম প্রকাশ : সেপ্টেম্বর ২০১১

পরিমার্জিত সংস্করণ : সেপ্টেম্বর ২০১৪

পরিমার্জিত সংস্করণ : সেপ্টেম্বর ২০১৬

পরিমার্জিত সংস্করণ : নভেম্বর ২০২০

পরিমার্জিত সংস্করণ : অক্টোবর ২০২৪

গণপ্রজাতন্ত্রী বাংলাদেশ সরকার কর্তৃক বিনামূল্যে বিতরণের জন্য

মুদ্রণে:



## সূচিপত্র

বিষয়	লেখক	পৃষ্ঠা
<b>গদ্য</b>		
১. কাবুলিওয়ালা	– রবীন্দ্রনাথ ঠাকুর	১
২. লখার একুশে	– আবুবকর সিদ্দিক	৯
৩. মরহ-ভাক্র	– হৰীবুল্লাহ বাহার	১৪
৪. শব্দ থেকে কবিতা	– হুমায়ুন আজাদ	১৯
৫. পাখি	– লীলা মজুমদার	২৪
৬. পিতৃপুরুষের গল্প	– হারফন হাবীব	৩২
৭. ছবির রং	– হাশেম খান	৩৯
৮. সেই ছেলেটি	– মামুনুর রশীদ	৪৪
৯. বহু জাতিসভার দেশ- বাংলাদেশ	– এ. কে. শেরাম	৫০

## কবিতা

১. নতুন দেশ	– রবীন্দ্রনাথ ঠাকুর	৫৭
২. কুলি-মজুর	– কাজী নজরুল ইসলাম	৬২
৩. আমার বাড়ি	– জসীমউদ্দীন	৬৬
৪. শ্রাবণে	– সুকুমার রায়	৭১
৫. গরবিনী মা-জননী	– সিকান্দার আবু জাফর	৭৫
৬. সাম্য	– সুফিয়া কামাল	৮০
৭. মেলা	– আহসান হাবীব	৮৩
৮. এই অক্ষরে	– মহাদেব সাহা	৮৭
৯. সিঁথি	– হাসান রোবায়েত	৯২

# କାବୁଲିଓୟାଳା

ରବୀନ୍ଦ୍ରନାଥ ଠାକୁର



ଆମାର ପାଂଚ ବଚର ବସେର ଛୋଟୋ ମେଯେ ମିନି ଏକ ଦଉ କଥା ନା କହିଯା ଥାକିତେ ପାରେ ନା ।

ସକାଳବେଳାଯା ଆମାର ନଭେଲେର ସଞ୍ଚଦଶ ପରିଚେଦେ ହାତ ଦିଯାଛି ଏମନ ସମୟ ମିନି ଆସିଯାଇ ଆରମ୍ଭ କରିଯା ଦିଲ, “ବାବା, ରାମଦୟାଲ ଦରୋଯାନ କାକକେ କୌଯା ବଲଛିଲ, ସେ କିଚ୍ଛୁ ଜାନେ ନା । ନା ?”

ସେ ଆମାର ଲିଖିବାର ଟେବିଲେର ପାର୍ଶ୍ଵେ ଆମାର ପାଯୋର କାହେ ବସିଯା ନିଜେର ଦୁଇ ହାତୁ ଏବଂ ହାତ ଲାଇଯା ଅତିରିକ୍ତ ଉଚ୍ଚାରଣେ ଆଗଡୁମ-ବାଗଡୁମ ଖେଲିତେ ଆରମ୍ଭ କରିଯା ଦିଲ ।

ଆମାର ଘର ପଥେର ଧାରେ । ହଠାତ୍ ମିନି ଆଗଡୁମ-ବାଗଡୁମ ଖେଲା ରାଖିଯା ଜାନାଲାର ଧାରେ ଛୁଟିଯା ଗେଲ ଏବଂ ଚିକାର କରିଯା ଡାକିତେ ଲାଗିଲ, “କାବୁଲିଓୟାଳା, ଓ କାବୁଲିଓୟାଳା ।”

ময়লা চিলা কাপড় পরা, পাগড়ি মাথায়, ঝুলি ঘাড়ে, হাতে গোটাদুই-চার আঙুরের বাজ্জা, এক লম্বা কাবুলিওয়ালা পথ দিয়া যাইতেছিল — তাহাকে দেখিয়া আমার কন্যারত্নের কিন্তু ভাবোদয় হইল বলা শক্ত, তাহাকে উর্ধ্বশাসে ডাকাডাকি আরম্ভ করিয়া দিল।

মিনির চিৎকারে বেমনি কাবুলিওয়ালা হাসিয়া মুখ ফিরাইল এবং আমাদের বাড়ির দিকে আসিতে লাগিল, অমনি সে উর্ধ্বশাসে অন্তঃপুরে দৌড় দিল, তাহার আর চিহ্ন দেখিতে পাওয়া গেল না। তাহার মনের মধ্যে একটা অক্ষ বিশ্বাসের মতো ছিল যে, ঐ ঝুলিটার ভিতর সঙ্কাল করিলে তাহার মতো দুটো-চারটে জীবিত মানবসন্তান পাওয়া যাইতে পারে।

আমি মিনির অমূলক ভয় ভাঙ্গাইয়া দিবার অভিপ্রায়ে তাহাকে অন্তঃপুর হইতে ডাকাইয়া আনিলাম — সে আমার গা ঘৈষিয়া দাঁড়াইয়া রহিল। কাবুলি ঝুলির মধ্য হইতে কিসমিস, খোবানি বাহির করিয়া তাহাকে দিতে গেল, সে কিছুতেই লইল না, দ্বিতীয় সন্দেহের সহিত আমার হাঁচুর কাছে সংলগ্ন হইয়া রহিল। প্রথম পরিচয়টা এমনি ভাবে গেল।

কিছুদিন পরে একদিন সকালবেলায় বাড়ি হইতে বাহির হইবার সময় দেখি, আমার দুহিতাটি দ্বারের সমীপস্থ বেঞ্চির উপর বসিয়া অনঙ্গল কথা কহিয়া যাইতেছে এবং কাবুলিওয়ালা তাহার পদতলে বসিয়া সহাসযুক্তে শুনিতেছে এবং মধ্যে মধ্যে প্রসঙ্গক্রমে নিজের মতামতও ব্যক্ত করিতেছে। মিনির পক্ষবর্ষীয় জীবনের অভিজ্ঞতায় বাবা ছাড়া এমন দৈর্ঘ্যবান শ্রোতা সে কখনো পায় নাই। আবার দেখি, তাহার ক্ষুদ্র আঁচল বাদাম-কিসমিসে পরিপূর্ণ।

সংবাদ পাইলাম, কাবুলিওয়ালার সহিত মিনির এই যে দ্বিতীয় সাক্ষাৎ তাহা নহে, ইতোমধ্যে সে প্রায় অত্যহ আসিয়া পেঞ্জাবাদাম ঘুষ দিয়া মিনির ক্ষুদ্র দণ্ডটাকু অনেকটা অধিকার করিয়া লইয়াছে।

দেখিলাম, এই দৃটি বন্ধুর মধ্যে গুটিকতক বাঁধা কথা এবং ঠাট্টা প্রচলিত আছে — যথা, রহমতকে দেখিবামাত্র আমার কন্যা হাসিতে হাসিতে জিজ্ঞাসা করিত, “কাবুলিওয়ালা, ও কাবুলিওয়ালা, তোমার ও ঝুলির ভিতর কী ?” রহমত একটা অনাবশ্যক চন্দ্ৰবিন্দু ঘোগ করিয়া হাসিতে হাসিতে উন্নত করিত, “হাতি।”

উহাদের মধ্যে আরও-একটা কথা প্রচলিত ছিল। রহমত মিনিকে বলিত, “খোঁচী, তোমি সসুরবাড়ি কখনু যাবে না ?”

কথাটার একটা কোনো জবাব না দিয়া চুপ করিয়া থাকা নিতান্ত তাহার স্বত্ত্ববিকল্প — সে উল্টিয়া জিজ্ঞাসা করিত, “তুমি শুশ্রবাড়ি যাবে ?”

রহমত কাল্পনিক শুভেরের প্রতি প্রকাও মোটা মুষ্টি আস্ফালন করিয়া বলিত, “হামি সসুরকে মারবে।”

শুনিয়া মিনি শুশ্রব-নামক কোনো-এক অপরিচিত জীবের দুরবস্থা কল্পনা করিয়া অত্যন্ত হাসিত।

মিনির মা অত্যন্ত শক্তিত স্বত্ত্বাবের লোক। রহমত কাবুলিওয়ালা সম্বন্ধে তিনি সম্পূর্ণ নিঃসংশয় ছিলেন না।

তাহার প্রতি বিশেষ দৃষ্টি রাখিবার জন্য তিনি আমাকে বারবার অনুরোধ করিয়াছিলেন।

একদিন সকালে আমার ছোট ঘরে বসিয়া প্রফিলিট সংশোধন করিতেছি। এমন সময় রাঙ্গায় ভারি একটা গোল শুনা গেল।

চাহিয়া দেখি, আমাদের রহমতকে দুই পাহারাওয়ালা বাঁধিয়া লইয়া আসিতেছে — তাহার পশ্চাতে কৌতুহলী ছেলের দল চলিয়াছে। আমি দ্বারের বাহিরে গিয়া পাহারাওয়ালাকে দাঁড় করাইলাম, জিজ্ঞাসা করিলাম, ব্যাপারটা কী?

কিয়দংশ তাহার কাছে, কিয়দংশ রহমতের কাছে শুনিয়া জানিলাম যে, আমাদের প্রতিবেশী একজন লোক রামপুরী চাদরের জন্য রহমতের কাছে কিঞ্চিৎ ধারিত — মিথ্যাপূর্বক সেই দেনা সে অস্বীকার করে এবং তাহাই লইয়া বচসা করিতে করিতে রহমত তাহাকে এক ছুরি বসাইয়া দিয়াছে।

রহমত সেই মিথ্যাবাদীর উদ্দেশে নানারূপ অশ্রু গালি দিতেছে, এমন সময় ‘কাবুলিওয়ালা, ও কাবুলিওয়ালা’ করিয়া ডাকিতে ডাকিতে মিনি ঘর হইতে বাহির হইয়া আসিল,

“তুমি শুভ্রবাড়ি যাবে?”

রহমত হাসিয়া কহিল, “সিখানেই যাচ্ছে।”

সাংস্কৃতিক আধাত করার অপরাধে কথেক বৎসর রহমতের কারাদণ্ড হইল।

তাহার কথা একপ্রকার ভুলিয়া গেলাম।

কত বৎসর কাটিয়া গেল। আমার ঘরে আজ রাত্রি শেষ হইতে-না-হইতে সানাই বাজিতেছে। আজ আমার মিনির বিবাহ।

আমি আমার লিখিবার ঘরে বসিয়া হিসাব দেখিতেছি, এমন সময় রহমত আসিয়া সেলাম করিয়া দাঁড়াইল।

আমি প্রথমে তাহাকে চিনিতে পারিলাম না। তাহার সে ঝুলি নাই। তাহার সে লম্বা চুল নাই, তাহার শরীরে পূর্বের মতো সে তেজ নাই। অবশ্যে তাহার হাসি দেখিয়া তাহাকে চিনিলাম।

কহিলাম, “কী রে রহমত, কবে আসিলি?”

সে কহিল, “কাল সন্ধ্যাবেলা জেল হইতে খালাস পাইয়াছি।”

আমার ইচ্ছা করিতে লাগিল, আজিকার এই শুভদিনে এ লোকটা এখান হইতে গেলেই ভালো হয়।

আমি তাহাকে কহিলাম, “আজ আমাদের বাড়িতে একটা কাজ আছে, আমি কিছু ব্যক্ত আছি, তুমি আজ যাও।”

কথাটা শুনিয়াই সে তৎক্ষণাত চলিয়া যাইতে উদ্যত হইল, অবশ্যে দরজার কাছে গিয়া একটু ইতস্তত করিয়া কহিল, “খোঁধীকে একবার দেখিতে পাইব না ?”

আমি কহিলাম, “আজ বাড়িতে কাজ আছে, আজ আর কাহারও সহিত দেখা হইতে পারিবে না।”

সে যেন কিছু শুন্ধ হইল। স্তুকভাবে দাঁড়াইয়া একবার হিঁরদৃষ্টিতে আমার মুখের দিকে চাহিল, তারপরে ‘বাবু সেলাম’ বলিয়া দ্বারের বাহির হইয়া গেল।

আমার মনে কেমন একটু ব্যথা বোধ হইল। মনে করিতেছি তাহাকে ফিরিয়া ডাকিব, এমন সময়ে দেখি সে আপনি ফিরিয়া আসিতেছে।

কাছে আসিয়া কহিল, “এই আঙ্গুর এবং কিঞ্চিৎ কিসমিস, বাদাম খৌখীর জন্য আনিয়াছিলাম, তাহাকে দিবেন।”

আমি সেগুলি লইয়া দাম দিতে উদ্যত হইলে সে হঠাতে আমার হাত চাপিয়া ধরিল, কহিল, “আপনার বহুৎ দয়া, আমার চিরকাল স্মরণ থাকিবে — আমাকে পয়সা দিবেন না। বাবু, তোমার যেমন একটি লড়কি আছে, তেমনি



দেশে আমারও একটি লড়কি আছে। আমি তাহারই মুখখানি স্মরণ করিয়া তোমার খৌখীর জন্য কিছু কিছু মেওয়া হাতে লইয়া আসি, আমি তো সওদা করিতে আসি না।”

এই বলিয়া সে আপনার মন্ত্র চিলা জামাটির ভিতর হাত চালাইয়া দিয়া বুকের কাছে কোথা হইতে একটুকু ময়লা কাগজ বাহির করিল। বহু সফটেন্ডে ভাঁজ খুলিয়া দুই হন্তে আমার টেবিলের উপর মেলিয়া ধরিল। দেখিলাম, কাগজের উপর একটি ছোট হাতের ছাপ। ফটোআফ নহে, তেলের ছবি নহে, হাতে খানিকটা ভুসা মাখাইয়া কাগজের উপরে তাহার চিহ্ন ধরিয়া লইয়াছে। কল্পার এই স্মরণচিহ্নটুকু বুকের কাছে লইয়া বহুমত প্রতিবন্ধস্বর কলিকাতার রাস্তায় মেওয়া বেচিতে আসে।

দেখিয়া আমার চোখ ছলছল করিয়া আসিল। সেই হস্তচিহ্ন আমারই মিনিকে স্মরণ করাইয়া দিল। আমি তৎক্ষণাত তাহাকে অন্তঃপুর হইতে ডাকাইয়া পাঠাইলাম। অন্তঃপুরে ইহাতে অনেক আপত্তি উঠিয়াছিল। কিন্তু আমি কিছুতে কর্পোর করিলাম না। রাণাচেলি-পরা কপালে-চন্দন-আঁকা বধুবেশিনী মিনি সলজজভাবে আমার কাছে আসিয়া দাঢ়াইল।

তাহাকে দেখিয়া কাবুলিওয়ালা প্রথমটা ধৰ্মত খাইয়া গেল, তাহাদের পুরাতন আলাপ জমাইতে পারিল না। অবশেষে হাসিয়া কহিল, “খৌখী, তোমি সসুরবাড়ি যাবিস ?”

কাবুলিওয়ালার সহিত মিনির যেদিন প্রথম সাক্ষাৎ হইয়াছিল, আমার সেই দিনের কথা মনে পড়িল। মন্টা  
কেমন ব্যবিত হইয়া উঠিল।

মিনি চলিয়া গেলে একটা গভীর দীর্ঘনিশ্বাস ফেলিয়া রহমত মাটিতে বসিয়া পড়িল। সে হঠাৎ স্পষ্ট বুঝিতে  
পারিল, তাহার মেয়েটিও ইতোমধ্যে এইরূপ বড় হইয়াছে।

আমি একখানি নোট লইয়া তাহাকে দিলাম। বলিলাম, “রহমত, তুমি দেশে তোমার মেয়ের কাছে ফিরিয়া  
যাও; তোমাদের মিলনসূর্খে আমার মিনির কল্যাণ হউক।”

(সংক্ষেপিত ও পরিমার্জিত)

### শব্দার্থ ও টীকা

---

দরোয়ান	— দারোয়ান শব্দের উচ্চারণভেদে।
কাবুল	— আফগানিস্তানের রাজধানী।
কাবুলিওয়ালা	— কাবুলের অধিবাসী। অতীতে কাবুলের অনেক লোক নানা কাজে এ দেশে নিয়মিত যাতায়াত করত।
দণ্ড	— মুছুর্ত।
নভেল	— উপন্যাস।
সঙ্গদশ	— সতেরো।
পরিচ্ছেদ	— অধ্যায়।
পার্শ্বে	— পাশে।
কন্যারত্ন	— কন্যাকে আদর করে রত্নের সঙ্গে তুলনা করা হয়েছে।
ভাবেদয়	— ভাবের উদয়। মনে চিন্তা বা ভাবনা জাগা।
উর্ধ্বশ্বাসে	— অতি দ্রুতবেগে।
অন্তঃপুর	— বাড়ির ভিতরের অংশ।
অভিধার্য	— ইচ্ছা।
খোবানি	— বাদাম জাতীয় ফল।
দুইতা	— কন্যা।
ঢার	— দরজা।
সমীপস্থ	— নিকটে, কাছে।
অনর্গল	— অবিরাম, অনবরত।
সহস্যমুখ	— হাসিমুখ।
পঞ্চবৰীয়	— পাঁচ বছর বয়সী।
প্রফুল্লিট	— কোনো লেখা ছাপার আগে বানান, বাক্য, যতিচিহ্ন এসব সংশোধনের জন্য মুদ্রিত পত্র।
মেওয়া	— ডালিম, আঙুর, বাদাম প্রভৃতি ফল। এ গঞ্জে খুকির জন্যে কাবুলিওয়ালার আনা এ জাতীয় উপহার।

খোঁঢী	— কাবুলিওয়ালা কর্তৃক 'খুকি' শব্দের অশুল্ক উচ্চারণ।
স্বতাবিহুক	— স্বতাবের বিপরীত।
মুঠি আঙ্কলন	— জোরে মুঠি নাড়িয়ে রাগ প্রকাশের ভঙ্গ।
নিঃসংশয়	— শক্তিহীন।
কিঞ্চিৎ	— অল্প।
ধারিত	— ঝঁঝটি।
প্রফুল্ল	— আনন্দিত।
লড়কি	— মেয়ে।

## পাঠের উদ্দেশ্য

বাংলা ভাষার সাধু রীতির সাহিত্য পাঠে অনুপ্রাণিত করা।

## পাঠ-পরিচিতি

ভিল সংস্কৃতিতে বেড়ে উঠলেও মানুষের সুখ-দুঃখ, আনন্দ ভালোবাসার অনুভূতি অনেকাংশেই এক। 'কাবুলিওয়ালা' গল্পে রবীন্দ্রনাথ ঠাকুর আফগানিস্তানের মুক্ত পর্বতের রূপক প্রকৃতিতে গড়ে উঠে একজন পিতা এবং নাতিশীতোষ্ণ আবহাওয়ার একজন বাঙালি পিতার ভিতরের স্নেহপ্রবণ মনের ঐক্য সম্পর্কে ধারণা দিয়েছেন। দেশকালের সীমারেখা পিতৃহৃদয়ের স্বাভাবিক প্রবণতায় কোনো প্রভাব বিস্তার করে না। যে দেশের, যে সময়ের বা যে সংস্কৃতিরই মানুষ হোক না কেন পিতা সব সময়ই তার সন্তানকে একই রকমভাবে ভালোবাসেন। সন্তানের মঙ্গলচিন্তা সব পিতারই সহজাত আকাঙ্ক্ষা। 'কাবুলিওয়ালা' গল্পে রবীন্দ্রনাথ ঠাকুর বিশ্বের সকল পিতার পিতৃত্বের সর্বজনীন ও চিরস্মৃত রূপ উন্মোচিত করেছেন।

## লেখক-পরিচিতি

এশীয়দের মধ্যে যিনি প্রথম নোবেল পুরস্কার পেয়ে বিশ্বসভায় বাংলা ভাষা ও সাহিত্যকে মর্যাদার আসনে প্রতিষ্ঠিত করেছেন তিনি হলেন কবি রবীন্দ্রনাথ ঠাকুর। তিনি ১৮৬১ খ্রিষ্টাব্দের ৭ই মে (২৫শে বৈশাখ, ১২৬৮ বঙ্গাব্দ) কলকাতায় জোড়াসাঁকোর বিখ্যাত ঠাকুর পরিবারে জন্মগ্রহণ করেন। স্কুলে নিয়মিত প্রাতিষ্ঠানিক শিক্ষা তাঁর হয়নি। সতেরো বছর বয়সে বিলেতে ব্যারিস্টারি পড়তে গিয়েছিলেন; কিন্তু পড়া শেষ না হতেই দেশে ফিরে আসেন তিনি। কিন্তু শশিক্ষা ও সাধনার একক অবদানে তিনি বাংলা ভাষা ও সাহিত্যকে এত সমৃদ্ধ করেছেন যার কোনো তুলনা নেই। কাব্য, ছোটোগল্প, উপন্যাস, নাটক, প্রবন্ধ, সংগীত- সাহিত্যের সকল শাখা তাঁর আশ্চর্য অবদানে সমৃদ্ধ হয়েছে। ব্যাকরণ, ভাষাতত্ত্ব, ইত্যাদি এবং চিত্রকলাতেও তিনি অসামান্য অবদান রেখেছেন।

অনন্যসাধারণ তাঁর প্রতিভা। তিনি একাধারে সাহিত্যিক, চিত্রাবিদ, শিক্ষাবিদ, সুরকার, গীতিকার, নাট্যকার, নাট্যপ্রযোজক এবং অভিনেতা। শাস্তিনিকেতন ও বিশ্বভারতীর মতো প্রতিষ্ঠান গড়ে তিনি শিক্ষায় নতুন ধারা সৃষ্টি করেছেন। রবীন্দ্রনাথের একটি দেশপ্রেমমূলক গান বাংলাদেশের জাতীয় সংগীত। রবীন্দ্রনাথের লেখা

ঝান্ধের সংখ্যা অনেক। ছোটোদের জন্য লেখা তাঁর বিভিন্ন রচনা সংকলিত হয়েছে 'কৈশোরক' নামে একটি সংকলনে।

১৯৪১ খ্রিষ্টাব্দের ৭ই আগস্ট (২২শে শ্রাবণ, ১৩৪৮ বঙ্গাব্দ) কলকাতায় তিনি মৃত্যুবরণ করেন।

### কর্ম-অনুশীলন

---

- ক. সাধু রীতিতে লেখা ১০টি গল্পের তালিকা তৈরি কর (একক কাজ)।
- খ. পাঠ্য বইয়ের ১টি করে সাধু ও চলিত রীতির গদ্য অবলম্বনে রীতি দুটোর ৫টি পার্থক্য বের কর (দলীয় কাজ)।
- গ. সাধু রীতির একটি অনুচ্ছেদ চলিত রীতিতে রূপান্তর কর।

### নমুনা প্রশ্ন

#### বহুনির্বাচনি প্রশ্ন

১. 'কারুলিওয়ালা' গল্পে শক্তি ব্যভাবের মানুষটি কে?

- |             |               |
|-------------|---------------|
| ক. রহমত     | খ. মিনির মা   |
| গ. রামদয়াল | ঘ. মিনির বাবা |

২. মিনির বাবার মনে একটু ব্যথা বোধ হয়েছিল কেন?

- |                                      |
|--------------------------------------|
| ক. মিনি শুভ্র বাড়ি যাচ্ছে বলে       |
| খ. রহমতকে কারাগারে যেতে দেখে         |
| গ. মিনির সাথে রহমতের দেখা না হওয়ায় |
| ঘ. রহমতের মেয়ের কথা ভেবে            |

#### উদ্দীপকটি পড়ে ৩ ও ৪ নম্বর প্রশ্নের উত্তর দাও:

ফাতেমা চৌধুরী অফিসে যাওয়ার পথে প্রায়ই একটি পথশিশুকে রাস্তায় শুয়ে থাকতে দেখেন। একদিন তিনি ছেলেটিকে কিছু খাবার দিতে চাইলে সে ভয়ে পালিয়ে যায়। কয়েকদিনের চেষ্টায় ছেলেটি তার সাথে নানা গল্প মেতে ওঠে। এখন প্রায়দিনই তিনি ছেলেটির জন্য বাসায় তৈরি খাবার নিয়ে আসেন। কখনো তার দেখা না পেলে খুব চিন্তিত হয়ে ওঠেন।

৩. উদ্দীপকের ফাতেমা চৌধুরীর সাথে 'কারুলিওয়ালা' গল্পের কোন চরিত্রের মিল আছে?

- |         |             |
|---------|-------------|
| ক. রহমত | খ. রামদয়াল |
| গ. লেখক | ঘ. মিনি     |

৪. উদ্দীপকে 'কাবুলিওয়ালা' গল্পের কোন দিকটি ফুটে উঠেছে?

- i. সন্তান-বাংসল্য
- ii. সহমর্মিতা
- iii. সহযোগিতা

নিচের কোনটি সঠিক?

- |    |          |    |             |
|----|----------|----|-------------|
| ক. | i ও ii   | খ. | i ও iii     |
| গ. | ii ও iii | ঘ. | i, ii ও iii |

### সৃজনশীল প্রশ্ন

**উদ্দীপক-১:** নতুন দারোয়ান সামাদ মিয়ার সাথে ছেলের বেশি ভাব-বন্ধুত্ব কিছুতেই মেনে নিতে পারেন না আবীরের মা। তিনি স্বামীকে বোঝান — বিভিন্ন ফন্ডি করে অনেক মানুষ এখন অন্যের বাস্তা চুরি করে। সামাদ মিয়াও তো একদিন তেমন কিছু করে বসতে পারে।

**উদ্দীপক-২:** বারো বছর আগের হেট আবীর আজ কলেজ থেকে ফেরার পথে সড়ক দুর্ঘটনায় হাসপাতালে। রক্তের জন্য বাবা-মা বিভিন্ন জায়গায় যোগাযোগ করছেন। খবর পেয়ে সামাদ মিয়া ছুটে এসে হাটমাউ করে কাঁদতে কাঁদতে বলেন — ‘সাহেব, আবীর বাবার জন্য আমার সব রক্ত নেন, আমার নিজের ছেলেরে হারাইছি, ওরে হারাইলে আমি বাঁচুম না।’

- ক. কাবুলিওয়ালার মলিন কাগজটিতে কী ছিল?  
 খ. ‘আমিতো সওদা করিতে আসি না।’ — কথাটি বুঝিয়ে লেখ।  
 গ. উদ্দীপক-১ অংশে 'কাবুলিওয়ালা' গল্পের কোন দিকটি প্রকাশ পেয়েছে — ব্যাখ্যা কর।  
 ঘ. ‘উদ্দীপকের সামাদ মিয়া যেন কাবুলিওয়ালা গল্পের মূল ভাবকেই ধারণ করে আছে।’ — বিশ্লেষণ কর।

## লখার একুশে আবুবকর সিদ্দিক



লখার রাতের বিছানা ফুটপাতের কঠিন শান। এই শান দিনের বেলায় রোদে পুড়ে গরম হয়। রাতে হিম লেগে বরফের মতো ঠাণ্ডা হয়। ঠাণ্ডা শানে শুয়ে লখার বুকে কাশি বসে। গায়ে জ্বর ওঠে।

বাপকে লখা দেখেনি। চেনে না। মা তার ত্যানাখানি পরে দিনভর কেঁদে-কেঁদে ভিখ মেঝে ফেরে। লখার দিন কাটে গুলি খেলে, ছেঁড়া কাগজ কুড়িয়ে, বন্ধুদের সঙ্গে মারামারি করে আর খাবারের দেকানের এঁটোপাতা চেটে। রাতে মায়ের পাশে লখা খিদের কষ্ট ভুলে যায়।

এই লখা, ছায়া দেখলে বুক কাঁপে যাব, সে আজ ভোরাতে মায়ের পাশ থেকে উঠে পড়ল। মা মুখ হাঁ করে ঘুমুচ্ছে। লখা চুপি চুপি পা ফেলে হারিয়ে গেল ধোঁয়া-ধোঁয়া কুয়াশার মধ্যে।

খানিকটা এগিয়ে উচু রেললাইন যেন দুটো মরা সাপ। পাশাপাশি শুয়ে আছে চুপচাপ। লখা ইটের টুকরো দিয়ে ইস্পাতের লাইনে টুক-টুক টুকে তার উপর কান পাতল। হাঁ, শব্দ শোনা যাচ্ছে। যেন গানের সুরলহরি বয়ে যাচ্ছে কানের ভিতর দিয়ে। লখা ভারি মজার দুষ্ট ছেলে। গানের মজা ফুরিয়ে গেলে পর এক লাফে লাইন পেরিয়ে ওপারে পৌছে গেল। সেখানে মন্ত নিচু খাদ। তার ভিতর গড়িয়ে পড়লে হাত-পা ভাঙবে নির্ঘাত। খুব সাবধানে খাদ পেরিয়ে ওপারের ডাঙায় উঠে এলো সে। ডাঙাটা আসলে বনজঙ্গলে অঙ্ককার। বিকিরি পোকা ডাকছে আর ধেড়ে ধেড়ে গাছের ঝাঁকড়া ছায়া মাথা নেড়ে নেড়ে ভয় দেখাচ্ছে লখাকে।

খচ করে কঁটা চুকে গেল বাঁ পায়ে। কীসের কঁটা? হবে হয়তো বাবলা-টাবলার। লখা উবু হয়ে বসে কঁটাটা খসিয়ে দূরে ছুড়ে ফেলে দিলো। কিন্তু বিষ তো যায় না। কী অসহ্য যন্ত্রণা! আঁ আঁ বলে কেঁদে দিল লখা। কিন্তু কাঁদলে তো চলবে না। সময় নেই আর। তাকে যে যেতেই হবে। আবছা অঙ্ককার। ফিনফিনে ঠাণ্ডা।

গাছের পাতা বেয়ে শিশির গড়িয়ে পড়ছে। খুক খুক করে কাশি আসছে লখার। খালি গা শিশিরে ভিজে শীত লাগছে। একটা ছ্যাচড়া ডাল লখার হাফপ্যান্টটা টেনে ধরেছে পিছন দিক দিয়ে। প্যান্ট আধখসা অবস্থায় দৌড়াতে লাগল সে।

একটা খেকশেয়াল বুঝি তাকিয়ে দেখছিল তাকে। দেখুক গে। এখন ভয় ভয় করলে দেরি হয়ে যাবে। কাজেই এবার চোখ-কান বুজে দৌড় শুরু করতে হলো তাকে। আর শেষটায় সেই অস্তুত গাছটার নিচে পৌছে গেল লখা, যার ডালে ডালে রক্তের মতো টুকটুকে লাল ফুল। দিনের বেলায় রেললাইনের উপর দাঁড়িয়ে অবাক হয়ে থোকা থোকা ফুলের লাল ঝুটির পানে তাকিয়ে থাকে সে। এখন ওই উপরের এক থোকা ফুল তার পেড়ে আনা চাই।

হাতের মুঠো পাকিয়ে মনটাকে শক্ত করে নিল লখা। তারপর চড় চড় করে গাছে উঠে গেল। একেবারে কঠবেড়ালির বাচ্চা যেন। মগডালের কাছাকাছি এসে কয়েকটা তুলোমিঠের মতো বড়ো বড়ো থোকা পেয়ে গেল সে। শিশিরে ভেজা তুলতুলে। তা হোক, তোমরা এখন আমার। নাও সব টুপটোপ নেমে এসো তো আমার মুঠোর মধ্যে। কষ্ট লাগছে। আহা! কীসের কষ্ট? এই তো একটু পরে আমি তোমাদের এমন একটা উচু জায়গায় নিয়ে রেখে দেবো, যেখান অবধি তোমরা এই গাছের মগডালে কোনোদিন উঠতে পারবে না। এসো, এসো, লক্ষ্মীসোনারা সব নেমে এসো তো।

ফুল নিয়ে যখন মাটিতে নেমে এলো লখা, তখন সারা শরীর জ্বলে যাচ্ছে তার। কনুই ও বুকে চট্টচট্টে ঠাণ্ডা। হাত দিয়ে টের পায়, টাটকা রক্ত। গাছের ডালপালা কাঁটায় ভর্তি। গা-হাত-পা ছিড়ে গেছে আঁচড় লেগে। তাতে কী! জিতে গেছি আমি। গর্বে বুক ফুলে ওঠে লখার।

সেদিন সকাল ছিল বড় আশ্র্য সুন্দর। আকাশে হালকা কুয়াশা। অল্প অল্প শীত। আর দফিগের সামান্য বাতাস। পথে পথে মিছিলের ঢল নেমেছে। শত শত মানুষ। হাতে ফুলের গুচ্ছ। ঠোটে প্রভাতফেরির গান। ধীর পায়ে শহিদ মিনারের দিকে এগিয়ে চলেছে। এই ভিড়ের মধ্যে ফুন্দে টোকাই লখাকে ঠিকই দেখা যাচ্ছে। তাকে চিনতে কষ্ট হয় না। কারণ মিছিলের সবার গায়ে চাদর, কোটি, সোয়েটার। শুধু তার গা খোলা উদাম, গাঢ় কালো। হাত উপচে পড়ছে রক্তলাল ফুলের গুচ্ছ। মিছিলে পা মিলিয়ে সেও চলেছে শহিদ মিনারে ফুল দিতে। সবার সঙ্গে গলা মিলিয়ে গেয়ে চলছে — আমার ভাইয়ের রক্তে রাঙানো একুশে ফেক্রয়ারি, আমি কি ভুলিতে পারি? কিন্তু তার গলা দিয়ে কথা তো ফোটে না, শুধু শব্দ হয় আঁ আঁ আঁ।

আসলে কথা ফুটবে কী করে! লখা যে জন্মবোৰা। বাংলা বুলি তার মুখে ফুটতে পায় না। সে মনে মনে বলে — অ আ ক খ। বাইরে শব্দ হয় — আঁ আঁ আঁ আঁ।

### শব্দার্থ ও টীকা

শান	-	পাথর। এখানে কংক্রিটে তৈরি ফুটপাথ বোবাতে ব্যবহার করা হয়েছে।
ত্যানাখানি	-	পুরোনো ছেঁড়া কাপড়।
ভিখ	-	ভিঙ্গা, খয়রাত।
মেঁঙে	-	চেয়ে।
গুলি খেলা	-	মার্বেল দিয়ে খেলা।

- ছায়া দেখলে বুক কাঁপে যার - যে নিজের ছায়াকেও ভয় পায়। খুব ভীতু।
- বিষ - যে পদাৰ্থ শৰীৰে ঢুকলে যে কোনো প্রাণী অসুস্থ হয়, কখনো কখনো মারাও যায়। এখানে পথে কাঁটা ফোটার জন্য ‘ব্যথা’ অৰ্থে ব্যবহার কৰা হয়েছে।
- তুলোমিঠে - তুলোৱ মতো দেখতে মিঠি খাদ্য বিশেষ। একে ‘হাওয়াই মিঠাই’- ও বলে।
- মগডাল - গাছেৰ সবচেয়ে উঁচু ডাল।
- গাঢ় - ঘন।
- প্ৰভাতফেরি - ভোৱবেলা দল বেঁধে পাড়ায় পাড়ায় গান গেয়ে সবাইকে জাগিয়ে তোলাৰ অনুষ্ঠান বিশেষ। কিন্তু বাংলাদেশে প্ৰভাতফেরি একটি বিশেষ অৰ্থ বহন কৰে। ১৯৪৮ সালে বাংলা ভাষাকে রাষ্ট্ৰভাষা হিসেবে ব্যবহাৰ কৰাৰ দাবিতে আন্দোলন হয়। তখন ছিল পাকিস্তান। তখনকাৰ সৱকাৰ সে-দাবি মানেনি। তখন ছাত্ৰ-জনতা তীব্ৰ আন্দোলন কৰতে থাকে। সেই আন্দোলন চৰমে উঠে ১৯৫২ সালে। ১৯৫২ সালেৰ ২১শে ফেব্ৰুয়াৰি ঢাকায় ছাত্ৰ-জনতাৰ মিছিলে তৎকালীন সৱকাৱেৰ পুলিশ গুলি চালায়। তাতে শহিদ হন রফিক, সালাম, বৱকত, জবৰাসহ আৱও অনেকে। তাৰই স্মৰণে প্ৰতিবছৰ ২১শে ফেব্ৰুয়াৰি প্ৰভাতফেরি কৰা হয়। প্ৰভাতফেরিৰ সময় সকলেৰ কষ্টে থাকে আবদুল গাফফার চৌধুৱী রচিত এবং শহিদ আলতাফ মাহমুদেৰ সুৱ কৰা গান ‘আমাৰ ভাইয়েৰ রক্তে রাঙানো একুশে ফেব্ৰুয়াৰি, আমি কি ভুলিতে পাৰি’।
- শহিদ মিনার - শহিদেৱ স্মৃতি রক্ষাৰ জন্য নিৰ্মিত মিনার। ভাষা-আন্দোলনেৰ শহিদদেৱ স্মৰণে ঢাকা মেডিক্যাল কলেজ হাসপাতালেৰ সন্নিকটে আমাদেৱ কেন্দ্ৰীয় শহিদ মিনার অৰস্থিত।

### পাঠেৱ উদ্দেশ্য

ভাষা-আন্দোলনেৰ চেতনায় শিক্ষার্থীদেৱ উন্মুক্ত কৰা।

### পাঠ-পৱিচিতি

গল্পটিতে একুশে ফেব্ৰুয়াৰিৰ অবিনাশী প্ৰভাবেৰ কথা বলা হয়েছে। অতি সাধাৱণ এক কিশোৱ লখা। কথা বলতে পাৱে না সে। কিন্তু তাতে কৈই-বা আসে যায়। লখা উঁচু ডালে উঠে লাল ফুল সংগ্ৰহ কৰে শহিদ মিনারে যায় শ্ৰদ্ধা নিবেদন কৰতে। কথা বলতে না পাৱলেও তাৰ মুখ দিয়ে আঁ আঁ আঁ ধৰনিৰ মধ্য দিয়েই বেৱিয়ে আসে বাঞ্ছিনিৰ গৰ্বেৱ উচ্চাবণ — ‘আমাৰ ভাইয়েৰ রক্তে রাঙানো একুশে ফেব্ৰুয়াৰি’।

### লেখক-পরিচিতি

বাংলাদেশের বিশিষ্ট সাহিত্যিক আবুবকর সিদ্দিক ১৯৩৬ খ্রিষ্টাব্দে বাগেরহাট জেলায় জন্মগ্রহণ করেন। তাঁর রচিত উল্লেখযোগ্য গ্রন্থ হলো : 'জলরাশ্ফস', 'খরাদাহ', 'একান্তরের হৃদয়ভস্ম', 'বারুদ পোড়া প্রহর' ইত্যাদি।

### কর্ম-অনুশীলন

- ক. শহিদ দিবসের ওপর শিক্ষার্থীরা আলোচনা অনুষ্ঠানের আয়োজন করবে।
- খ. শহিদ দিবস উপলক্ষ্যে ছড়া, কবিতা, গল্প, প্রবন্ধ, নাটক ইত্যাদির সমন্বয়ে দেয়ালিকা প্রকাশ করবে।

### নমুনা প্রশ্ন

#### বহুনির্বাচনি প্রশ্ন

##### ১. লখা কখন তার খিদের কষ্ট ভুলে যায় —

- ক. ঘুমুতে গেলে
- খ. মাকে কাছে পেলে
- গ. খেলার সঙ্গী পেলে
- ঘ. প্রভাতফেরির গান শনলে

##### ২. লখাকে চোখ-কান বুজে দৌড় শুরু করতে হলো, কারণ —

- ক. সে ভয় পেয়েছিল
- খ. বাইরে অক্ষকার ছিল
- গ. তাকে ফুল আনতে হবে
- ঘ. মায়ের কাছে ফিরে যেতে হবে

##### উচ্চীপক্ষটি গড়ে ৩ ও ৪ নং প্রশ্নের উত্তর দাও।

বাবার সাথে প্রভাতফেরিতে এসেছে দিপু। ওর হাতে একটা টকটকে লাল গোলাপ। ওর কষ্টে গানের দুর 'আমার ভাইয়ের রক্তে রাঙানো'। ও লাল গোলাপটিকে শহিদ মিনারের সবচেয়ে উঁচু সিডিতে রাখতে চায়।

##### ৩. লখা ও দিপুর মধ্যে যে বিষয়ে মিল আছে তা হলো —

- ক. শহিদ মিনারে আসা মানুষ দেখার ইচ্ছা
- খ. শহিদদের প্রতি শুদ্ধা জানানোর আবেগ
- গ. প্রতিবক্তব্য দূর করার অদ্য বাসনা
- ঘ. শহিদ দিবসের গান গাওয়ার আবক্ষ

##### ৪. দিপু ও লখা দুজনেই শহিদ দিবস উদযাপন করেছিল; তবু লখাই প্রমাণ করেছে যে —

- i. ভালোবাসার অনুভূতি প্রতিবন্ধকতার চেয়ে শক্তিশালী
- ii. আত্মবিশ্বাস দ্বারা বাধাকে অতিক্রম করা যায়
- iii. শিশুরা অত্যন্ত অনুভূতিপ্রবণ

### নিচের কোনটি সঠিক ?

- |    |          |    |             |
|----|----------|----|-------------|
| ক. | i ও ii   | খ. | i ও iii     |
| গ. | ii ও iii | ঘ. | i, ii ও iii |

### সূজনশীল প্রশ্ন

১. ইশতিয়াক এবার বৃত্তি নিয়ে জাপানে লেখাপড়া করতে চলে আসায় শহিদ দিবস উদ্ধাপন করতে পারবে না। অথচ প্রতিবছর সে প্রভাতকেরিতে অংশগ্রহণ করত — বক্তা, আবৃত্তি, আলোচনা শুনত, সে-কথা মনে করে তার চোখ জলে ভরে আসে। মনে মনে কিছু করার জন্য ইচ্ছা পোষণ করে। অতঃপর ইশতিয়াক আন্তর্জাতিক মাত্তাধা দিবস ও এর ইতিহাস সহপাঠীদের কাছে তুলে ধরার পরিকল্পনা করে।

- ক. লখা রাতে কোথায় ঘুমায়?
- খ. ‘জিতে গেছি আমি। গর্বে বুক ফুলে ওঠে লখার’ — কথাটি দ্বারা কী বোঝানো হয়েছে?
- গ. ‘লখা ও ইশতিয়াক দুজনের কাছে শহিদ দিবস ভিন্ন আঙিকে এসেছে।’ — ব্যাখ্যা কর।
- ঘ. ‘ইশতিয়াকের শহিদ দিবস উদ্ধাপনের আকাঙ্ক্ষা স্থার শহিদ দিবস উদ্ধাপনের আকাঙ্ক্ষারই প্রতিফলন।’ — বিশ্লেষণ কর।

## মরণ-ভাস্কর হৰীবুল্লাহ বাহার



যেসব মহাপুরুষের আবির্ভাবে পৃথিবী ধন্য হয়েছে – মানুষের জীবনে যাঁরা এনেছেন সৌষ্ঠব, ফুটিয়েছেন লাভণ্য, মরুভাস্কর হজরত মুহাম্মদ মোস্তফা (স.) তাঁদের মধ্যে সর্বশ্রেষ্ঠ।

হজরত মুহাম্মদ (স.)-এর জীবন আলোচনা করতে গিয়ে সকলের আগে আমাদের চোখে পড়ে তাঁর ঐতিহাসিকতা। হজরতের জীবনের অত্যোকটি ঘটনা, অত্যোকটি খুঁটিনাটি বিবরণ যেভাবে রক্ষা করা হয়েছে, সত্ত্বেও কষ্টপাথের ঘষে যেভাবে ঘাচাই করা হয়েছে, পৃথিবীর কোনো মহাপুরুষের বেলায় তা করা হয়নি।

আরবের লোকের স্মৃতিশক্তি ছিল সত্যি অসাধারণ। বিরাট বিরাট কাব্যগ্রন্থ সহজেই তারা মুখস্থ করে ফেলত। আরবি সাহিত্যের ইতিহাস আলোচনা করলে দেখা যায়, মুখস্থ না করে কোনো কিছু লিখে রাখা আরবিরা লজ্জার কথা বলে মনে করত। সাহাবিরা এবং অন্য হাদিসজ্ঞরা অনেকেই হাজার হাজার হাদিস মুখস্থ করে রাখতেন।

হজরত মোস্তফা (স.) মানবতার গৌরব। আল্লাহর নবি হওয়া সত্ত্বেও তিনি নিজেকে সাধারণ মানুষই মনে করতেন এবং সেভাবেই তিনি জীবনযাপন করেছেন। ৬৩ বছরের ক্ষুদ্র পরিসর জীবনে হজরতকে কত পরিবর্তনের সম্মুখীন হতে হয়েছে, দেখলে অবাক হতে হয়। যিনি ছিলেন ঐতিম, তিনি হয়েছিলেন সারা আরবভূমির অবিসংবাদিত নেতা। হজরত যখন মদিনার অধিনায়ক, তখন তাঁর ঘরের আসবাব ছিল – একখানা খেজুর পাতার বিছানা আর একটি পানির সুরাহি। অনেক দিন তাঁকে অনাহারে থাকতে হত এবং অনেক সময় উন্ননে জুলত না আগুন।

হজরতের চরিত্রে সংমিশ্রণ হয়েছিল কোমল আৰ কঠোৱেৰ। বিশ্বাসে যিনি ছিলেন অজেয়, অকুতোভয়, সত্যে ও সংগ্রামে যিনি বজ্রেৰ মতো কঠোৱ, পৰ্বতেৰ মতো অটল, তাঁকেই আৰার দেখতে পাই - কুসুমেৰ ঢেয়েও কোমল। বন্ধু-বাঙ্গবেৰ জন্য তাঁৰ গ্ৰীতিৰ অস্ত নেই - মুখ তাঁৰ সব সময় হাসিহাসি, ছেলেপিলেৰ সঙ্গে ঘেশেন তিনি একেবারে শিশুৰ ঘন লিয়ে - পথে দেখা হলে বালক-বন্ধুকে তাৰ বুলুলিৰ খবৰ জিজেস কৰতে তাঁৰ ভুল হয় না। বন্ধুবিয়োগে চক্ষু তাঁৰ অক্ষমিক হয়। বহু দিন পৰ দাই-মা হালিমাকে দেখে 'মা আমাৰ, মা আমাৰ' বলে তিনি আকুল হয়ে ওঠেন। মৰ্কাবিজয়েৰ পৰ সাফা পৰ্বতেৰ পাদদেশে বসে হ্যৱত বজ্ঞা কৰছিলেন। একজন লোক তাঁৰ সামনে এসে ভয়ে কাঁপতে লাগল। হজরত অভয় দিয়ে বললেন: "তয় কৱছ কেন? আমি রাজা নই, কাৰও মুনিবও নই - এমন মায়েৰ সন্তান আমি, শুক খাদ্যই যাঁৰ আহাৰ্য।"

হজরত জীৱনে কাউকে কড়া কথা বলেননি - কাউকে অভিসম্পাত দেননি। আনাস নামক এক ভৃত্য দশ বছৰ হজরতেৰ চাকৰি কৱাৰ পৰ বলেছেন - এই সুদীৰ্ঘ সময়েৰ মধ্যে হজরতেৰ মুখে তিনি কড়া কথা শোনেননি কথনো। মৰ্কায় বা তায়েকে অত্যাচাৰে জৰ্জিৱত হয়েও হজরতেৰ মুখে অভিসম্পাতেৰ বাণী উচ্চারিত হয়নি। বৰং তিনি বলেছেন, "এদেৱ জ্ঞান দাও প্ৰভু - এদেৱ ক্ষমা কৱো।"

জগতে সাম্যেৰ প্ৰতিষ্ঠা মৌনত্ব চৰিত্ৰে অন্যতম বিশেষত্ব। প্ৰচলিত সমাজব্যবস্থা ও দাস-ব্যবসায়েৰ অত্যাচাৰে জৰ্জিৱত হয়ে মানবাত্মা যখন গুমৰে মৱছিল, রাসুলুল্লাহ (স.) তখন প্ৰচাৰ কৱেন সাম্যেৰ বাণী।

সমগ্ৰ জীৱন দিয়ে তিনি সাম্যেৰ প্ৰচাৰ ও প্ৰতিষ্ঠা কৱে গেছেন। চৰম দুৱহস্তাৰ হাত থেকে দাসদেৱ পৱিত্ৰাগেৰ জন্যও তিনি কাজ কৱেছেন। মানুষকে সালাতে আহ্বান কৱাৰ জন্যে মুয়াজ্জিন নিযুক্ত কৱেছেন হাৰশি গোলাম হজরত বেলালকে।

নারীৰ অবস্থাৰ পৱিত্ৰত্ব এনেছেন হজরত। নারীৰ মৰ্যাদা হিল তাঁৰ শিক্ষাৰ অস্তৰুক্ত। তাঁৰ কন্যা হজরত ফাতেমা (ৱা.)-কে কেন্দ্ৰ কৱে সে যুগে গড়ে উঠেছে নারীত্বেৰ আদৰ্শ। হজরত ঘোষণা কৱেছেন: "বেহেশত মায়েৰ পায়েৰ নিচে।"

কুসংক্ষাৰকে হজরত কোনো দিনই প্ৰশংসন দেননি। একবাৰ হজরতেৰ পুঁঝেৰ মৃত্যুদিনে সূর্য়ঘঃণ দেখা যায়। লোকে বলাবলি কৱতে থাকে - বুঝি হজরতেৰ বিপদে প্ৰকৃতি শোকাবেশ পৱিত্ৰাণ কৱেছে। তখনি সভা ডেকে হজরত এই বাস্তবতাৰিবোধী কথাৰ প্ৰতিবাদ কৱলেন; বললেন, "আল্লাহুৱ বহু নিদৰ্শনেৰ মধ্যে দুটি - চন্দ্ৰ ও সূৰ্য। কাৰুৰ জন্ম বা মৃত্যুতে চন্দ্ৰ - সূৰ্যে গ্ৰহণ লাগতে পাৱে না।"

হজরত জানেৰ ওপৰ জোৱ দিয়েছেন সব সময়। জান যেন হারানো উটেৱ মতো - তাকে তিনি খুঁজে বেৱ কৱতে বলেছেন যেখান থেকেই হোক। আৱও বলেছেন তিনি: "জানসাধকেৱ দোয়াতেৰ কালি শহিদেৱ লহুৰ চাইতেও পৰিব্ৰজা।"

এভাবে জানেৰ আলোয় মানুষেৰ হৃদয় উজ্জ্বল কৱাৰ প্ৰেৰণা দিয়ে গেছেন তিনি।

(সংক্ষেপিত ও পরিমার্জিত)

## শব্দার্থ ও টীকা

মরু-ভাস্কর-	মরুভূমির সূর্য। এখানে হজরত মুহাম্মদ (স.)-কে বোঝানো হয়েছে।
সৌষ্ঠব-	সুগঠন।
হাদিস-	হজরত মুহাম্মদ (স.)-এর অনুমোদিত বাক্য ও কাজের সমষ্টি।
কষ্টপাথর-	ঘৰে সোনা পরীক্ষা করার এক রকম কালো পাথর।
সুরাই-	পানির এক রকম পাত্র, সোরাই, জলের কুঁজো।
অকুতোভয়-	যার কোনো কিছুতে ভয় নেই, নিষ্ঠ।
অভিসম্পাত-	অভিশাপ।
পরিআণ-	মৃক্ষ।
হাবশি গোলাম-	আবিসিনিয়ায় (বর্তমানে ইথিওপিয়া) জন্মহণকারী খ্রীতদাস।
লহু-	রক্ত।

## পাঠের উদ্দেশ্য

মহানবদের প্রতি শিক্ষার্থীর শ্রদ্ধাবোধ জাগিয়ে তোলা।

## পাঠ- পরিচিতি

‘মরু-ভাস্কর’ প্রবক্তে লেখক মহানবির জীবন ও আদর্শের বিভিন্ন দিক তুলে ধরেছেন যা আমাদের ধর্মীয় চেতনা ও নৈতিকতার বিকাশে অনুকরণীয় ও অনুসরণীয় দৃষ্টিতে হতে পারে।

হজরত মুহাম্মদ (স.) ছিলেন সেই মহাপুরুষদের মধ্যে একজন যিনি চরিত্রবান; মানবপ্রেমে, জীবন্তেমে মহীয়ান। বিপদে ধৈর্যশীলতা, দারিদ্র্যে অচক্ষণতা, শক্তির প্রতি ক্ষমাশীলতার মহৎ দৃষ্টান্তে তাঁর জীবন সমৃজ্জীব। অনেক মহাপুরুষের জীবন প্রকৃত তথ্যের চেয়ে কাঙ্গালিক নানা তথ্যে ভরা। কিন্তু হজরত মুহাম্মদ (স.)-এর জীবনের যত তথ্য পাওয়া যায় সবই ঐতিহাসিক সত্য হিসেবে স্বীকৃত।

আল্লাহর মহান নবি হওয়া সত্ত্বেও হজরত মুহাম্মদ (স.) ছিলেন একজন সাধারণ মানুষের মতো। তাই তিনি মানবজাতির গৌরব।

তাঁর ৬৩ বছরের ঘটনাবহুল জীবনে, নানা পরিস্থিতির মধ্যেও তাঁর জীবনের মূলধারা ছিল অপরিবর্তিত। তিনি সব সময় সহজ সরল অনাড়ম্বর জীবনযাপন করেছেন। তাঁর চরিত্রে মিশে ছিল হাসিখুশি ভাব, কোমলতা ও কঠোরতা। আপন বিশ্বাসে, সত্যের জন্য সংগ্রামে তিনি ছিলেন বজ্রের মতো কঠোর, পর্বতের মতো অটল। কিন্তু নারী-পুরুষ, বন্ধুবন্ধন, শিশু, কিশোর, আত্মীয়সমজেন সবার সঙ্গে ব্যক্তিগত আচরণে তিনি ছিলেন কুসুমের মতো কোমল। তাঁর চরিত্র ছিল প্রীতিতে, মমতায়, স্নেহে, সৌজন্যে দয়ার আধার। জীবনে কাউকে তিনি কড়া কথা বলেননি, কাউকে অভিসম্পাত দেননি। নিজে নির্যাতিত হয়েও প্রতিদানে তিনি ক্ষমা করেছেন।

হজরত মানুষে মানুষে ভেদাভেদের পরিবর্তে সাম্যের বাণী প্রচার করে গেছেন। তিনি চরম দুরবস্থা-কর্বলিত খ্রীতদাসের পরিআণের জন্য কাজ করে গেছেন। নারীর অবস্থার পরিবর্তন ও নারীর মর্যাদা প্রতিষ্ঠা ছিল তাঁর জীবনের ব্রত। অন্য ধর্মের ব্যাপারে তিনি ছিলেন অত্যন্ত উদার ও সহিষ্ণু।

হজরত কুসংস্কারকে কথনো প্রশ্নয় দেননি। যা সত্য, যা যুক্তিগ্রাহ্য, তার পদ্ধেই তিনি অবস্থান নিয়েছেন। হজরত জ্ঞানচর্চার ওপর গুরুত্ব দিয়েছেন সব সময়। এর ফলে মুসলিম সমাজ জ্ঞানবিজ্ঞান চর্চায় এগিয়ে যাওয়ার প্রেরণায় উজ্জীবিত হয়েছে।

### লেখক-পরিচিতি

হবীবুল্লাহ্ বাহার ছিলেন কবি নজরুল্লের ‘ভক্তিশিয়’ এবং চিন্তা ও কর্মে পুরোপুরি মানবতাবাদী। ১৯০৬ খ্রিষ্টাব্দে তিনি ফেনী জেলায় জন্মগ্রহণ করেন। মূলত প্রবন্ধকার হলেও তিনি কয়েকটি উল্লেখযোগ্য জীবনীগ্রন্থ রচনা করেছেন। যেমন ‘ওমর ফারক’, ‘আমীর আলী’ ইত্যাদি। ১৯৬৬ খ্রিষ্টাব্দে ১৫ই এপ্রিল তিনি মৃত্যবরণ করেন।

### কর্ম-অনুশীলন

ক. মহামানবদের প্রতি শ্রদ্ধা প্রদর্শনে তাদের অনুসরণে ৫টি কল্যাণকর কাজের তালিকা তৈরি কর।

### নমুনা প্রশ্ন

#### বহুনির্বাচনি প্রশ্ন

১. হজরত মুহাম্মদ (স.) কোন ক্ষেত্রে বঙ্গের মতো কঠোর ছিলেন?

- |                             |                                 |
|-----------------------------|---------------------------------|
| ক. গভীর আত্মবিশ্বাসে        | খ. নারীর মর্যাদা রক্ষায়        |
| গ. সত্য ও সংগ্রামের চেতনায় | ঘ. সাম্যের প্রচার ও প্রতিষ্ঠায় |

২. ‘এদের জ্ঞান দাও এভু – এদের ক্ষমা কর।’ – উক্তিটির মধ্য দিয়ে হজরত মুহাম্মদ (স.)-এর চরিত্রের কোন বৈশিষ্ট্যটি প্রাধান্য পেয়েছে?

- |                      |                          |
|----------------------|--------------------------|
| ক. ক্ষমা ও মহানুভবতা | খ. দয়া ও করুণা          |
| গ. প্রেম ও ভালোবাসা  | ঘ. বাংসল্য ও ন্যায়বিচার |

৩. ‘কারুর জন্ম বা মৃত্যুতে চন্দ-সূর্যে গ্রহণ লাগতে পারে না।’ – উক্তিটির মধ্য দিয়ে হজরতের কোন ধরনের মনোভাব প্রকাশ পেয়েছে?

- |                   |                  |
|-------------------|------------------|
| ক. সাম্যবাদিতার   | খ. মানবপ্রেমের   |
| গ. সংক্ষারমুক্তির | ঘ. দৃঢ়বিশ্বাসের |

৪. কোন দৃষ্টিকোণ থেকে আববের লোকেরা ছিল অসাধারণ?

ক. সহিংসতার

খ. ধৈর্যের

ঘ. পেশিশক্তির

ঞ. স্মৃতিশক্তির

### সূজনশীল প্রশ্ন

---

১। হজরত মুহাম্মদ (স.) সর্বকালের সর্বশ্রেষ্ঠ মানুষ। কিন্তু শ্রেষ্ঠত্বের কোনো অহমিকা তাঁর ছিল না। মানুষের প্রতি তাঁর ভালোবাসা ছিল অফুরন্ত। সকলের প্রতি তাঁর আচরণ ছিল হাসিমাখা। ছোটো শিশুদের তিনি খুব বেশি স্নেহ করতেন। তাঁর বালক-বন্ধুর সাথে দেখা হলে তিনি বন্ধুর বুলবুলি পাখির খবর নিতেও ভুলে যেতেন না।

ক. হজরত মুহাম্মদ (স.) কোন ধর্মের প্রবর্তক ছিলেন?

খ. শহিদের রক্তের চেয়ে ড্যানসাধকের কলমের কালিকে অধিক গুরুত্বপূর্ণ বলার কারণটি ব্যাখ্যা কর।

গ. উদ্দীপকে হজরত মুহাম্মদ (স.)-এর যে গুণটি ফুটে উঠেছে তা ‘মরহ-ভাস্কর’ প্রবন্ধের আলোকে বর্ণনা কর।

ঘ. “উদ্দীপকটিতে হজরত মুহাম্মদ (স.)-এর গুণাবলির আংশিক প্রতিফলন ঘটেছে।”-বক্তব্যটির যৌক্তিকতা ‘মরহ-ভাস্কর’ প্রবন্ধের আলোকে বিশ্লেষণ কর।

# শব্দ থেকে কবিতা

হুমায়ুন আজাদ



কবিতা কাকে বলে, বলা খুব মুশকিল। কিন্তু আমরা যারা পড়তে পারি, তারা কম-বেশি কবিতা চিনি। কবিতারও চেহারা আছে। বইয়ে বা পত্রিকায় যে-লেখাগুলো খুব সুন্দরভাবে ছাপানো হয়, যে-লেখাগুলো, পঙ্কজিগুলো খুব বেশি বড় হয় না, যে-গুলোতে একটি পঙ্কজি আরেকটি পঙ্কজির সমান হয়, সে-লেখাগুলোই কবিতা। যে-লেখাগুলো পড়লে মন নেচে ওঠে; গান গেয়ে উঠতে ইচ্ছে করে, চোখে বুকে রং-বেরঙের স্ফুরণ এসে জয়া হয়, তা-ই কবিতা। যা পড়লে, দু-তিনবার পড়লে আর ভোলা যায় না, মনের ভেতর যা নাচতে থাকে, তা-ই কবিতা।

কবিতা কারা লেখেন? কবিরা লেখেন কবিতা। তাঁরা একটি শব্দের পাশে আরেকটি শব্দ বসিয়ে, একটি শব্দের সাথে আরেকটি শব্দ মিলিয়ে কবিতা লেখেন। আমরা যদি কিছু বানাতে চাই, তাহলে কিছু-না-কিছু জিনিস লাগে। উপমা একটি ঘূড়ি বানাতে চায়। ঘূড়ি বানানোর জন্যে উপমার দরকার লাল-নীল কাগজ, সুতো, বাঁশের টুকরো। মৌলি একটি পুতুল বানাতে চায়। তার দরকার হলদে টুকরো কাপড়, সুতো, তিণটা লাল বোতাম, দুটো সবুজ কঁটা, একটু তুলো। তেমনি কবিতা বানাতে হলেও জিনিস চাই। কবিতার জন্যে দরকার শব্দ — রংবেরঙের শব্দ। ‘পাখি’ একটা শব্দ, ‘নদী’ একটা শব্দ, ‘ফুল’ একটা শব্দ, ‘মা’ একটা শব্দ; এমন হাজারো শব্দের দরকার হয় কবিতা লেখার জন্যে। কবি হতে পারে কে? সে-ই হতে পারে কবি, যে লিখতে পারে কবিতা, যার ভালোবাসা আছে শব্দের জন্যে। যে শব্দকে ভালোবাসে খুব, শব্দকে আদর করে করে

যে খুব সুখ পায়, সে-ই হতে পারে কবি। কবিরা গোলাপের মতো সুন্দর কথা বলেন, চাঁদের মতো স্বপ্ন দেখেন। তুমিও গোলাপের মতো সুন্দর কথা বলতে চাও, চাঁদের মতো স্বপ্ন দেখতে চাও? তোমার যদি শব্দের জন্যে আদর-ভালোবাসা না থাকে, তাহলে পারবে না তুমি গোলাপের মতো লাল গন্ধুরা কথা বলতে, চাঁদের মতো জ্যোৎস্নাভরা স্বপ্ন দেখতে।

তুমি কি লিখতে চাও ফুলের মতো কবিতা? বানাতে চাও নৃপুরের শব্দের মতো ছড়া? যদি চাও তবে তোমাকে সারাদিন ভাবতে হবে শব্দের কথা। খেলতে হবে শব্দের খেলা। নানান রকমের শব্দ আছে আমাদের ভাষায়। তোমাকে জানতে হবে সে-সব শব্দকে। কিছু কিছু শব্দ আছে, যেগুলোর গায়ে হলুদ-সবুজ-লাল-নীল-বাদামি-খয়েরি রং আছে। তোমাকে চিনতে হবে শব্দের রং। অনেক শব্দ আছে, যেগুলোর শরীর থেকে সুর বেরোয়: কোনো কোনো শব্দে বাঁশির সুর শোনা যায়, কোনো কোনো শব্দে শোনা যায় হাসির সুর। কোনো শব্দে বাজে শুকনো পাতার খসখসে আওয়াজ, কোনোটিতে বেহালার সুর। কোনো কোনো শব্দ তোমার পায়ের নৃপুরের মতো বাজে। তোমাকে শুনতে হবে শব্দের সুর ও স্বর। অনেক শব্দ আছে বাংলা ভাষায় যেগুলোর শরীর থেকে সুগন্ধ বেরোয়। কোনোটির শরীর থেকে ভেসে আসে লাল গোলাপের গন্ধ, কোনোটির গা থেকে আসে কাঁঠালচাঁপার ঝাগ, কোনোটি থেকে আসে বাতাবিলেবুর সুবাস। তুমি যদি দেখতে পাও শব্দের শরীরের রং, শুনতে পাও শব্দের সুর, টের পাও শব্দের সুগন্ধ, তাহলেই পারবে তুমি কবি হতে।

কবিরা শব্দ দিয়ে লেখেন নানান রকমের কবিতা। কখনো তাঁরা খুব হাসির কথা বলেন, কখনো বলেন কাঁচার কথা। কখনো তাঁরা বলেন স্বপ্নের কথা, কখনো তাঁরা চারপাশে যা দেখেন, তার কথা বলেন। কিন্তু সব সময়ই তাঁরা কথা বলেন শব্দে। শব্দ বসিয়ে বসিয়ে তাঁরা বানান কবিতা। কবিতা লিখতে হলে প্রথমেই জানতে হবে নানান রকমের শব্দ। তারপর আসে শব্দ দিয়ে যা বলতে চাই, তার কথা। কিন্তু কীভাবে বলা যায় সেই কথা?

কবিতায় আমরা অনেক কিছু বলতে পারি। কখনো বলতে পারি ঘর-ফাটানো হাসির কথা। বলতে পারি টিগবগে রাগের কথা। বলতে পারি খুব চমৎকার ভালো কথা। কখনো বাজাতে পারি নাচের শব্দ। আবার কখনো আঁকতে পারি রঙিন ছবি। কিন্তু সব সময়ই মনে রাখতে হবে, ওই কথা নতুন হতে হবে। যা একবার কেউ বলে গেছে, যে-ছবি একবার কেউ এঁকে গেছে, তা বলা যাবে না, সে-ছবি আঁকা যাবে না। আর কথা বলতে হবে, নাচতে হবে, ছবি আঁকতে হবে ছন্দে। তাই কবিতা লিখতে হলে শব্দকে জানতে হবে, জানতে হবে ছন্দ, আর থাকতে হবে স্বপ্ন। যার চোখে স্বপ্ন নেই, সে কবি হতে পারে না। স্বপ্ন থাকলে মনে আসে নতুন ভাবনা, নেচে নেচে আসে ছন্দ, আর শব্দ।

যে কোনো বিষয় নিয়েই তুমি লিখতে পারো কবিতা। বাড়ির পাশের গলিটা, দূরের ধানফেঁতুটা, পোষা বেড়ালটা বা পুতুলটাকে নিয়ে কবিতা লেখা যায়, যদি মনে স্বপ্ন থাকে। রাস্তার দোকানিকে নিয়ে কবিতা লেখা যায়, যদি স্বপ্ন থাকে। আর যা নেই, তা নিয়েও কবিতা লেখা যায়, যদি স্বপ্ন থাকে। এবার একটা কবিতা লেখা যাক। কবিতাটির নাম দিছি ‘দোকানি’। রাস্তার মোড়ের দোকানদারকে তুমি-আমি চিনি। সে বিক্রি করে সাদা দুধ, খয়েরি চকোলেট, লাল পুতুল, সবুজ পান। এসব জিনিস আমরা কিনে খাই, দোকানিকে চকচকে টাকা দিই। তার জিনিসপত্র বিক্রি দেখে মাথায় আমার একটা ভাব এলো। ভাবটা হলো: আমি একটা দোকান খুলেছি দুদিন ধরে, কিন্তু সে-দোকানে দুধ, চকোলেট, পান বিক্রি হয় না।

বিক্রি হয় এমন সব জিনিস, যা কেউ বেচে না, যা কেউ কেনে না। শুধু স্বপ্নেই সে-সব জিনিস বেচাকেনা চলে। ভাবটা মাথায় এলো, সঙ্গে শব্দ এলো, আর ছন্দ এলো। প্রথমে লিখলাম:

দুদিন ধরে বিক্রি করছি  
চকচকে খুব চাঁদের আলো  
টুকটুকে লাল পাখির গান।

কথাটাই চমক দেয় সবার আগে: চকচকে চাঁদের আলো, টুকটুকে লাল পাখির গান বিক্রির ব্যাপারটা বেশ নতুন। সারা পৃথিবীতে খুঁজে এমন দোকান পাওয়া যাবে না। ছন্দটাও বেশ, দুলে দুলে আসছে। এ-তিনটি পঙ্গতি পড়ার সাথে সাথে শব্দ, ছন্দ, কথা মিলে এক রকম স্বপ্ন তৈরি হয় চোখে আর মনে। এরপর আরও এগিয়ে গিয়ে লিখলাম:

বিক্রি করছি চাঁপার গন্ধ  
স্বপ্নে দেখা নাচের ছন্দ  
গোলাপ ফুলের মুখের রূপ।

এখানে ছন্দ-মিল আরও মধুর। বিক্রির জিনিসগুলো আগের মতোই চমকপ্রদ। তবে এখানে স্বপ্ন আরও বেড়েছে, ছবিও আরও রঙিন। চাঁপার গন্ধ পাওয়া গেল এবং বেজে উঠল স্বপ্নে দেখা নাচের ছন্দের নৃপুর। এ-নাচ স্বপ্ন ছাড়া আর কোথাও দেখা যায় না, এমন নাচ নাচতে পারে না কেউ। ‘গোলাপ ফুলের মুখের রূপ’ বলার সাথে সাথে গোলাপ ফুল একটি মিষ্টি মেয়ের মতো ফুটে উঠল, মেয়েটির মুখ হয়ে উঠল গোলাপ, আর গোলাপ হয়ে উঠল মেয়েটির মুখ। স্বপ্ন জড়ে হলো চোখে।

কবিতাটিকে আমি আর লিখতে চাই না। ইচ্ছে হলে তোমরা লিখতে পার। কবিতা লিখতে হলেই নতুন কথা ভাবতে হবে, আর সে-কথাকে পরিয়ে দিতে হবে শব্দ ও ছন্দের রঙিন সাজপোশাক। তোমরা এখন ছোটো, এ-ছোটো থাকার সময়টা বেশ সুন্দর। বারবার আমার ছোটো সময়ের কথা মনে পড়ে। আমি দেখতে পাই, ছোট আমি দাঁড়িয়ে আছি পুকুরের পাড়ে, একটা সাদা মাছ লাফ দিয়ে আবার চুকে গেল পানিতে। দেখতে পাই শাপলা ফুটেছে, পানি লাল হয়ে গেছে। একটা চড়ুই উড়ে গেল, তার ঠোঁটে চিকন একটা কুটো। এসব আমাকে কবিতা লিখতে বলে।

তোমরা এখন ছোটো, এ বয়সে তোমরা খুব বেশি করে দেখে নেবে। যত পার, দেখ। দেখ, দেখ এবং দেখ। বুকের মধ্যে, মনের মধ্যে ছবি জমাও, রং জমাও, সুর জমাও। বড় হলে এ ছবি, সুর, রং তোমাদের খুব উপকার করবে। খুব ছোটো বয়সে কি কবিতা লেখা উচিত? ছোটো বয়সে উচিত কবিতা পড়া, পড়া এবং পড়া। চারদিকের ছবি দেখা, দেখা এবং দেখা। ছোট বয়সে বুকে জমানো উচিত শব্দ আর ছন্দ। তারপর একদিন, যখন বড়ো হবে, শব্দ, ছন্দ, ছবি, সুর, রং সব দল বেঁধে আসবে তোমার কাছে, বলবে আমাদের তুমি কবিতায় রূপ দাও। তুমি হয়তো একা একা ঘরে বসে শব্দ-ছন্দ-ছবি-সুর-রং মিলিয়ে বানাবে এক নতুন জিনিস, যার নাম কবিতা।

(সংক্ষেপিত)

### শব্দার্থ ও টীকা

উপমা	-	তুলনা। এখানে একটি মেয়ের নাম হিসেবে ব্যবহার করা হয়েছে।
নৃপুর	-	পায়ে পরার অলংকার।
চমকপ্রদ	-	যা অবাক করে দেয়।
কাঁঠালচাঁপা	-	পাকা কাঁঠালের মতো গন্ধুমুক্ত ফুল।

## পাঠের উদ্দেশ্য

শিক্ষার্থীদের সৃষ্টিশীল হতে অনুপ্রাণিত করা।

### পাঠ-পরিচিতি

সাহিত্যের নানা রূপের মধ্যে একটি হচ্ছে কবিতা। রচনাটিতে কবিতার শিল্পরূপ ও তার বৈশিষ্ট্য অপরূপ ভাষায় বর্ণিত হয়েছে। কাকে বলা যায় কবিতা? লেখকের মতে, যা পড়লে মনের ভিতর স্ফুর জেগে ওঠে, ছবি ভেসে ওঠে, তা-ই কবিতা। শব্দের সঙ্গে শব্দ মিলিয়ে লেখা হয় কবিতা।

কেবল কবিরাই লিখতে পারেন কবিতা। কেননা কবিরাই স্ফুর দেখতে পারেন, তাঁরাই পারেন স্ফুরের ছবি আঁকতে। নতুন ছবি নতুন ভাব কেবল কবিদের চেতনায় খেলা করে বলে তাঁরা লিখতে পারেন কবিতা। কবিতা লিখতে হলে শব্দের রূপ-রং-গন্ধ-বর্ণ-সূর ও ছন্দ চিনতে হয়, জানতে হয়। কবিরা চেনেন এবং জানেন শব্দের এসব মায়াবী রূপ। তাই তাঁরা লিখতে পারেন কবিতা।

অনেক বিষয় নিয়েই কবিতা লেখা যায়। তবে কবিতা লেখার জন্য প্রথমেই প্রয়োজন স্ফুর। যিনি স্ফুর দেখতে জানেন না, তিনি লিখতে পারেন না কবিতা। স্ফুর দেখার জন্য শৈশব-কৈশোরে পড়তে হবে কবিতার পর কবিতা, দুচোখ মেলে দেখে নিতে হবে যা-কিছু চোখে পড়ে, তার সবটা। অর্থাৎ কবিতা লেখার জন্য চাই অভিজ্ঞতা। কবিতার রূপ ও তার রচনা-কৌশল বর্তমান রচনার উপজীব্য।

### লেখক-পরিচিতি

বাংলাদেশের বিশিষ্ট গদ্যশিল্পী, ভাষাবিজ্ঞানী, উপন্যাসিক ও কবি হুমায়ুন আজাদ ১৯৪৭ খ্রিষ্টাব্দে মুসীগঞ্জে জন্মগ্রহণ করেন। তাঁর উল্লেখযোগ্য গ্রন্থ হলো: কাব্য—‘অলৌকিক ইস্টিমার’, ‘জুলো চিতাবাঘ’, ‘সব কিছু নষ্টদের অধিকারে যাবে’, ‘কাফলে মোড়া অশ্রুবিন্দু’; উপন্যাস —‘ছাপাই হাজার বর্গমাইল’, গল্প —‘যাদুকরের মৃত্যু’, প্রবন্ধ —‘লাল নীল দীপাবলি’, ‘কতো নদী সরোবর’ ইত্যাদি।

হুমায়ুন আজাদ ২০০৪ খ্রিষ্টাব্দে মৃত্যুবরণ করেন।

### কর্ম-অনুশীলন

- ক. তোমার পড়া কোনো কবিতা বা গল্প অবলম্বনে তোমার ভালো লাগা বা ভালো না-লাগাগুলো যুক্তিসহকারে লিখ।
- খ. টেলিভিশন বা অন্য কোনো মিডিয়াতে তোমার দেখা কোনো নাটক নিয়ে একটি সমালোচনা লিখ।

## নমুনা প্রশ্ন

### বহুনির্বাচনি প্রশ্ন

১. কবিতা লিখতে হলে প্রথমেই কোনটি জানতে হবে?

- |         |         |
|---------|---------|
| ক. কথা  | খ. কৌশল |
| গ. শব্দ | ঘ. ছন্দ |

২. ‘শব্দ স্মপ্তেই সেসব জিনিস বেচা-কেনা চলে।’ - এ বাক্যে বেচা-কেনা শব্দটি কী অর্থে ব্যবহৃত হয়েছে?

- |                   |                   |
|-------------------|-------------------|
| ক. বিনিয়য় প্রথা | খ. গ্রন্থ-বিক্রয় |
| গ. দেনা-পাওনা     | ঘ. আদান-প্রদান    |

নিচের কবিতাংশটি পড়ে ৩ ও ৪ নং প্রশ্নের উত্তর দাও:

চপল পায় কেবল ধাই,  
কেবল গাই পরির গান  
পুলক মোর সকল গায়,  
বিতোল মোর সকল প্রাণ।

৩. কবিতাংশে ‘শব্দ থেকে কবিতা’ প্রবক্ষের কবিতা রচনার কোন দিকটির পরিচয় পাওয়া যায়?

- |                 |                   |
|-----------------|-------------------|
| ক. শব্দ প্রয়োগ | খ. ছন্দের ব্যবহার |
| গ. সাবলীল ভাষা  | ঘ. উপমার প্রয়োগ  |

৪. উপর্যুক্ত বিষয়টি নিচের কোন কথাটির সঙ্গে সম্পর্কযুক্ত?

- |                      |                   |
|----------------------|-------------------|
| ক. ছবিও আরও রঙিন     | খ. দুগে দুলে আসছে |
| গ. খেলতে শব্দের খেলা | ঘ. যত পারো দেখ    |

### সূজনশীল প্রশ্ন

১. মাহফুজা চমৎকার কবিতা লেখেন। জীবনে বিভিন্ন অংশের স্মৃতিকে শব্দের ভিতর সাজাতে পছন্দ তাঁর। মাহফুজার ভাইপো নির্বার তাঁকে খুব পছন্দ করে। কারণ তিনি তাঁর ভাইপো নির্বারকে প্রায়ই নানা রকম কবিতা শোনান। নির্বার ফুফুকে পেলেই ছড়া শোনার বায়না ধরে। একদিন নির্বার তাঁকে বলে “ফুফু তুমি এতো সুন্দর কবিতা কীভাবে লেখ?” মাহফুজা উত্তর দেন, “তুমি তোমার চারপাশের সুন্দর স্মৃতিগুলোকে বুঝে ধারণ করে রাখবে, দেখবে তুমিও একদিন চমৎকার কবিতা লিখতে পারবে।”

- |   |  |
|---|--|
| ক. কবিতা লেখার জন্য প্রথমেই কোনটি প্রয়োজন?   |  |
| খ. ‘কবিতার জন্য দরকার শব্দ – রংবেরঙের শব্দ’ – বুঝিয়ে লেখ।  |  |
| গ. কবিতার বিষয়ে নির্বারের প্রশ্নের উত্তর ‘শব্দ থেকে কবিতা’ প্রবক্ষে কীভাবে প্রতিফলিত হয়েছে – লেখ। |  |
| ঘ. মাহফুজার উত্তর ‘শব্দ থেকে কবিতা’ প্রবক্ষের মূলভাবকে ধারণ করে কি? – যুক্তিসং বিচার কর।            |  |

## পাখি লীলা মজুমদার

ডান পাটা মাটি থেকে এক বিঘত ওঠে, তার বেশি ওঠে না। কুমু তা হলে চলে কী করে?

মাসিরা মাকে বললেন—“কিছু ভাবিসনে, রোগ তো সেরেই গেছে, এখন ওকে ঝাড়া তিন মাস সোনাবুরিতে মার কাছে রেখে দে, দেখিস কেমন চাঙ্গা হয়ে উঠবে।”

বাবাও তাই বললেন, “বাঃ, তবে আর ভাবনা কী, কুমু? তা ছাড়া ওখানে ওই লাটু বলে মজার ছেলেটা আছে, হেসে খেলে তোর দিন কেটে যাবে।”

কিষ্ট পড়া? কুমু যে পড়ায় বড়ো ভালো ছিল। তা তিন মাস গেছে শুয়ে, তিন মাস গেছে পায়ে লোহার ফ্রেম বেঁধে হাঁটতে শিখে। আরও তিন মাস যদি যায় দিদিমার বাড়িতে, তবে পড়া সব ভুলে যাবে না?

মা বললেন, “পড়ার জন্য অত ভাবনা কীসের? লাটুর বাড়ির মাস্টার তোমাকেও পড়াবেন।”

মাসিরা বললেন, “বেঁচে উঠেছিস এই যথেষ্ট, তা না হয় একটা বছর ক্ষতিই হলো, তাতে কী এমন অসুবিধেটা হবে শুনি?”

হাসি, রত্না সবাই ওপরের ক্লাসে উঠে যাবে, কুমু পড়ে থাকবে, ভাবলেও কান্না পায়। কুমুর চোখ ঝাপসা হয়ে আসে।

সোনাবুরিতে দিম্বার বাড়ির দোতলার বড়ো ঘরে, মন্ত জানালার ধারে আরামচেয়ারে বসে বসে চেয়ে দেখে দূরে একটা বিল, সেখানে হাজার হাজার বৃষ্টির জলের ফৌটা পড়ছে আর অমনি বিলের জলে মিশে যাচ্ছে। আত্মে আত্মে পাটা আবার একটু তুলতে চেষ্টা করে কুমু।

সন্দে হয়ে আসছে, বৃষ্টি থেমে গেছে, বিলের জল সাদা চকচক করছে।

আকাশ থেকে হঠাত ছায়ার মতো কী বিলের ওপর নেমে এল। কুমু দেখে ঝাঁকে ঝাঁকে সাদা ফিকে ছাই রঙের বুনো ইঁস ঝুপঝাপ করে জলে নামছে।

এক ছড়া কী যেন সাদা ফুল হাতে নিয়ে লাটু এসে বলল, “ওই দেখ, বুনোইঁসরা আবার এসেছে। শিকারিদের কী মজা! ইস, আমার যদি একটা এয়ারগান থাকত।”

কুমু বলল, “বন্দুক নেই ভালোই হয়েছে। অমন সুন্দর পাখিও মারতে ইচ্ছে করে!”

দিম্বাও তখন ঘরে এসে বললেন, “হ্যাঁ, ওদের ওই এক চিঞ্চা!”

কুমু বলল, “কোথেকে এসেছে ওরা?”

“যেই শীত পড়ে অমনি উত্তরের ঠাণ্ডা দেশ থেকে ঝাঁকে ঝাঁকে উড়ে আসে, ঝাঁধের কাছে দু-তিন দিন বিশ্রাম করে, তারপর আবার দক্ষিণ দিকে উড়ে যায়, শোনা যায় নাকি সমুদ্রের ওপর দিয়ে আন্দামান অবধি উড়ে যায় কেউ কেউ।”

লাটু কাছে এসে ফুলটা কুমুর খাটে রেখে বলল — “আবার শীতের শেষে ঝাঁকে ঝাঁকে সব ফিরে আসে, সেকথা তো বললে না ঠাকুরমা?”

লাটুর কথার প্রায় সঙ্গে সঙ্গে দূরে দূরে করে বন্দুকের গুলির শব্দ হলো, আর বুনোহাঁসের ঝাঁক জল ছেড়ে আকাশে উড়ে খুব খালিকটা ডাকাতাকি করে আবার জলে নামল।

পরদিন সকালে জানালা খুলে, পর্দা টেনে দিম্বা চলে গেলে, কুমু জানালা দিয়ে চেয়ে দেখে লেবু গাছের পাতার আড়ালে, ডাল ঘেঁষে কোনোমতে আকড়ে-পাকড়ে বসে রয়েছে ছোট একটা ছাই রঞ্জের বুনোহাঁস। সরু লম্বা কালো ঠোঁট দুটো একটু হাঁ করে রয়েছে, পা দুটো একসঙ্গে জড়ে করা, বুকের রঞ্টা প্রায় সাদা, চোখ দুটো একেবারে কুমুর চোখের দিকে একদৃষ্টে চেয়ে রয়েছে, কালো মখমলের মতো দুটো চোখ। একদিকের ডানা একটু বুলে রয়েছে, খালিকটা রক্ত জমে রয়েছে, সমস্ত শরীরটা থরথর করে কাঁপছে।

পাখিটাকে দেখে কুমুর গলার ভেতরে টন্টন করতে থাকে; হাত বাঢ়িয়ে বলে, “তোমার কোনো ভয় নেই, কোনো ভয় নেই।” পাখিটা চোখ বন্ধ করে, আবার খোলে। আর একটু ডাল ঘেঁষে বসে।

লাটু কুমুর কাঁধের ওপর দিয়ে উকি মেরে পাখিটাকে দেখতে পায়। “ইস! ডানায় গুলি লেগেছে বেচারার। চুন হলুদ দিয়ে বেঁধে দিলে সেরেও যেতে পারে। বলিস তো ধরে আনি।”

কুমু বলল, “কিন্তু দিম্বা কী বলবেন?”

“কী আবার বলবেন? বলবেন ছি, ছি, ছি, নোংরা জিনিস ফেলে দে, ওসব কি বাঁচে।”

কুমু জোর গলায় বলল, “নিশ্চয় বাঁচে, চুন হলুদ দিয়ে ডানা বেঁধে, গরম জায়গায় রাখলে নিশ্চয় বাঁচে।”

লাটু বলল, “কোন গরম জায়গায়?”

“কেন আমার বিছানায়, লেপের মধ্যে।”

“দেখিস, কেউ যেন টের না পায়।”


“কী করে টের পাবে, আমার বিছানা তো আমি নিজে করি। ডাক্তার আমাকে হাত-পা চালাতে বলেছে যে। আচছা, ধরতে গেলে উড়ে পালাবে না তো?”

“তোর যেমন বুদ্ধি। এক ডানায় ওড়া যায় নাকি?”

“কী খাবে ও লাটু?”

লাটু ভেবে পায় না খাটের মধ্যে বিছানার ভিতরে কী খাওয়াবে ওকে। না খেয়ে যদি মরে যায়!

“এক কাজ করলে হয় না রে কুমু? বুড়ি দিয়ে, লেবু গাছের ডালে ওর জন্য একটা বাসা বেঁধে দিই, তা হলে ভাঙ্গা ডানা নিয়ে আর পড়ে যাবে না, নিজেই পোকামাকড় ধরে খাবে।”



নিম্নের মধ্যে ঝুঁড়ি নিয়ে লাটু জানালা গলে একেবারে লেবু গাছের ডালে। ভয়ের চোটে পাখিটা পড়ে যায় আর কী! লাটু তাকে থপ করে ধরে ফেলে, কিষ্ট কী তার ডানা বাটপটানি, টুকরে টুকরে লাটুর হাত থেকে রক্ত বের করে দিল। লাটু দড়ি দিয়ে শক্ত করে ঝুঁড়ি বেঁধে পাখিটাকে আস্তে আস্তে তার মধ্যে বসিয়ে দিল। অমনি পাখিটা আধমরার মতো ঢোখ বুঁজে ভালো ডানাটার মধ্যে ঠোট গুঁজে দিল।

লাটু সে জায়গাটাতে নিজের পা কাটার সময়কার হলদে ঘলম লাগিয়ে দিয়ে আবার জানালা গলে ঘরে এল। বলল, “ঠাকুরমার কাছে যেন আবার বলিস না। বলবেন হয়তো, ছুস না ওটাকে।”

কুমু হাঁটতে পারে না ভালো করে, পাখিটাও উড়তে পারে না। পারলে নিশ্চয় ওই দূরে বিলে ওর বস্তুদের কাছে চলে যেত। গাছের ডালে ঝুঁড়িতে ডানায় মুখ গুঁজে চুপ করে পড়ে থাকত না। কুমুর পা ভালো হলে কুমুও এখানে থাকত না। মার কাছে থাকত, রোজ ইঙ্গুলে যেত, সঙ্কেবেলায় সাঁতার শিখত, দৌড় খেলার জন্য রোজ অভ্যাস করত। আর কোনোদিনও হয়তো কুমু দৌড়াতে পারবে না। কিছুতেই আর পায়ে জোর পায় না, মাটি থেকে ওই এক বিঘতের বেশি তুলতে পারে না। মনে হয় অন্য পাটার চেয়ে একটা একটু ছেটো হয়ে গেছে।

আর একবার জানালার কাছে গিয়ে পাখিটাকে দেখে ডালো করে, ও ডানাটাকে যে নাড়া যায় না সে বিষয়ে কোনোই সন্দেহ নেই। পাখিটা ঝুঁড়িতে বসে আস্তে আস্তে কালো ঠোট দিয়ে বুকের পালক পরিষ্কার করছে। তারপর কিছুক্ষণ ঠোটে ভর দিয়ে চুপ করে চোখ ঝুঁজে পড়ে থাকল; তারপর আবার চোখ খুলে গাছের ডাল থেকে কী একটা খুঁটে খেল।

কুমু বালিশের তলা থেকে ছোট বিস্কুটের বাল্ল থেকে একটুখানি বিস্কুট ছুড়ে দিল। পাখিটাও অমনি যেন পাথর হয়ে জমে গেল। বিস্কুটের দিকে ফিরেও চাইল না। কুমু আবার খাটে এসে বসল, নতুন গঁশের বইটা পড়তে চেষ্টা করল। পনেরো মিনিট বাদে আর একবার জানালা দিয়ে উঁকি মারল। বুকের পালক পরিষ্কার করতে করতে পাখিটা আবার কী একটা খুঁটে খেল।

গাছের ডালে পাখিটা একটু নড়ছে, একটু শব্দ হচ্ছে, কুমু ভয়ে কাঠ, এই বুঝি দিম্বা দেখতে পেয়ে মঙ্গলকে বলেন, “ফেলে দে ওটাকে, বড়ো নোংরা, ঝুঁড়ি খুলে আন, ওটা কে বেঁধেছে ওখানে?”

কুমু জানালা দিয়ে চেয়ে দেখে পাখিটা ঘুমিয়ে আছে। কুমুও বই নিয়ে বিছানায় গিয়ে শুল। হঠাৎ জানালার বাইরে শোরগোল। চমকে উঠে দেখে একটা হলদে বেড়াল গাছের ডালে গিয়ে উঠছে। কুমু ভয়ে কাঠ; এই বুঝি বেড়াল পাখিটা খেল। কিন্তু খাবে কী, অত বড়ো পাখি তার তেজ কত! দিলো টুকরে টেলে ভাগিয়ে। দুটো কাক দূর থেকে মজা দেখল, কাছে ঘেঁষতে সাহস পেল না।

কুমু সোজা হয়ে দাঁড়িয়ে এ মাথা থেকে ও মাথা হেঁটে বেড়াতে লাগল, খৌড়া তো হয়েছে কী, এইরকম করে হাঁটলেই না পায়ের জোর বাড়বে। দু-বার হেঁটে কুমু এসে যখন খাটে বসল, পা দুটোতে ব্যথা ধরে গেছে কিন্তু মনে হচ্ছে যেন ডান পাটা এক বিঘতের চেয়ে একটু বেশিই তোলা যাচ্ছে।

এমনি করে দিন যায়, বুনো হাঁসের ডানা আস্তে আস্তে সারতে থাকে। দু-দিন পরে পাখির ঝাঁক বিল থেকে দক্ষিণ দিকে উড়ে গেল। গাছের ডালে বসে পাখিটা একটা ডানা বাপটাতে লাগল। উড়বার জন্য কী যে তার চেষ্টা! কিন্তু ভাঙ্গা ডানা ভর সইবে কেন, হাঁসটা ঝুঁড়ি থেকে পিছলে পড়ে নিচের ডালের ঝাঁকে আটকে থাকল। লাটু তখনও ক্রুল থেকে ফেরেনি, কুমু করে কী! জানালার ধারে দাঁড়িয়ে একদৃষ্টি চেয়ে থাকল, পাখিটা অনেকক্ষণ অসাড় হয়ে ঝুলে থাকার পর আঁচড়ে-পাঁচড়ে নিজেই সেই ডালটার উপর চড়ে বসল। লাটু ফিরে এসে আবার ওকে তুলে ঝুঁড়িতে বিসিয়ে দিল। ঠোকরালও একটু সে, তবে তেমন কিছু নয়, ডানায় আবার ওমুখ লাগিয়ে দিল লাটু।

এমনি করে দিন যায়, রোজ পাখিটা একটু করে সেরে উঠে, ঝুঁড়ি থেকে ডালে নামে। আর আনন্দের চোটে কুমুও ঘরময় হেঁটে বেড়ায়, নিজের বিছানা নিজে পাতে, নিজে শূন করে, জামা কাচে। দুপুরবেলা এক ঘুম দিয়ে উঠে নিজে বসে অঙ্গ কষে। বাড়িতে চিঠি লেখে, “মা-বাবা, তোমরা ভেবো না, আমি রোজ রোজ সেরে উঠছি, রাত্তদের বলো আমি পরীক্ষা দেব।”

এমনি করে এক মাস কাটল। তার মধ্যে একদিন খুব বৃষ্টি হয়েছিল। পাখিটা ঝুঁড়ির তলার গাছের ডালের আড়ালে গিয়ে লুকাল। তারপর বৃষ্টি থেমে আবার যখন রোদ উঠল, পাখিটা দিবিয় ডানা মেলে পালক শুকোল। কুমু অবাক হয়ে দেখল ডানা সেরে গেছে।

তার দু-দিন পরে দুপুরে মাথার অনেক ওপর দিয়ে শঙ্ক এক ঝুনো হাঁস তীরের মতো নকশা করে উড়ে গেল। কুমুর পাখিও হঠাৎ কী মনে করে ডাল ছেড়ে অনেকখানি উচ্চতে উড়ে গেল, কিন্তু তখনি আবার নেমে এসে মগডালে বসল। হাঁসরাও নামল। পাখিটা সেই দিকেই চেয়ে থাকল।



সারারাত ঝুনোহাঁসরা বিশ্রাম করে প্রদিন সকালে যখন দল বেঁধে আকাশে উড়ল, কুমুর পাখিও তাদের সঙ্গ নিল। দল থেকে অনেকটা পেছিয়ে থাকল বটে, কিন্তু ক্রমাগত যেরকম উড়তে লাগল, কুমু লাটুর মনে কোনো সন্দেহ রইল না, এখনি ওদের ধরে ফেলবে।

সে বিকেলে কুমু নিজে হেঁটে নিচে নামল, ডান পা-টা যেন একটু ছোটোই মনে হলো।

কুমু বলল, “দিম্বা, পাটা একটু ছোটো হলোও কিছু হবে না, আমি বেশ ভালো চলতে পারি। ঝুনো হাঁসটারও একটা ডানা একটু ছোটো হয়ে গেছে।”

শুনে দিম্বা তো অবাক! তখন লাটু আর কুমু দুজনে মিলে দিম্বাকে পাখির গল্ল বলল। দিম্বা কুমুর মাথায় হাত বুলিয়ে বললেন, “ওমা, বলিসনি কেন, আমিও যে পাখি ভালোবাসি।”

(সংশ্লেষিত ও পরিমার্জিত)

### শব্দার্থ ও টীকা

- |          |  |
|----------|--|
| দিম্বা   | — এখানে দিদিমাকে ‘দিম্বা’ বলে সম্বোধন করা হয়েছে।  |
| এক ছাঁচা | — এক শুচ্ছ।  |
| আন্দামান | — ভারত মহাসাগরে অবস্থিত ভারতের একটি দ্বীপাশ্বল। সমুদ্রবেষ্টিত এ অঞ্চল প্রাকৃতিক সৌন্দর্যের জন্য বিখ্যাত। |
| অবধি     | — পর্যট্ট।   |
| একদৃষ্টি | — এক দৃষ্টিতে, অর্থাৎ চোখের পলক না ফেলে।   |

নিমেষ	— মুহূর্ত।
বিষত	— আধা হাত পরিমাণ।
শোরগোল	— চিতকার, চেঁচামেচি।
আঁচড়ে-পাঁচড়ে	— অনেক চেষ্টা করে।
মগডাল	— উপরের ডাল।

### পাঠের উদ্দেশ্য

প্রাণীদের প্রতি শিক্ষাধীনের মমত্বোধ জাগিয়ে তোলা।

### পাঠ-পরিচিতি

‘পাখি’ গল্পটি লীলা মজুমদারের ‘চিরকালের সেরা’ গল্প-সংকলন থেকে সংগ্রহ করা হয়েছে। গল্পের কিশোরী কুমু অসুস্থ হলে তা নিয়ে দৃশ্যভায় পড়ে পরিবার। সহপাঠীরা সবাই উপরের ঝাসে উঠে যাবে, কুমু নিচের ঝাসে পড়ে থাকবে — এই নিয়ে কুমুর ভাবনার শেষ নেই। দ্রুত সুস্থতার জন্য কুমু সোনাবুরিতে দিদিমার দোতলা বাড়ির উন্নত পরিবেশে এলে একটি অন্তর্মুর্ব ঘটনার সম্মুখীন হয়।

শিকারির বন্দুকের গুলির আঘাতে একটি ঝুলোহাস আহত হলে কুমু তার জন্য সাহায্যের হাত বাড়িয়ে দেয়। পাখিটিকে সুস্থ করে তোলার জন্য সে ব্যাকুল হয়ে ওঠে। সমবয়সী কিশোর লাটুর সহযোগিতা নিয়ে কুমু পাখিটিকে সকল বিপদ থেকে বাঁচতে এবং দ্রুত সুস্থ হয়ে উঠতে সাহায্য করে। গল্পটির একটি অসাধারণ দিক হচ্ছে — পাখিটির সেরে ওঠার প্রতিটি ধাপ থেকে কুমু নিজেও সুস্থ হবার প্রেরণা পায়। পাখিটির প্রতি দুজন কিশোর-কিশোরীর অক্ষিম মমত্বোধ ও সমবেদন গল্পটিকে এক অনন্য মাত্রায় উন্নীত করেছে।

### লেখক-পরিচিতি

লীলা মজুমদার ১৯০৮ খ্রিষ্টাব্দে কলকাতার বিখ্যাত রায় পরিবারে জন্মগ্রহণ করেন। তাঁর আদি পৈতৃক নিবাস বৃহত্তর ময়মনসিংহে। তিনি শিশুসাহিত্যিক উপন্যাসকিশোর রায়চৌধুরীর ভাই। শিশু-কিশোরদের জন্য লিখেছেন গল্প, উপন্যাস, নাটক ও প্রবন্ধ। তাঁর লেখা বিখ্যাত কিছু বই: ‘হলদে পাখির পালক’, ‘দিনদুপুরে’, ‘বদ্যনাথের বড়ি’ ‘শুপির গুণ্ঠাতা’। আকাশ-ছোঁয়া কল্পনা, নির্মল হাস্য-কৌতুক এবং গল্প বলার চাঁচের কারণে শিশু-কিশোর সাহিত্যে তিনি এক ঈর্ষণীয় আসন তৈরি করেছেন। ২০০৭ সালে তিনি মৃত্যুবরণ করেন।

### কর্ম-অনুশীলন

- ক. তোমার পছন্দের প্রাণীসমূহের তালিকা কর।
- খ. বিভিন্ন সময় মানুষেরা কোন কোন প্রাণীর প্রতি কী ধরনের বিঙ্গপ আচরণ করে থাকে?
- গ. প্রাণীদের প্রতি উপযুক্ত মমত্বোধ দেখানোর জন্য আমাদের আচরণে কী কী পরিবর্তন আনা উচিত?

## নমুনা প্রশ্ন

### বহুনির্বাচনি প্রশ্ন

১. কুমুর ধারণা অনুযায়ী দিদিমা কাকে পাখিটি ফেলে দিতে বলবেন –

- |         |           |
|---------|-----------|
| ক. মা   | খ. মঙ্গল  |
| গ. লাটু | ঘ. মাসিমা |

২. লাটু পাখিটির ডানায় চুন-হলুদ বেঁধে দেয়। কারণ এটি –

- i. ক্ষত স্থানের জন্য উপকারী
- ii. পাখিটির ডানা রঙিন করবে
- iii. গ্রামীণ চিকিৎসা পদ্ধতি

### নিচের কোনটি সঠিক?

- |            |                |
|------------|----------------|
| ক. i ও ii  | খ. ii ও iii    |
| গ. i ও iii | ঘ. i, ii ও iii |

### নিচের উচ্চীগতিটি পড়ে ৩ ও ৪ নম্বর প্রশ্নের উত্তর দাও:

কবুতর পোধার শখ কামালের। শুরুতে এক জোড়া কবুতর সে খাচাতেই পুষ্ট। বলতে গেলে একসময় এটা নেশায় দাঁড়িয়ে যায়। তাই কবুতরের আরামদায়ক বসবাসের জন্য কাঠের খোপ বানিয়ে দেওয়ালে টানিয়ে দিয়েছে কামাল। এখন তার পাঁচ জোড়া কবুতর।

৩. উচ্চীগতে ‘পাখি’ গল্লের কোন দিকটি ফুটে উঠেছে?

- ক. পাখি পোধার শখ
- খ. পাখির প্রতি মমত্ববোধ
- গ. পাখির প্রতি সমবেদনা
- ঘ. পাখির পরিচর্যার ব্যবহা

৪. উক্ত প্রতিকলিত দিকটি ‘পাখি’ গল্লের কোন চরিত্রসমূহে বিদ্যমান?

- i. মা-দিদিমা
- ii. কুমু-লাটু
- iii. লাটু-দিদিমা

### নিচের কোনটি সঠিক?

- |            |                |
|------------|----------------|
| ক. i ও ii  | খ. ii ও iii    |
| গ. i ও iii | ঘ. i, ii ও iii |

## সূজনশীল প্রশ্ন

১. সহপাঠীদের সাথে ক্লুল থেকে বাড়ি ফেরার পথে একটি বিড়াল ছানার কর্মণ ডাক শুনে থমকে দাঁড়ায় শ্রেয়সী। হাঠাং দেখে রাঙ্গার পাশে একটি গর্তে একটি বিড়াল ছানা আটকে আছে। বন্ধুদের সাহায্য নিয়ে শ্রেয়সী সেটিকে পরিষ্কার করে কোলে তুলে নেয়। বাড়িতে ফেরার পর শ্রেয়সীর সেবা-ঘরে বিড়াল ছানাটি যেন আগ ফিরে পেল। খুব অল্প সময়ে সে তাদের পরিবারেরই একজন হয়ে উঠল। কিন্তু ওর ভাই সুজা তাকে সহ্য করতে পারত না, প্রায়ই মারধর করত। একদিন শ্রেয়সী ক্লুল থেকে ফিরে বিড়াল ছানাটিকে আর খুঁজে পেল না।

- ক. হাঁসরা গিয়ে কোথায় নামল?
- খ. কুমু-লাটুর মনে কোনো সন্দেহ রইল না কেন?
- গ. শ্রেয়সীর মাধ্যমে ‘পাখি’ গল্লের কোন বিশেষ দিকটি ফুটিয়ে তোলা হয়েছে? – ব্যাখ্যা কর।
- ঘ. ‘সুজার মানসিকতা কুমু বা লাটুর মতো হলে বিড়াল ছানাটিকে হারাতে হতো না শ্রেয়সীর’ – বিশ্লেষণ কর।

# পিতৃপুরুষের গল্প

## হারুন হাবীব

অন্তর মামা বড়ো বেশি একটা ঢাকা শহরে আসেন না। ওর মা চিঠি লিখে কত বলেন, ‘কাজল তুই ঢাকা শহরে চলে আয়। আমার বাসাতেই থাকবি ঘদিন ঢাকরি না হয়।’ কাজল মামা তবু আসে না। গ্রাম নাকি খুব ভালো লাগে কাজল মামার।

১৯৭১ সালে কাজল মামা ঢাকা বিশ্ববিদ্যালয়ে পড়ত। পড়তে পড়তেই বেঁধে গেল যুদ্ধ। একদিন ঢাকা ছেড়ে হঠাৎ সে গ্রামে এসে হাজির। তারপর রাতদিন এ-গ্রাম সে-গ্রাম ঘুরে ছেলেদের জোগাড় করে মিছিল মিটিং। রাইফেল জোগাড় করে ট্রেনিং। আরও কত কি! অন্তর নানা কত বকতেন, ‘বাবা, এসব করিস নে। বিপদে পড়বি।’

‘বাধা বাঞ্ছিলিরা এবার যুদ্ধ করবে, বাবা। স্বাধীনতা এবার আসবেই।’ সাহস নিয়ে বলত কাজল মামা।

সেই কাজল মামার যুদ্ধের গল্প শুনবার জন্য অধীর আঘাতে অপেক্ষা করছে অন্ত। বার্ষিক পরীক্ষার পর থেকেই। মা ওকে বুঝি শিখিয়ে দিয়েছে, ‘তুই এক কাজ কর অন্ত। চিঠি লেখ মামাকে। বল, এবারের একুশে ফেক্রয়ারিতে যেন অবশ্যই ও ঢাকা আসে। আরও বল, তুই যুদ্ধের গল্প শুনবার জন্য অধীর আঘাতে বসে আছিস। দেখবি ঠিক আসবে।’

বুদ্ধিটা অন্তর মা’র হলেও এমন একটা কৌশল চিন্তা করত সে বেশ ক’দিন আগে থেকেই। কাউকে না জানিয়ে অন্ত চিঠি লিখেছে। সেও গ্রাম দশ-বারো দিন হয়ে গেছে। আজ আঠারো তারিখ। তিন দিন বাদেই মহান একুশে ফেক্রয়ারি। ওর কেন যেন বিশ্বাস কাজল মামা আর কারও কথা শুনুক না শুনুক তার কথা রাখবেই, আসবেই সে ঢাকা।

অন্ত বরাবর রাত ন’টা-সাড়ে ন’টায় যুমিরে পড়ে। কিন্তু আজ রাতে সে দশটারও ওপরে জেগে থাকল। মা বললেন, ‘যুমাতে যাস নে কেন?’

অন্ত খুলে বলে না কিছু। এগারোটা বাজতেই কিন্তু ঘুমে চোখ বক্ষ হয়ে আসে ওর। লেপের নিচে চুকতে চুকতেই সে কী গভীর ঘুম!

ভোরবেলায় সে দেখল কাজল মামা তার চুলে হাত বুলিয়ে দিচ্ছে। লেপ থেকে বেরিয়ে এক লাফে উঠে বসল সে বিছানায়।

মামা বললেন, ‘ভালো আছিস তুই অন্ত? শেষ রাতের ট্রেনে এলাম। এসে দেখি তুই যুমাচ্ছিস।’ অন্ত বলে, ‘আজ কিন্তু উনিশ তারিখ, তা তো জানো মামা। দু’দিন বাদেই একুশে ফেক্রয়ারি।’

মামা বললেন, ‘ঠিক আছে খানিকক্ষণ রেস্ট নিয়েই বেরব তোকে নিয়ে। যেখানেই যেতে চাস সেখানেই যাব। পাঁচদিন আমি ঢাকায় থাকব — এর মধ্যে ঢারদিনই তোর সাথে। যেখানে যেতে চাইবি যাব। যত গল্প শুনতে চাস শোনাব।’

মোহাম্মদপুরের নূরজাহান রোড থেকে একটি রিকশায় ঢাপল অন্ত আর কাজল মামা। লালমাটিয়া-ধানমণি হয়ে রিকশা চলছিল। মামা বললেন, ‘এই যে রান্তটা দিয়ে আমরা যাচ্ছি এর নাম সাতমসজিদ রোড। জানিস?’

‘কি যে বলো মামা! জানব না কেন?’



‘ঠিক আছে বল দেখি, সাতমসজিদ নাম হয়েছে কেন রাঙ্গাটার?’

‘তা তো ঠিক জানি না।’

‘এই জন্যই বলছিলাম, অতীতের অনেক জিনিসই জেনে রাখা ভালো আমাদের। অতীত মানে আমাদের আগের দিন। পুরোনো দিনের ওপরেই তো বর্তমানের দিন-রাত গড়ে উঠে।’

কাজল মামা সংক্ষেপে বললেন। এই ঢাকা শহরের আগের নাম জাহাঙ্গীরনগর। মোগল বাদশা জাহাঙ্গীরের নামে। সেই সময় থেকেই শহরের আনাচে-কানাচে অনেক মসজিদ তৈরি হতে থাকে। এই রাঙ্গাটা পিলখানার যোড় থেকে মোহাম্মদপুর এসে সাতগম্বুজ মসজিদে ঠেকেছে। সেই পুরোনো মসজিদের নামেই রাঙ্গাটার নাম হয়েছে সাতমসজিদ রোড।

রিকশাটা নিউমার্কেট পেরিয়ে নীলক্ষেত হয়ে বিশ্ববিদ্যালয় এলাকার মধ্যে চুকতেই অন্ত জিডেস করল, ‘তুমি নাকি এই বিশ্ববিদ্যালয়ে পড়তে মায়া?’

‘হ্যা, পড়তাম একদিন। তুই জানলি কী করে?’

‘মা বলছিল তুমি বিশ্ববিদ্যালয়ে যখন পড়তে তখনই মুক্তে গিয়েছ।’

‘অস্ত্র, যুদ্ধ আর মুক্তিযুদ্ধের মধ্যে অনেক তফাও। যুদ্ধ হয় রাজায় রাজায়, একদেশে আরেক দেশে, মানুষের লোভ লালসায়। যুদ্ধে শক্তি দেখায় একজন মানুষ — কষ্ট হয় সাধারণ মানুষের। কিন্তু মুক্তিযুদ্ধ হয় স্বাধীনতার জন্য, একটি জাতি হিসেবে বেঁচে থাকবার জন্য, সব অন্যায়-অত্যাচার আর শৃঙ্খল থেকে মুক্ত হবার জন্য। একান্তর সালে আমরা মুক্তিযুদ্ধ করেছিলাম — সাধারণ যুদ্ধ নয়।’

দেখতে দেখতে রিকশাটা রোকেয়া হল আর শামসুন্নাহার হল পেরিয়ে জগন্নাথ হলের সামনে এসে পৌছাল। কাজল মামা বললেন, ‘এই যে ভান পাশে বিস্তৃত দেখছিস, ওটার নাম কি জানিস?’

‘না।’

‘জগন্নাথ হল। বিশ্ববিদ্যালয়ের ছাত্ররা থাকে।’

‘তুমি থাকতে এখানে?’

‘না। আমি থাকতাম হাজী মুহাম্মদ মহসীন হলে। পাকিস্তানি হানাদার বাহিনী এই হলের কয়েক শত ছাত্রকে ওই মাঠটাতে একসাথে দাঢ় করিয়ে গুলি করে মেরেছিল।’

‘কেন?’

‘কারণ পাকিস্তানি সামরিক শাসকেরা আমাদের বাংলাদেশটাকে গোলাম করে রাখতে চেয়েছিল। আর ছাত্ররা যেহেতু তরঙ্গ এবং পাকিস্তানিদের সব অন্যায়ের প্রতিবাদ করত, সেহেতু ওদের গুলির শিকার হলো ওরাই প্রথম।’

কেন্দ্রীয় শহিদ মিনারের সামনে এসে রিকশার ভাড়া মিটিয়ে দিলেন কাজল মামা। দু'দিন বাদেই মহান একুশে ফেক্রয়ারি। মামা বললেন, ‘অস্ত্র, এই পৃথিবীতে অসংখ্য-অগণিত জাতি বা গোষ্ঠীর মানুষ বসবাস করে। ওদের মধ্যে যাঁরা স্বাধীন হয়েছেন তাদের সেই স্বাধীনতা লাভের পেছনে প্রচুর ত্যাগ-তিতিঙ্গা আছে। অনেক রক্তের ইতিহাস আছে। হাজারো লক্ষ প্রাণদানের কর্তৃণ কাহিনি আছে। আর সেইসব রক্তের স্মৃতিকে ভবিষ্যতের বংশধরদের জন্য ধরে রাখতে গিয়েই দেশে এই শহিদ মিনারের মতো স্মৃতিসৌধ গড়ে উঠেছে।’

অস্ত্র মামাকে বলে, ‘মামা, এবার কি তুমি ফুল দিতে আসবে শহিদ মিনারে?’


‘আসব। গ্রামে থাকি, অনেক বছর আসতে পারি নি। এবার তোকে নিয়েই আসব। বলতো অস্ত্র, শহিদ মিনার বাঙালির স্মৃতিসৌধ কেন?’

‘মায়ের ভাষা বাংলাকে রক্ষা করতে গিয়ে এখানে অনেক বাঙালি ধান দিয়েছিল একদিন।’

অস্ত্র স্পষ্ট উত্তরে কাজল মামা খুব খুশি হলেন। বললেন, ‘তুই তো বেশ কিছু জানিস অস্ত্র। তোর উত্তরে খুব খুশি হয়েছি আমি। এই শহিদ মিনার হলো আমাদের ভাষা আন্দোলনের বীর শহিদদের স্মৃতির মিনার। পাকিস্তানের শাসকেরা আমাদের বাঙালিদের ওপর তাদের উর্দু ভাষা চাপিয়ে দিতে চেয়েছিল। কিন্তু বাঙালিরা তা মেনে নেয় নি। তাই ১৯৭২ সালের একুশে ফেক্রয়ারিতে ঠিক এই জায়গাটায় যখন তাঁরা উর্দু ভাষা চাপিয়ে দেওয়ার বিরুদ্ধে প্রতিবাদ করছিল তখনই পাকিস্তানি পুলিশ গুলি করে অনেককে হত্যা করেছে।

চাপ চাপ রক্তে এই জায়গার মাটি ভিজে গেছে। ওই রক্তের বিনিময়েই আমরা বাংলা ভাষাকে প্রতিষ্ঠা করতে পেরেছি।'

অন্তর মুখ দেখে কাজল মামা বুঝলেন সে মন খারাপ করেছে। মানুষ মানুষকে গুলি করে মেরে ফেলতে পারে এ ব্যাপারটা কিছুতেই মেনে নিতে পারে না অন্ত। মামাকে বলে, 'মামা, তুমি তখন এখানে ছিলে?'



'নারে পাগল। আমি তো তখন তোর মতোই ছোটো। এখানে যাঁরা বাহানা সালে রক্ত দিয়েছেন তাঁরা সবাই আমার বড়ো। ওরা আমাদের পিতৃপুরুষ — ওদের আমরা চিরদিন মনে রাখব — শ্রদ্ধা করব।'

কাজল মামার হাত ধরে অন্ত একের পর এক সিঁড়ি ডিঙিয়ে শহিদ মিনারের ওপরে উঠে। মামার কাছে একুশে ফেরুয়ারির কাহিনি শুনে সে আগ্রহী হয় নিজ জাতির অতীত সংগ্রামের আরও কাহিনি শুনতে। কেউ তো আগে এমন করে বলে নি তাকে। অথচ কত কাহিনি আছে বাঙালি জাতির। অন্ত বলে, 'তুমি আমাকে আরও কাহিনি বলো মামা।'

'একুশে ফেরুয়ারির দিন যখন ফুল দিতে আসবি, সেদিন আরও বলব। আজ শুধু এটুকুই বলি — এই একুশে ফেরুয়ারির শহিদেরা হচ্ছে আমাদের জাতির প্রথম শহিদ। ওরা রক্ত দিয়েছিল বলেই বাংলা ভাষা রাষ্ট্রীয় মর্যাদা পেয়েছিল। শুধু তা-ই নয় একুশে ফেরুয়ারি থেকেই পাকিস্তানের বিরুদ্ধে বাঙালিদের স্বাধীনতার মূল সংগ্রাম শুরু হয়। সেই সংগ্রাম আরও উনিশ বছর ধরে চলে। এই উনিশ বছরে অসংখ্য মানুষ মারা যায়, অনেক মায়ের কোল থালি হয়ে যায়। তারপর আসে ১৯৭১ সালের মুক্তিযুদ্ধ।'

'সেই মুক্তিযুদ্ধে তুমি ছিলে?'

‘হ্যাঁ, আমি ছিলাম সেই মুক্তিযুদ্ধে।’

‘বলতে হবে কিন্তু মুক্তিযুদ্ধের গল্প। বাসায় ফিরে দুপুরের খাবার খেয়েই বলবে। ঠিক তো?’

‘ঠিক।’

শহিদ মিনার থেকে নেমে কাজল মামা আর অন্ত জুতো পরে নেয়। ফিরে আসার সময় মামা বলেন, ‘অন্ত চল, আমরা দু’জনে এক মিনিট দাঁড়িয়ে একুশে ফেরুয়ারির শহিদদের শ্রদ্ধা জানাই।’

অন্ত ও কাজল মামা নীরবে শ্রদ্ধা জানায়।

(সংক্ষেপিত ও পরিমার্জিত)

### শব্দার্থ ও টীকা

**হানাদার বাহিনী** — অন্যায়ভাবে আক্রমণকারী বাহিনী। এখানে পাকিস্তানি সেনাবাহিনীকে বোঝাচ্ছে।  
এই বাহিনী বাংলার নিরীহ জনগণের ওপর হত্যাধর্ম চালিয়েছে।

**তিতিঙ্গা** — সহনশীলতা।

**সামরিক শাসন** — সামরিক বাহিনী দ্বারা যখন রাষ্ট্রের শাসন পরিচালিত হয় তখন সেই শাসনকে  
সামরিক শাসন বলা হয়।

**পিত্তপুরুষ** — পিতা-পিতামহ-প্রপিতামহ প্রভৃতি পূর্বপুরুষ।

### পাঠের উদ্দেশ্য

শিক্ষার্থীদের মধ্যে দেশ, জাতি, ইতিহাস ও ঐতিহ্য সম্পর্কে জ্ঞানার আগ্রহ সৃষ্টি করা।

### পাঠ-পরিচিতি

‘পিত্তপুরুষের গল্প’ গল্পটির কিশোর অন্ত ঢাকায় বসবাস করে। মায়ের কাছে মুক্তিযোদ্ধা কাজল মামার সাহসী  
সংহারের গল্প শনে অন্তর মনে মামার মুখ থেকে যুদ্ধের গল্প শোনার আগ্রহ জাগে। সে মামার জন্য অধীর  
আগ্রহে অপেক্ষা করে। একুশে ফেরুয়ারির দু’দিন আগে কাজল মামা ঢাকায় আসেন। মামার কাছেই  
শুরু হয় অন্তর অতীত সম্পর্কে তথ্যনির্ভর ইতিহাসের পাঠ। অন্ত জানতে পারে ঢাকা শহরের নামের  
ইতিহাস, সাতমসজিদ রাঙ্গার নামের ইতিহাস। জানতে পারে যুদ্ধ ও মুক্তিযুদ্ধের পার্থক্য। পঁচিশে মার্চের রাতে  
পাকিস্তানি হানাদার বাহিনীর আক্রমণ ও ছাত্রদের প্রতিবাদী ভূমিকার কথা। ঢাকা শহরে রিকশায় ঘুরতে  
ঘুরতে কিশোর অন্ত স্মৃতিসৌধ, মাতৃভাষা আন্দোলন, শহিদ মিনারসহ বাঙালি জাতির পিত্তপুরুষ করা  
সে সম্পর্কে ধারণা লাভ করে।

### লেখক-পরিচিতি

কথাসাহিত্যিক হারুন হাবীব একজন গেরিলা মুক্তিযোদ্ধা এবং ৭১-এর রণাঙ্গন সংবাদদাতা। তিনি মুক্তিযুদ্ধ  
বিষয়ে অচুর গল্প, উপন্যাস, প্রবন্ধ ও স্মৃতিকথা লিখেছেন। তার মধ্যে কয়েকটি হলো: ‘প্রিয়যোদ্ধা’, ‘হোটগল্প—  
সম্প্র. ১৯৭১’, ‘মুক্তিযুদ্ধের নির্বাচিত প্রবন্ধ’, ‘Blood and Brutality’ ইত্যাদি। তাঁর জন্ম ১৯৪৮ সালে  
জামালপুরে।

### কর্ম-অনুশীলন

- ক. ভাষা শহিদদের প্রতি শ্রদ্ধা ও সম্মান প্রদর্শনে আমাদের কী কী করা উচিত - ১০টি বাক্যে তা লিখ।  
 খ. তোমার গ্রাম/মহল্লার যেকোনো একজন মুক্তিযোদ্ধার সৎক্ষিপ্ত জীবনী কমপক্ষে ১৫টি বাক্যে লিখ।

### নমুনা প্রশ্ন

#### বহুনির্বাচনি প্রশ্ন

১. মোগল আমলে ঢাকার নাম ছিল

- |    |         |    |              |
|----|---------|----|--------------|
| ক. | বাবরনগর | খ. | হুমায়ুননগর  |
| গ. | আকবরনগর | ঘ. | জাহাঙ্গীরনগর |

২. অস্ত্র নানা কাজলকে বকতেন কেন?

- |    |                               |
|----|-------------------------------|
| ক. | ভাষা আন্দোলনে যুক্ত থাকায়    |
| খ. | গ্রামে চলে যাওয়াতে           |
| গ. | মুক্তিযুক্তে অংশগ্রহণের কারণে |
| ঘ. | চাকরি হয়নি বলে               |

নিচের উদ্দীপক পড়ে ঢ ও ৪ নম্বর প্রশ্নের উত্তর দাও।

- (১) “আমার ভাইয়ের রক্তে রাঙানো একুশে ফেরুয়ারি”  
 (২) “মুক্তির মন্দির সোপান তলে কত ধ্রাণ হলো বলিদান, লেখা আছে অশ্রুজলে।”

৩. উদ্দীপকের প্রথম অংশটি ‘পিতৃপুরুষের গল্প’ গল্পের কোন দিকটির সঙ্গে সাদৃশ্যপূর্ণ?

- i. ভাষা আন্দোলন
- ii. মুক্তিযুদ্ধ
- iii. ইতিহাস-এতিহা

নিচের কোনটি সঠিক?

- |    |        |    |             |
|----|--------|----|-------------|
| ক. | i      | খ. | ii          |
| গ. | i ও ii | ঘ. | i, ii ও iii |

৪. উদ্দীপকের দ্বিতীয় অংশের মূলভাব নিচের কোন কথাটিতে প্রতিফলিত হয়েছে?

- |    |  |
|----|--|
| ক. | স্বাধীনতা এবার আসবেই                   |
| খ. | যুদ্ধ আর মুক্তিযুদ্ধের মধ্যে অনেক তফাত |
| গ. | অনেক রক্তের ইতিহাস আছে                 |
| ঘ. | ওরা আমাদের পিতৃপুরুষ                   |

## সূজনশীল প্রশ্ন

---

১. সপ্তম শ্রেণির শিক্ষার্থী প্রিয়তি বাবা-মায়ের সঙ্গে প্রথমবারের মতো ঢাকায় বেড়াতে এসেছে। একুশে ফেব্রুয়ারিতে বাবা-মা ওকে নিম্নে যায় কেন্দ্রীয় শহিদ মিনারে। বাবা-মায়ের সাথে সেও ফুল দিয়ে শহিদদের প্রতি শ্রদ্ধা জানায়। বাবার কাছে ভাষাশহিদদের আত্মত্যাগের কথা শুনে গর্বে মনটা ভরে উঠে প্রিয়তির।

- ক. ১৯৭১ সালে কাজল মামা কোথায় পড়ত?
- খ. ‘যুদ্ধ আর মুক্তিযুদ্ধের মধ্যে অনেক তফাত’ – উকিটি বুঝিয়ে লেখ।
- গ. অস্ত ও প্রিয়তির মনোভাব কোন দিক থেকে সাদৃশ্যপূর্ণ? – ব্যাখ্যা কর।
- ঘ. ‘‘উদ্দীপকে প্রতিফলিত দিকটি ‘পিতৃপুরুষের গল্প’ গল্পের সম্পূর্ণ ভাবকে ধারণ করে না।’’ – উকিটির ব্যাখ্যাতা মূল্যায়ন কর।

## ছবির রং হাশেম খান



ছবি আকতে ইচ্ছে হচ্ছে?

কাগজ তো সাদা। পেনসিলে আঁকা যায়। হাতের কলমটা দিয়েও আঁকা যায় এই সাদা জমিনে।

রং হলে খুউব ভালো হয়। ইচ্ছেমতো লাল, নীল, সবুজ, বেগুনি, হলুদ, কালো রং ঘষে ঘষে সাদা কাগজটা ভরে ফেলা যায়। সুন্দর এক রঙিন ছবি আঁকা হয়ে যায়।

হলুদ, নীল ও লাল এই তিনটিই কিন্তু আসল রং। এই তিনি রং থাকলে নানা রঙে ভরা পরিপূর্ণ রঙিন ছবি আঁকা যায়। এই তিনটি রং মিলিয়ে মিশিয়ে অনেক রং পাওয়া যায়। যেমন —

হলুদ ও নীল মেশালে পাবে সবুজ।

নীল ও লাল মেশালে পাবে বেগুনি।

লাল ও হলুদ মেশালে পাবে কমলা।

এভাবে একটির সঙ্গে আরেকটি রং বা একাধিক রং মিশিয়ে কত রকম রং যে পাওয়া যায় তার মধ্যে কয়েকটি রং ছাড়া সবগুলো সঠিক নামে চেনা সম্ভব নয়। তাই সিদ্ধান্ত হয়েছে — লাল, হলুদ ও নীল এই তিনটিই হলো মৌলিক রং বা প্রাথমিক রং। সবুজ, কমলা ও বেগুনি হলো দ্বিতীয় পর্যায়ের বা মাধ্যমিক রং এবং অন্যান্য রং পরবর্তী পর্যায়ের। সাদা ও কালো রং ছবি আঁকার ক্ষেত্রে খুবই গুরুত্বপূর্ণ। মৌলিক রং মিলিয়ে এই দুটো রং পাওয়া যাবে না। তবে সবুজ ও লাল ঘন করে মিশিয়ে কালোর কাছাকাছি গাঢ় একটি রং তৈরি করা সম্ভব।

রংধনুর সাতটি রং । বৃষ্টির পর আকাশে যখন রংধনু ফুটে ওঠে, একটি একটি করে গুণে সাতটি রং খুঁজে বের করা যায় । হলুদ, কমলা, লাল, সবুজ, নীল, বেগুনি ও গোলাপি ।

বাংলাদেশ ষড়োক্তুর দেশ । বছরের ১২ মাসকে আমরা ২ মাস করে প্রকৃতি ও আবহাওয়ার কারণে ভাগ করে নিয়েছি ।

বৈশাখ জ্যৈষ্ঠ এই ২ মাস গ্রীষ্মকাল । আবহাওয়া থাকে শুষ্ক ও গরম । বৃষ্টি হয় কম । গাছপালা, খাল-বিল-নদী শুকিয়ে যায় । প্রচণ্ড রোদে গাছের সবুজ-সতেজ রং বিবর্ণ হয়ে যায় । আবার হঠাতে করে আকাশে কালো রঙের মেঘের ছুটাছুটি, বিদ্যুৎ চমকানো, সঙ্গে কালে তালালাগা প্রচণ্ড শব্দে বজ্রপাত হয় । তারপর ঝাড় ও বৃষ্টি । প্রকৃতিতে রঙের নানা রকম খেলা চলে । রং-বেরঙের ফল — আম, জাম, কলা, লিচু, তরমুজ এই গ্রীষ্ম ঋতুতে পাওয়া যায় । লাল, নীল, কালো, হলুদ, গোলাপি, কমলা সবুজ রঙের এই বাহারি ফলগুলোর স্বাদও মিষ্টি ।

বর্ষাকাল হলো আষাঢ়-শ্রাবণ মাস । বিরবিরে অল্প বৃষ্টি থেকে বার বার করে প্রবল বেগে বৃষ্টি হয় এ সময় । মাঠ-ঘাট, নদী-নালা, বিল-বিল পানিতে টাইটুমুর । পানি পেয়ে গাছপালা সতেজ হয়ে যায় — নানা রকম সবুজ রঙে ভরে যায় গাছপালা, বন-জঙ্গল, ধানক্ষেত, পাটক্ষেত ইত্যাদি । সাদা ও কমলা রঙের কদম ফুল বর্ষা ঋতুর ফুল । এই ঋতুতে সতেজ ও সবুজ কচুবনে যখন কমলা রঙের লম্বা লম্বা ফুল ফোটে, চমৎকার লাগে দেখতে । কচুফুল তরকারি হিসেবেও সুস্বাদু ।

শরৎকাল — সাদা ও স্বচ্ছ নীলের ছড়াছড়ি । ভাদ্র ও আশ্বিন — এই দুই মাস শরৎকাল । এ সময়ে বৃষ্টি বসে যায় । সুন্দর নীল আকাশে পেঁজা তুলোর মতো গুচ্ছ গুচ্ছ মেঘ ভেসে বেড়ায় । গাছপালা নদীনালা প্রকৃতির সবকিছু এই ঋতুতে ঝকঝকে । নদীর ধারে ও বিলে অল্প পানিতে কাদামাটিতে সবুজ গাছ থেকে বের হয়ে আসে নরম সাদা কাশফুল । বাতাসের দোলায় এই কাশফুল যখন দোলে, সুন্দর নরম রঙের কারণে মন তখন আনন্দে নেচে ওঠে । বিলে, পুকুরে এ সময় শাপলাফুল ফোটে । বেশির ভাগ শাপলা সাদা, লাল শাপলাও আছে — যা দেখতে খুবই সুন্দর । ভরা নদী ও খালে সাদা, লাল, নীল ও হলুদ বিভিন্ন রঙের পালতোলা নৌকা-চলাচলের দৃশ্য মোহনীয় ।

হেমন্ত ঋতু হলো কার্তিক ও অগ্রহায়ণ মাস । সবুজ ধানক্ষেতের রং হলুদ হতে শুরু করে । ঋতুর শেষ দিকে — অর্থাৎ অগ্রহায়ণ মাসে পুরো মাঠে হলুদ বা গেরম্যা রঙের বাহার । ধান পেকে গেছে । চাষিরা দল বেঁধে ফসল কাটা শুরু করে ।

এরপরেই পৌষ ও মাঘ মাস — শীতকাল । বনে-জঙ্গলে, বাড়ির আঙিনায় সর্বত্রই নানা রঙের ফুল ফোটা শুরু হয় । এই ফুল ফোটা শীতের পরে বসন্ত ঋতু পর্যন্ত চলতে থাকে । শিমুল, পলাশ আর কৃষ্ণচূড়া গাছে যখন ফুল ফোটে, হলদে গাছের বালমলে হলুদ রঙের ফুলে পুরো প্রকৃতি যেন রঙের উৎসবে মেতে ওঠে । মাঠে তিলের ক্ষেতে সাদা ও হালকা বেগুনি ফুল এবং সরষের ক্ষেতে ফুলে ফুলে হলুদের বন্যা নামে এই

শীতকালেই। শীতের কারণে মানুষের পোশাকে আসে রঙের বৈচিত্র্য। লাল, নীল, হলুদ, কালো বিচির রঙের গরম কাপড় ও টুপি ব্যবহার করে মানুষ।

শীতকালে কুয়াশাও প্রকৃতিতে ধোঁয়াটে ধরনের এক মায়াবী রং আমাদের চোখের সামনে তুলে ধরে। খুবই ঠাভা ও বরফ-পড়া দেশ থেকে চলে আসে আমাদের দেশে লক্ষ পাখি। ঝাঁকে ঝাঁকে উড়ে এসে এরা আশ্রয় নেয় আমাদের দেশের খালে-বিলে-নদীতে — যাদের বলা হয় অতিথি পাখি। রং-বেরঙের পালক এসব পাখির। শীতের শেষে বসন্তের শুরুতে এরা আবার চলে যায় নিজের দেশে।

ফাল্বন ও চৈত্র বসন্তকাল। ঘড়ঝড়ুর শেষ ঝাতু। এ সময় গাছে গাছে যেন প্রতিযোগিতা — কে কত সুন্দর ও সতেজ ফুল ফোটাতে পারে। নানা রঙের পালকে সেজে ছোটবড় সব পাখি গাছে গাছে নেচে বেড়ায়, উড়ে বেড়ায়। ফুলের মধু খেয়ে উড়ে বেড়ায় আনন্দে। অন্যদিকে হাজার লক্ষ রঙিন প্রজাপতি। এত রং-বেরঙের যে হিসেব করা সম্ভব নয়। নানা রঙের মোহময় প্রেরণায় মানুষও স্বভাবসূলভ আনন্দে মেঠে ওঠে। বাসন্তী ও উজ্জ্বল রঙের পোশাকে, সাজসজ্জায় উৎসবে মেঠে ওঠে। তাই বসন্ত ঝাতুই হলো রঙের ঝাতু।

অনেক কাল আগে থেকেই — বাংলাদেশের ঘড়ঝড়ুতে আমাদের পরিবেশে, নিসর্গে উজ্জ্বল-সুন্দর নানা রঙের যে সমাবেশ ঘটেছে — রূপের রকমফের ঘটে চলেছে — তা বাঙালির মনকে নানাভাবে প্রভাবিত করেছে। তাই আমরা দেখি আমাদের গ্রামীণ সমাজের লোকশিল্পীরা মাটির পুতুল, কাঠের পুতুল, কাপড় ও তুলার পুতুল, সোনার পুতুল, লক্ষ্মীসরা, শখের হাঁড়ি, নকশিকাঁথা, হাতপাখা, পাটি, গল্ল বলার পটে তথা লোকশিল্পে উজ্জ্বল ও সতেজ রং ব্যবহার করে ছবি ও শিল্পকে সুন্দর ও মোহনীয় রূপ দিয়ে চলেছে।

তাঁতে তৈরি কাপড়ে তাঁতিরা এবং খুন্দ নৃগোষ্ঠীর লোকেরা তাদের তৈরি তাঁতের পোশাকে রঙিন সুতোর বুনটে নানা রঙের ঝলমলে মনকাড়া সব শাড়ি ও পোশাক বানিয়ে চলেছে। আমাদের শিশুরা এখন ছবি আঁকে। বিভিন্ন দেশের তুলনায় বাংলাদেশের শিশুদের ছবির রং অনেক উজ্জ্বল, সাহসী এবং মৌলিক রং ঘেঁষা। তাই খুব সহজেই বাংলার শিশুদের ছবিকে আলাদা বৈশিষ্ট্যে চেনা যায়।

চারুকলা শিক্ষা প্রতিষ্ঠানে শিক্ষাপ্রাঙ্গ চিত্রশিল্পীদের ছবির সামনে দাঁড়ালে একই কথা মনে হবে। বাংলাদেশের শিল্পীরা অনেক মুক্ত, সহজ ও সাহসী। লাল, নীল, হলুদ, সবুজ, বেগুনি, কমলা, কালো ও সাদা রংকে শিল্পীরা সুন্দরভাবে ছবিতে, নকশিকাঁথায়, হাতপাখায়, পুতুলে, হাঁড়িপাতিলে ব্যবহার করছেন। তাই বাংলার শিল্পীদের শিল্পকর্ম সারা বিশ্বে প্রশংসন পাচ্ছে।

## শব্দার্থ ও টীকা

খুউব	-	খুব। জোর দেওয়ার জন্য বলা হয়েছে খুউব।
মৌলিক রং	-	যার মধ্যে অন্য কোনো রঙের মিশ্রণ ঘটেনি। একটি মাত্র রঙে গঠিত।
ঘড়	-	ছবি।
প্রচও	-	কড়া, কঠোর।
গেৱয়া	-	মাটির মতো রং।

- বাহার - শোভা, সৌন্দর্য।  
 সর্বত্র - সব জায়গায়।

### পাঠের উদ্দেশ্য

ঝুতুভেদে প্রকৃতির বিচ্ছিন্ন সৌন্দর্যের সঙ্গে শিক্ষার্থীদের পরিচিত করে তোলা।

### পাঠ-পরিচিতি

আমরা চারপাশে গাছ-লতাপাতা, ফুল, মাঠ, নদী, পাহাড়-পর্বত ইত্যাদি দেখি। তাদের রূপ আছে। রং আছে। সেই রূপকে নানান রঙে নিজের মতো ধাঁরা আঁকেন তাদের আমরা বলি চিত্রশিল্পী। বিভিন্ন ঝুতুতে আমাদের চারপাশের পরিবেশের রূপ ও রং বদলে যায়। চিত্রশিল্পীরাও তাদের ছবিতে রঙে-রেখায় ফুটিয়ে তোলেন। ছবির সেই নানান রং ও রঙের বৈচিত্র্যের কথাই লেখক হাশেম খান তাঁর 'ছবির রং' লেখাটিতে ফুটিয়ে তুলেছেন।

### লেখক-পরিচিতি

শিল্পী হাশেম খান ১৯৪১ খ্রিষ্টাব্দে ঢাকাপুর জেলায় জন্মগ্রহণ করেন। এশিয়া ও ইউরোপের বিভিন্ন দেশে চিত্রকলা বিষয়ে বাংলাদেশের প্রতিনিধিত্ব করেছেন। বঙ্গবন্ধু স্মৃতি জাদুঘর ও ঢাকা নগর জাদুঘরের তিনি অন্যতম প্রতিষ্ঠাতা। ছবি আঁকার পাশাপাশি তিনি সাহিত্যচর্চাও করেন। তাঁর উল্লেখযোগ্য বই : 'ছবি আঁকা ছবি লেখা', 'জয়নুল গল্প', 'গুলিবিন্দু ৭১'।

### কর্ম-অনুশীলন

- ক. প্রকৃতিনির্ভর ছড়া, কবিতা বা গল্প লিখে দেয়াল-পত্রিকা প্রকাশ (শ্রেণির সকল শিক্ষার্থীর দলগত কাজ)।
- খ. প্রকৃতিনির্ভর ছবি এঁকে প্রদর্শনীর আয়োজন (শ্রেণির সকল শিক্ষার্থীর দলগত কাজ)।
- গ. শ্রেণির সকল শিক্ষার্থীকে নিয়ে সুন্দর হাতের লেখা প্রতিযোগিতার আয়োজন।

### নমুনা প্রশ্ন

#### বহুনির্বাচনি প্রশ্ন

##### ১. ছবি আঁকার মৌলিক রংগুলো কী?

- |                        |                     |
|------------------------|---------------------|
| ক. হলুদ, সবুজ ও বেগুনি | খ. লাল, হলুদ ও কমলা |
| গ. লাল, নীল ও হলুদ     | ঘ. হলুদ, নীল ও সবুজ |

##### ২. মাঠে গেরুয়া বাহার দেখে বোঝা যায়-

- i. অগ্রহায়ণ মাস চলছে
- ii. মাঠে ধান পেকেছে
- iii. মানুষের পোশাকে বৈচিত্র্য এসেছে

### নিচের কোনটি সঠিক?

ক. i ও ii

খ. i ও iii

গ. ii ও iii

ঘ. i, ii ও iii

### নিচের উদ্দীপকটি পড়ে ৩ ও ৪ নম্বর প্রশ্নের উত্তর দাও:

জাহাঙ্গীরনগর বিশ্ববিদ্যালয়ে বড়ো বোনের সাথে বেড়াতে যায় সবিতা। সেখানে তার বোন তাকে বিশ্ববিদ্যালয় ক্যাম্পাস ঘুরে ঘুরে দেখায়। হঠাৎ সবিতার চোখ ক্যাম্পাস-সংলগ্ন বিলে আটকে যায়। সেখানে রংবেরঙের হাজার হাজার পাখির মেলা বসেছে। কিন্তু কোনো পাখই তার পরিচিত নয়।

৩. উদ্দীপকের অচেনা পাখিগুলো ছবির রং রচনায় উল্লেখিত কোন ঝাতুর কথা স্মরণ করিয়ে দেয়?

ক. বর্ষাকাল

খ. শরৎকাল

গ. শীতকাল

ঘ. বসন্তকাল

৪. উদ্দীপকে উল্লেখিত পাখিগুলোকে আমাদের দেশে কী বলে?

ক. মায়াবী পাখি

খ. রংবেরঙের পাখি

গ. বসন্তের পাখি

ঘ. অতিথি পাখি

### সৃজনশীল প্রশ্ন

---

১. গত ডিসেম্বরে রিংকু তার মামার বাড়ি আলোকনিয়ায় বেড়াতে যায়। তার মা তাকে সেখানকার বিদ্যালয়ে নিয়ে যান। বিদ্যালয়প্রাঙ্গণে নানা রঙের অনেক ফুল আর প্রজাপতি দেখে সে মুক্ষ হয়। সেখানে সে শিক্ষার্থীদের তৈরি উজ্জ্বল রঙের নানা ধরনের পুতুল, বিভিন্ন রং দিয়ে আঁকা ছবি দেখে অভিভূত হয়ে পড়ে।

ক. চাষিরা কোন মাসে দল বেঁধে ফসল কাটে?

খ. ‘এই তিনটি রং মিলিয়ে মিশিয়ে অনেক রং পাওয়া যায়।’— ব্যাখ্যা কর।

গ. বিদ্যালয়ের দৃশ্যে ‘ছবির রং’ প্রক্রিয়ের কোন ঝাতুর পরিচয় পাওয়া যায়? — ব্যাখ্যা কর।

ঘ. “উদ্দীপকটি ‘ছবির রং’ প্রবন্ধের আংশিক ভাব প্রকাশ করছে।”— বিশ্লেষণ কর।

# সেই ছেলেটি

মামুনুর রশীদ



## ১ম দ্রষ্টব্য

(গ্রামের পাশ দিয়ে যাচ্ছে সোমেন, সাবু ও আরজু। সবাই গান গাইতে গাইতে স্কুলে যাচ্ছে। বেশ তাড়া তাদের। একসময় হঠাৎ থেমে যায় আরজু। ওরা আরজুকে ফেলেই চলে যায়। আরজুর ব্যথা পায়ে। সাবু ফিরে আসে।)

- |                |   |  |
|----------------|---|--|
| সাবু           | - | কী হলো আবার?   |
| আরজু           | - | আমি যে আর হাঁটতে পারছি না।   |
| সাবু           | - | রোজ রোজ তোর জন্য আমি স্যারের বকুনি খেতে পারব না।   |
| আরজু           | - | ঠিক আছে তোরা যা, আমি একাই এক্ষুনি যাব।   |
| সাবু           | - | থাক তাহলে।<br>(চলে যায় সাবু। আরজু বসে পড়ে। এ সময়ই এই পথ দিয়ে যাচ্ছিল এক আইসক্রিমওয়ালা।) |
| আইসক্রিমওয়ালা | - | আইসক্রিম, আইসক্রিম চাই আইসক্রিম। কী হলো আরজু মিয়া, তুমি এখানে বসে কী করছ?                   |
| আরজু           | - | কিছু না।   |
| আইসক্রিমওয়ালা | - | স্কুলে যাবে না?  |
| আরজু           | - | না।  |

- আইসক্রিমওয়ালা - স্কুলে ফাঁকি দেওয়া কিন্তু খুব খারাপ, আমি ও খুব স্কুল ফাঁকি দিতাম।  
আমার অবস্থা দ্যাখো। যদি লেখাপড়াটা করতাম তাহলে কি আর আইসক্রিম ফেরি করতে হতো? যাও স্কুলে যাও। চাই আইসক্রিম, আইসক্রিম।
- আরজু - ভাই শোনো — তুমি কোন দিকে যাচছ?
- আইসক্রিমওয়ালা - আমি তো যাব এই বাজারের দিকে।
- আরজু - আজ স্কুলের দিকে যাবে না? আইসক্রিম খাব, টিফিন পিরিয়াডের সময়।
- আইসক্রিমওয়ালা - ক্লাস যখন চলে তখন তো আর আইসক্রিম বিক্রি হয় না। আমার বাজারের সময় চলে যায়। চাই আইসক্রিম। (আইসক্রিমওয়ালা চলে যায়। হাওয়াই মিঠাইওয়ালার প্রবেশ।)
- আরজু - ভাই শোনো।
- হাওয়াই মিঠাইওয়ালা - শুধু শুধু ডাকছ কেন? এভাবে সময় নষ্ট হলে আমার হাওয়াই মিঠাই যে শূন্যে মিলিয়ে যাবে।
- আরজু - তোমার হাওয়াই মিঠাই কি মেঘের মতো যে, মেঘ জমছে আর শূন্যে মিলিয়ে যাচ্ছে।
- হাওয়াই মিঠাইওয়ালা - হ্যাঁ, মেঘের চাইতেও অনেক হালকা — তাই তো মিলিয়ে যায়। যাই — চাই হাওয়াই মিঠাই (চলে যায়)।
- আরজু - এখন আমি কী করব? বাড়ি গেলে বাবা বলবে স্কুলে ফাঁকি দেওয়ার মতলব —  
স্কুলে গেলে স্যার বলবে দাঁড়িয়ে থাকো। আমি তো দাঁড়িয়ে থাকতে পারব না।  
এখন কী হবে?

## ২য় দৃশ্য

(টিফিনের ঘণ্টা বাজে। সোমেন, সাবু ও আরও ছেলেমেয়ে টিফিন পিরিয়াডে বেরিয়ে আসছে। তারা খেলছে। এ সময়ে আসেন লতিফ স্যার।)

- লতিফ স্যার - এই সাবু, এদিকে শোনো — আচ্ছা আরজুকে দেখছি না যে?
- সাবু - স্যার মাঝপথে এসে আরজু বলল তোরা যা। এরকম মাঝে মাঝেই করে আরজু।
- লতিফ স্যার - কিন্তু কেন করে?
- সাবু - এমনিই।
- লতিফ স্যার - এমনিই মানে? ইচ্ছে করে? না কি কোনো সমস্যা আছে ওর?
- সাবু - জানি না স্যার।
- লতিফ স্যার - আচ্ছা। এই যে সোমেন, এদিকে শোনো, তোমার কী মনে হয় আরজু কি ইচ্ছে করেই স্কুল কামাই করছে?
- সোমেন - স্যার, ওর যে কী হয়? হঠাতে করে বলে আমি আর যেতে পারছি না, তোরা দাঁড়া। তখন ওয়ার্নিংবেল বেজে গেছে। আর কি দাঁড়াতে পারি? তাই তো চলে আসি, সেটাই ভালো না স্যার?
- লতিফ স্যার - কোথায় যেন একটা সমস্যা মনে হচ্ছে।

- মিঠু  
লতিফ স্যার  
মিঠু  
লতিফ স্যার  
মিঠু  
লতিফ স্যার  
সোমেন  
লতিফ স্যার  
সাবু
- স্যার ঐ ছেলেটার সাথে আমারও দেখা হয়েছে।
  - কোথায়?
  - ঐ যে পলাশতলীর আমবাগানের ওখানে বসে আছে। আমার সাথে নানান কথা।
  - নানা কথা? তাহলে স্কুলে এলো না কেন?
  - একসময় বলল তুমি কি স্কুলের দিকে যাবে? আমি বললাম না — এখন বাজারে যাব। তারপর টিফিন পিরিয়ডের দিকে স্কুলের দিকে যাব।
  - তাহলে তো খুবই চিন্তার কথা। আচ্ছা ঐ আমবাগানে কি এখনও আছে?
  - মনে হয় এতক্ষণে বাড়ি চলে গেছে।
  - তোমরা চলো তো —
  - স্যার (ওদের চোখে মুখে অনিচ্ছা। হাওয়াই মিঠাইওয়ালা হেঁকে চলছে—হাওয়াই মিঠাই। লতিফ স্যার ওদের দুইজনকে নিয়েই রওয়ানা দেন।)

### ৩য় দৃশ্য

(আমবাগান। অসহায় আরজু বসে আছে। একা সে উঠে দাঁড়ায়। একটা পাখি ডাকছে। তাকে অনুসরণ করার চেষ্টা করছে সে।)

- আরজু
- পাখি, একটু নিচে নাম না। তোমার সাথে কথা কই। আমাকে স্কুলে নিয়ে যাবে? সাবু, সোমেন ওরা কেউ নিয়ে গেল না। তুমি নিয়ে যাও না! তোমার ডানায় ভর করে চলে যাব। কী হলো? নেমে গেলে কেন? মেঘ আমায় নিয়ে যাও না। তোমার কোলে বসে চলে যাব স্কুলে। কী বলছ? ভিজে যাব? ভিজলাম। আবার শুকিয়ে যাব — তবুও তো স্যার বুঝবেন, ছেটো পাখি চন্দনা, এই যে শালিক আমাকে দেখতে পাচ্ছ না? আমি একলা বসে আছি। আমার বুকটা ফেঁটে যাচ্ছে। আমার সাথে কথা বল না — চন্দনা আমায় নিল না, মেঘ আমায় নিল না — শালিক আমার সাথে কথা বলে না।

(আরজু কাঁদতে থাকে। হাঁটাং উপস্থিত হয় লতিফ স্যার।)

- লতিফ স্যার  
সোমেন  
লতিফ স্যার  
আরজু  
লতিফ স্যার  
আরজু  
লতিফ স্যার  
আরজু  
লতিফ স্যার  
সোমেন
- আরজু, তুমি কাঁদছ কেন? তোমার কী হয়েছে? তুমি স্কুলে যাও নি কেন?
  - কাঁদিস কেন? স্যারকে বল না। (আরজু কাঁদছেই)
  - কোনো ভয় নেই, বল।
  - স্যার, আমি বেশি দূর হাঁটতে পারি না। পা দুটো অবশ হয়ে আসে।
  - তোমার বাবা-মাকে বল নি কেন?
  - বলেছি — বাবা বলেন হাঁটাহাঁটি করলেই ঠিক হয়ে যাবে।
  - তোমার পা দুটো দেখি — এ তো রোগ, তোমার পা চিকন হয়ে গেছে।
  - মা জানে, সেই ছেটোবেলায় কী যেন অসুখ হয়েছিল সেই থেকেই পাটা চিকন — মা বোবো কিন্তু কাঁদে শুধু।
  - তোমরা খেয়াল কর নি?
  - না স্যার।

- লতিফ স্যার - তোমাদের বন্ধু না?  
 সোমেন - জী স্যার।  
 লতিফ স্যার - তোমার যদি এরকম হতো?  
 সোমেন - আমরা বুবাতে পারি নি স্যার। এরকম বুবালে আমরা দুজনে ধরে এইভাবে নিয়ে  
    যেতাম। (দুজনেই কাঁধে হাত দিয়ে ওকে তুলে ফেলে।)  
 লতিফ স্যার - বলো স্কুলে যাবে? না কি বাড়ি যাবে?  
 আরজু - স্কুলে স্যার। (ওদের কাঁধে হাত তুলে আরজু স্কুলে যায়।)  
 লতিফ স্যার - চলো। দেখি তোমার চিকিৎসার জন্য আমরা কী করতে পারি।

### শব্দার্থ ও টীকা

- সেই ছেলেটি - ‘সেই ছেলেটি’ নামক এই লেখাটি একটি নাটক। এটি এ বইয়ের আর সব লেখার মতো  
 নয়। এতে কয়েকজন বিশেষ বিশেষ জায়গায় থেকে নিজেদের মধ্যে কথা বলছে। এ  
 ধরনের রচনা কেবল পড়ার জন্য নয়। এগুলো মধ্যে অভিনয় করে লোককে দেখানো হয়।  
 এ ধরনের লেখা আকারে বড়ো হলে তাকে বলে নাটক।
- দৃশ্য - নাটক বা নাটকিয় বিষয়গুলোকে ঘটনাস্ত্রল অনুসারে ভাগ করে নেওয়া হয়। এক-একটি  
 ঘটনাস্ত্রলকে ‘দৃশ্য’ বলা হয়। ‘সেই ছেলেটি’ নাটকার তিনটি ঘটনাস্ত্রলকে তিনটি দৃশ্য  
 ভাগ করে দেখানো হয়েছে। ১ম দৃশ্য — গ্রামের পাশের রাস্তা। ২য় দৃশ্য — সাবু,  
 আরজুদের স্কুল। ৩য় দৃশ্য — আমবাগান।
- মতলব - উদ্দেশ্য বা ফন্দি।

### পাঠের উদ্দেশ্য

বিশেষ চাহিদাসম্পন্ন (শারীরিক ও মানসিকভাবে সুবিধাবণ্ণিত) শিশুদের প্রতি মহাত্মবোধ সৃষ্টি।

### পাঠ-পরিচিতি

নাট্যকার মামুনুর রশীদ রচিত ‘সেই ছেলেটি’ একটি নাটক। নাটকাটিতে একটি বিশেষ চাহিদাসম্পন্ন  
 (শারীরিক ও মানসিকভাবে সুবিধাবণ্ণিত) শিশুর প্রতি সহানুভূতি প্রকাশ পেয়েছে। একই সাথে প্রকাশ  
 পেয়েছে শিশুর প্রতি বড়োদের মহাত্মবোধ। আরজু, সোমেন ও সাবু তিনি বন্ধু। একই স্কুলে একই শ্রেণিতে  
 পড়ে। কিন্তু বিদ্যালয়ে হেঁটে আসতে আরজুর খুব কষ্ট হয়। মাঝে মাঝে তার পা অবশ হয়ে আসে।  
 বন্ধুদের সাথে সমান তালে চলতে পারে না। কখনো কখনো বসে পড়ে। বন্ধুরা আরজুর জন্যে আস্তে  
 আস্তে হাঁটে। তাতে স্কুলে যেতে দেরি হয়ে যায় এবং ওরা শিক্ষকের কাছে বকুনি খায়। আসলে হয়েছিল  
 কি, আরজু ছোটোবেলায় ভীষণ অসুখে পড়েছিল। তাতে তার পা সরে হয়ে যায়। কিন্তু আরজু জানে না  
 কেন তার পা অবশ হয়ে আসে। তার মা জানেন আরজুর অসুখের কথা। তিনি কাঁদেন।

একদিন স্কুলে যাওয়ার পথে পা অবশ হয়ে গেলে আরজু বন্ধুদের স্কুলে চলে যেতে বলে। সে রাস্তার  
 পাশে বসে থাকে। আইসক্রিমওয়ালা আসে, হাওয়াই মিঠাইওয়ালা আসে। সে তাদের সাথে কথা বলে।  
 তারা চলে যায়। আরজু ভাবে পাখি কিংবা মেঘ তাকে যদি উড়িয়ে নিয়ে স্কুলে দিয়ে যেত!

এদিকে শিক্ষক লতিফ স্যার আরজুকে ক্লাসে না দেখে সোমেনদের কাছ থেকে ঘটনাটি জেনে সোমেনদের সঙে নিয়ে আরজুর খৌজে রওয়ানা হন। আরজুকে দেখে তিনি বুরতে পারেন যে আরজুর পা অবশ হয়ে আসা একটা রোগ। তখন লতিফ স্যারের কথায় সোমেনদের মনে সহানুভূতি জাগে। তাদের সহায়তায় আরজু ক্লুলে যায়।

### লেখক-পরিচিতি

মামুনুর রশীদ বাংলাদেশের বিশিষ্ট নাট্যকার, অভিনেতা ও নির্দেশক। তিনি ১৯৪৮ খ্রিষ্টাব্দে টাঙ্গাইলে জন্মগ্রহণ করেন। তাঁর রচিত উল্লেখযোগ্য নাটক হলো : ‘ওরা কদম আলী’, ‘ওরা আছে বলেই’, ‘ইবলিশ’, ‘গিনিপিগ’ ইত্যাদি।

### কর্ম-অনুশীলন

১. বিশেষ চাহিদাসম্পন্ন শিশুদের প্রতি মমত্ববোধ সৃষ্টির লক্ষ্যে জনসচেতনতা সৃষ্টির জন্য পোস্টার, প্র্যাকার্ড, ব্যানার তৈরি করে র্যালির আয়োজন কর (শ্রেণির সকল শিক্ষার্থীর কাজ)।
২. নাটকিক অভিনয় করে প্রদর্শনের ব্যবস্থা কর (শ্রেণির সকল শিক্ষার্থীর কাজ)।

### নমুনা প্রশ্ন

#### বহুনির্বাচনি প্রশ্ন

১. সেই ছেলেটি নাটকায় দৃশ্য সংখ্যা কয়টি?
 

ক. দুইটি	খ. তিনটি
গ. চারটি	ঘ. পাঁচটি
২. আরজু তার বকুলের সাথে ক্লুলে যেতে যেতে বসে পড়ে কেন?
 

ক. সে ক্লুলে যেতে চায় না	খ. স্যার তাকে বকুলি দিতে পারে
গ. তার ক্লুল ফাঁকি দেওয়ার ইচ্ছা ছিল	ঘ. রোগের কারণে সে হাঁটতে পারে না
৩. ‘মা বোরে কিন্তু কাঁদে’ কারণ -
 

ক. ছেলের পা চিকন হয়ে যাচ্ছে	খ. ছেলের পা একদিন পঙ্ক হয়ে যেতে পারে
গ. ছেলের পায়ের কোনো চিকিৎসা হচ্ছে না	ঘ. ছেলের এই অবস্থায় তিনি অসহায়

#### উচ্চীপক্ষটি পড়ে ৪ ও ৫ নং প্রশ্নের উত্তর দাও:

রেবেকা কাছের জিনিস দেখতে পায় কিন্তু দূরের জিনিস বাপসা দেখে। একদিন সে লক্ষ করল দূরের ঝাপসা জিনিস অর্ধেক দেখা যাচ্ছে আর অর্ধেক পুরো অঞ্চলকার। মাকে জানালে তিনি বললেন চোথে পানি দিলে ঠিক হয়ে যাবে। কিন্তু তা হয়নি। বরং অবস্থা আরও খারাপ হচ্ছে।

৪. রেবেকা কোন ধরনের শিশু?

- |    |            |    |           |
|----|------------|----|-----------|
| ক. | স্বাভাবিক  | খ. | পুষ্টিহীন |
| গ. | সুবিধাবধিত | ঘ. | বৃদ্ধিহীন |

৫. 'সেই ছেলেটি' নাটিকা অনুযায়ী রেবেকার প্রয়োজন-

- i. মাতা পিতার সহানুভূতি
- ii. সমাজের সহানুভূতি
- iii. স্বাহ্য সম্পর্কিত ধারণা

নিচের কোনটি সঠিক?

- |    |         |    |          |
|----|---------|----|----------|
| ক. | i       | খ. | i ও ii   |
| গ. | i ও iii | ঘ. | ii ও iii |

### সূজনশীল প্রশ্ন

---

১. আবিদ স্যার ৭ম শ্রেণির ছাত্র রওশনের কাছে তার স্কুলে অনুপস্থিতির কারণ জানতে চাইলে সে কিছু না বলে চুপ থাকে। শ্রেণির অন্য শিক্ষার্থীদের জিজেন করলে তারা প্রায় একযোগে বলে — স্যার, রওশন প্রায়ই স্কুল কামাই করে। শিক্ষক রওশনকে বলেন—আর কামাই করবে? কেননো উত্তর দেয় না রওশন। পায়ের বৃকাশুলি দিয়ে মেঝে খুঁড়তে থাকে। উত্তর না পেয়ে শিক্ষক রওশনকে অনেক বক্তা দেন। কয়েকদিন পর রওশনের বাবা আবিদ স্যারকে বলেন—স্যার, রওশনের স্নায়ু রোগ আছে। নিয়মিত স্কুল করলে ওর অসুখটা বেড়ে যায়। বক্তারকা করলে ওর স্কুলে আসা বন্ধ হয়ে যাবে।

- ক. মিঠু আরজুকে কোথায় বসে থাকতে দেখেছে?
- খ. আইসক্রিমওয়ালা আরজুকে স্কুল ফাঁকি দিতে নিষেধ করল কেন? — বুবিয়ে লেখ।
- গ. রওশন ও আরজুর মধ্যকার সাদৃশ্য ব্যাখ্যা কর।
- ঘ. আবিদ স্যারের বিচার কাজটি লতিফ স্যারের তুলনায় কতটুকু যৌক্তিক হয়েছে? — তা মূল্যায়ন কর।

# বহু জাতিসম্মত দেশ—বাংলাদেশ

এ. কে. শেরাম

আমাদের প্রিয় মাতৃভূমি এই বাংলাদেশ বহু জাতি, বহু ভাষা ও বহু সংস্কৃতির একটি দেশ। এখানে প্রধান জনগোষ্ঠী বাঙালির পাশাপাশি রয়েছে প্রায় অর্ধশত জাতিসম্মত মানুষ। দেশের প্রধান ও রাষ্ট্রভাষা বাংলার পাশাপাশি রয়েছে অনেক ভাষা এবং ঐসব জাতিগোষ্ঠীর নানা বর্ণের বিচ্চির সংস্কৃতি। তারপরও আমরা সবাই জাতীয়তার পরিচয়ে এক এবং দেশকে ভালোবাসার ফেরেও ঐক্যবদ্ধ। বৈচিত্রের মধ্যেও এই যে একতার শক্তি, এটিই আমাদের বাংলাদেশকে সুন্দর ও বর্ণময় করে তুলেছে।

বাঙালি ছাড়া বাংলাদেশে বসবাসরত অন্যান্য জাতিসম্মত সংখ্যা নিয়ে ভিন্ন ভিন্ন মত রয়েছে। তবে সাধারণভাবে এই সংখ্যা ৪৬টি বলে অনুমিত। পার্বত্য চট্টগ্রামের রাঙামাটি, খাগড়াছড়ি ও বান্দরবানের বিভিন্ন পাহাড়ি জনপদ ছাড়াও দেশের সমতলভূমি যেমন করুবাজার, পটুয়াখালি, বরগুনা, ময়মনসিংহ, জামালপুর, টাঙ্গাইল, বগুড়া, রাজশাহী, পাবনা, দিনাজপুর ও সিলেট অঞ্চলে প্রধানত এদের বসতি। এইসব জনগোষ্ঠী শত শত বছর ধরে এই ভূখণ্ডে বসবাস করছে। তাদের প্রায় প্রত্যেকেই রয়েছে নিজস্ব ভাষা, সাহিত্য ও সংস্কৃতি। প্রতিটি জাতিগোষ্ঠীর কাছে তাদের ভাষা ও সংস্কৃতি খুবই প্রিয়।

বাংলাদেশে যেসব সংখ্যাবলম্ব জাতিসম্মত বাস তাদের মধ্যে উল্লেখযোগ্য হলো— চাকমা, মারমা, ত্রিপুরা, গারো, সাঁওতাল, মণিপুরি, খাসি, ম্রো, রাখাইন, হাজং, তৎস্যা, বম, কোচ, পাহাড়িয়া, রাজবংশী, মালো, ওঁরাও ইত্যাদি। এদের মধ্যে প্রধান কয়েকটি জনগোষ্ঠীর জীবন ও সংস্কৃতির পরিচয় সংক্ষেপে উপস্থাপন করা হলো।

## চাকমা

মঙ্গোলীয় জনগোষ্ঠীর অন্তর্গত চাকমাদের প্রধান বসতি পার্বত্য চট্টগ্রামের রাঙামাটি, খাগড়াছড়ি ও বান্দরবান জেলায়। নিজেদের মধ্যে তারা ‘চাঙ্গমা’ নামে পরিচিত। তারা আর্য ভাষাগোষ্ঠীর অন্তর্ভুক্ত। তাদের নিজস্ব হরফও আছে। চাকমারা পিতৃতাত্ত্বিক। পিতাই পরিবারের প্রধান। চাকমা সমাজের প্রধান হলেন রাজা। গ্রামের প্রধান হলেন কারবারি। গ্রামের যাবতীয় সমস্যা তিনিই নিষ্পত্তি করেন। চাকমারা প্রধানত বৌদ্ধ ধর্মাবলম্বী। তবে তার পাশাপাশি এখনও তারা কিছু কিছু প্রকৃতিপূজাও করে থাকে। চাকমা পুরুষেরা ‘ধূতি’ ও মহিলারা ‘পিনন’ পরিধান করে থাকে। পুরুষেরা নিজেদের তাঁতে তৈরি ‘সিলুম’ (জামা) পরে। মেয়েরা ‘খাদি’কে ওড়না হিসেবে ব্যবহার করে।

চাকমাদের প্রধান খাদ্য ভাত, মাছ, মাংস ও শাক-সবজি। চাকমা-জীবনের নানা পর্যায়ে বিভিন্ন লোকিক আচার অনুষ্ঠান থাকে। বিয়ের সময় ছেলের অভিভাবককে ঘটকসহ কলের বাড়িতে কমপক্ষে তিনবার যাওয়া-আসা করতে হয়। প্রতিবার চুয়ানি, পান-সুপারি ও পিঠা নিয়ে যেতে হয়। বিজু উৎসব চাকমাদের একটি প্রধান উৎসব। চৈত্রের শেষ দুইদিন ‘ফুলবিজু’ ও ‘মূলবিজু’ এবং পহেলা বৈশাখকে ‘গর্যাপর্য্যা’ বলে আখ্যায়িত করে থাকে তারা। লোকনৃত্যগীত হিসেবে ‘জুমনাচ’ ও ‘বিজুনাচ’ বেশ জনপ্রিয়।

## গারো

গারো জনগোষ্ঠীর প্রধান বসতি ময়মনসিংহ, টাঙ্গাইল ও সিলেট অঞ্চলে। মঙ্গোলীয় জনগোষ্ঠীর অন্তর্গত গারোরা মাতৃসূত্রীয়। মেয়েরা পরিবারের সম্পত্তির মালিক হয়। বিবাহের পর বর স্ত্রীর বাড়িতে গিয়ে বসবাস করে থাকে। সন্তান-সন্ততিরা মায়ের পদবি ধারণ করে। তবে পরিবার, সমাজ পরিচালনা ও শাসনে পুরুষেরই দায়িত্ব পালন করে থাকে। একই গোত্রে বিবাহ গারো সমাজে নিষিদ্ধ। গারোদের নিজস্ব ধর্ম আছে। এটি এক ধরনের প্রকৃতি-পূজা। গারোরা প্রধানত কঢ়িজীবী। পাহাড়ে বসবাসকারীরা জুম চাষ করে। আর সমতলভূমির গারোরা নারী ও পুরুষ একসাথে সাধারণ নিয়মে কৃষিকাজ করে। গারোরা জন্ম থেকে মৃত্যু অবধি জীবনের নানা পর্যায়ে বিভিন্ন ধর্মীয় ও সামাজিক আচার-অনুষ্ঠান পালন করে। অলঙ্কারও ব্যবহার করে থাকে। গারো সংস্কৃতিতে গীতবাদ্য ও নৃত্য খুবই গুরুত্বপূর্ণ। তাদের নিজস্ব কিছু বাদ্যযন্ত্রও আছে। ফসল বোনা, নবান্ন, নববর্ষ ইত্যাদি উপলক্ষ্যে বিভিন্ন উৎসবের আয়োজন হয়। ‘ওয়ানগালা’ গারোদের একটি জনপ্রিয় উৎসব।

## মারমা

মঙ্গোলীয় জনগোষ্ঠীর অন্তর্গত মারমাদের প্রধান বসতি পার্বত্য চট্টগ্রামের বান্দরবান, রাঙামাটি ও খাগড়াছড়িতে। মারমা ভাষাও মঙ্গোলীয় ভাষা পরিবারের। তাদের নিজস্ব বর্ণমালাও আছে। মারমারা প্রাচীনকাল থেকেই বৌদ্ধ ধর্মাবলম্বী। তারা বিয়ের সময় ধর্মীয় ও লোকাচার মিলিয়ে নানা অনুষ্ঠান পালন করে। নিজেদের গোত্রে বিবাহকে মারমা সমাজে উৎসাহিত করা হয়। মারমারা পিতৃতাত্ত্বিক। সম্পত্তির উত্তরাধিকারে ছেলে ও মেয়েদের সমান অধিকারের কথা বলা আছে। তবে পরিবার ও সমাজজীবনে পুরুষেরই প্রাধান্য থাকে। বিয়ের পর নারী-পুরুষ ইচ্ছে করলে মা-বাবার বাড়ি কিংবা শুশুরবাড়িতে স্থায়িভাবে বসবাস করতে পারে। মারমাদের সামাজিক শাসনব্যবস্থায় রাজা প্রধান। মারমারা জুম চাষ করে এবং বনজ সম্পদ আহরণের মাধ্যমে জীবিকানির্বাহ করে।

বৌদ্ধ ধর্মাবলম্বী হলেও মারমারা এখনও বিভিন্ন দেব-দেবীর পূজা এবং নানা আচার-অনুষ্ঠানাদি পালন করে। তাদের সবচেয়ে বড়ো উৎসব হলো নববর্ষে সাংগ্রাই দেবীর পূজা এবং এ উপলক্ষ্যে আয়োজিত সাংগ্রাই উৎসব তিন দিন ধরে চলে।

## মণিপুরি

মণিপুরিদের আদি নিবাস ভারতের মণিপুর রাজ্য। এদের মধ্যে কোনো কোনো সম্প্রদায়ের নিজস্ব বর্ণমালাও আছে। মণিপুরিরা যেখানেই বসতি স্থাপন করে সেখানে কয়েকটি পরিবার মিলে গড়ে তোলে পাড়া। প্রতিটি পাড়াতেই থাকে দেবমন্দির ও মঙ্গপ। ঐ মন্দির ও মঙ্গপকে ঘিরেই আবর্তিত হয় ঐ পাড়ার যাবতীয় ধর্মীয়

ও সামাজিক কর্মকাণ্ড। মণিপুরি সমাজে পাঢ়া বা গ্রাম ও ‘পানচায়’ বা পন্থগায়েতের ভূমিকা খুবই গুরুত্বপূর্ণ।



নৃত্যরত মণিপুরি

মণিপুরি জনগোষ্ঠী সাতটি গোত্রে বিভক্ত। মণিপুরিদের প্রাচীন ধর্মের নাম ‘আপোকপা’। তবে মণিপুরিদের অধিকাংশই এখন সনাতন ধর্মের চৈতন্যমতের অনুসারী। মণিপুরিদের একটি উল্লেখযোগ্য অংশ ইসলাম ধর্মাবলম্বী। সনাতন ধর্মাবলম্বী মণিপুরিদের প্রধান উৎসব, রথযাত্রা ইত্যাদি। রাস উৎসব উপলক্ষ্যে রাসনৃত্য ও মেলার আয়োজন করা হয়ে থাকে। মণিপুরিরা প্রধানত কৃষিজীবী। ভাত, মাছ, শাক-সবজি মণিপুরিদের প্রধান খাদ্য। মণিপুরি পুরুষেরা সাধারণত ধুতি, গামছা, জামা ইত্যাদি পরিধান করে। আর মেয়েরা পরে নিজেদের তৈরি বিশেষ ধরনের পোশাক।

### ত্রিপুরা

পার্বত্য চট্টগ্রামের খাগড়াছড়ি, রামগড়, রাঙামাটি, কাঞ্জাই এবং চট্টগ্রাম জেলা, বৃহত্তর কুমিল্লা, নেয়াখালি ও সিলেট অঞ্চলে বসবাসকারী ত্রিপুরা জনগোষ্ঠী মঙ্গোলীয় মহাজাতির অংশ। তাদের ভাষার নাম ‘ককবরক’। এদের নিজস্ব কোনো বর্ণমালা নেই। ত্রিপুরা সমাজব্যবস্থা পিতৃতাত্ত্বিক। ছেলেরাই সম্পত্তির উত্তরাধিকারী হয়। ত্রিপুরারা বর্তমানে সাধারণভাবে সনাতন হিন্দু ধর্মাবলম্বী। কিন্তু তারা এখনও তাদের প্রাচীন লোকজ ধর্মের নানা দেব-দেবীর পূজা-অর্চনা এবং বিভিন্ন অনুষ্ঠানদি করে।

ত্রিপুরা মেয়েরা কাপড় বয়নে খুবই দক্ষ। তারা নিজেদের পরনের কাপড় নিজেরাই তাঁতে তৈরি করে। পুরুষেরা পরিধান করে নিজেদের তৈরি গামছা ও ধুতি। ত্রিপুরারা কৃষিজীবী। তারা পাহাড়ে জুম চাষ করে। ত্রিপুরাদের সংগীত ও নৃত্য খুবই সমৃদ্ধ। তাদের মধ্যে বিভিন্ন সংগীতের প্রচলন যেমন আছে, তেমনি আছে নানা

প্রকারের নৃত্যও। ত্রিপুরাদের প্রধান উৎসব নববর্ষ বা বৈসু, ত্রিপুরা জনগোষ্ঠীর 'বৈসু', মাঝমাদের 'সাংগ্রাই' ও চাকমাদের 'বিজু' উৎসবের প্রথম অঙ্গের নিয়ে 'বৈসাবি' উৎসব এখন নববর্ষ উপলক্ষ্যে পার্বত্য চট্টগ্রামের জাতীয় উৎসব।

### সাঁওতাল

সাঁওতাল জনগোষ্ঠীর লোক প্রধানত উত্তরবঙ্গ ও সিলেটের ঢা বাগানে বসবাস করে। তাদের ভাষা অস্ট্রিক পরিবারের। সাঁওতাল সমাজ পিতৃতাত্ত্বিক। সম্পত্তির মালিকানায় এবং সমাজ ও পরিবারে পুরুষই প্রধান। সাঁওতালদের নিজস্ব ধর্ম আছে। কিন্তু কোনো ধর্মস্থল নেই। পেশার দিক থেকে সাঁওতাল জনগোষ্ঠী প্রধানত দুই ভাগে বিভক্ত — কৃষক ও শ্রমিক। অনেকের জন্যে কৃষি যেমন প্রধান জীবিকা তেমনি অনেকে আবার শ্রমিক হিসেবে বিভিন্ন জায়গায় কাজ করে থাকে। ব্রিটিশ-বিরোধী স্বাধীনতা আন্দোলনে সাঁওতালদের সংগ্রামী ভূমিকা, বিশেষ করে 'সাঁওতাল বিদ্রোহ' ও 'নাচেল কৃষক বিদ্রোহ' ইতিহাসে বিশেষভাবে স্মরণীয় হয়ে আছে।



সাঁওতাল নৃত্য

সাঁওতালরা খুবই পরিষ্কার-পরিচ্ছন্ন থাকে। বাড়িস্বর লেপে মুছে পরিষ্কার রাখা হয় এবং দেয়ালে নানা রঙ দিয়ে ছবি আঁকা হয়। 'সোহরাই' হচ্ছে সাঁওতাল সমাজের শ্রেষ্ঠ উৎসব। এটা অনেকটা পৌষ-পার্বত্যের মতো। সাঁওতাল নৃত্যে মেয়ে-পুরুষ দলবদ্ধ হয়ে নাচে। তাদের ঝুঁমুর নাচ খুবই জনপ্রিয়।

বাংলাদেশের এইসব ক্ষুদ্র নৃতাত্ত্বিক জাতিসমাজের জীবন ও সংস্কৃতি আমাদের জাতীয় সংস্কৃতিকে সমৃদ্ধ করেছে — বর্ণিল ও বৈচিত্র্যপূর্ণ করেছে। দেশের সামগ্রিক উন্নয়নেও রয়েছে তাদের বিরাট অবদান। তারা আজ জাতীয় মূলধারারই অংশ।

(সংক্ষেপিত)

## শব্দার্থ ও টীকা

- সংখ্যাবলী জাতিসম্মত** — বাংলাদেশের জনসংখ্যার বৃহত্তর অংশ হচ্ছে বাঙালি। বাঙালি হাড়া আরও কিছু জনগোষ্ঠী বা জাতি আছে, যারা ভাষা, সামাজিক রীতিনীতি প্রভৃতির দিক থেকে বাঙালিদের মতো নয়। তাদের সংখ্যা বাঙালিদের তুলনায় কম। যেমন : চাকমা, মারমা, সাঁওতাল, হাজং, ত্রিপুরা ইত্যাদি।
- সংস্কৃতি** — ব্যক্তি, গোষ্ঠী বা সম্প্রদায়ের আত্মপরিচয় পাওয়া যায় এমন সব বৈশিষ্ট্যকে বলা হয় সংস্কৃতি। বাঙালির কিছু বিশেষ বৈশিষ্ট্য আছে, সেগুলোর দ্বারা বাঙালিকে অন্যান্য জাতিগোষ্ঠী থেকে আলাদা করা যায়। তেমনি ক্ষুদ্র জাতিসমূহের সংস্কৃতিও আলাদা আলাদা। তবে নাগরিকত্বের পরিচয়ে বাংলাদেশের সকলেই এক ও অভিন্ন।
- আর্যভাষ্য** — দুনিয়ার একটি প্রধান ভাষাগোষ্ঠীর নাম ইন্দো-ইউরোপীয় ভাষাগোষ্ঠী। তার একটি শাখার নাম আর্য ভাষা। এই আর্য ভাষা থেকে বাংলা, হিন্দি, গুড়িয়া, চাকমা প্রভৃতি ভাষার সৃষ্টি হয়েছে।
- পিতৃতাত্ত্বিক**
- পরিবার** — মানব সমাজে দু'রকমের পরিবার প্রথার সৃষ্টি হয়েছে; (ক) পিতৃতাত্ত্বিক, (খ) মাতৃতাত্ত্বিক। পরিবারের প্রধান নেতৃত্ব, অর্থনৈতিক ক্ষমতা ও সম্পত্তি যদি পুরুষের হাতে থাকে তাহলে সেরকমের পরিবারকে বলা হয় পিতৃতাত্ত্বিক পরিবার। আর যে পরিবার প্রথায় উক্ত নেতৃত্ব ও ক্ষমতা নারীর হাতে থাকে, তাকে বলা হয় মাতৃতাত্ত্বিক। বাঙালিদের মতো চাকমাদের পরিবার পিতৃতাত্ত্বিক। তবে একালে মাতৃতাত্ত্বিক পরিবারেও পিতৃতাত্ত্বিক পরিবারের প্রভাব পড়েছে।
- খাদি** — হাতে কাটা (মেশিনে নয়) সুতা দিয়ে তৈরি কাপড়।
- লৌকিক আচার-অনুষ্ঠান** — স্থান ও জাতি বিশেষের ঐতিহ্যগত আচার-অনুষ্ঠান যার মধ্যে বর্তমান নাগরিক রূচির প্রভাব পড়ে নি, তাকে লৌকিক আচার-অনুষ্ঠান বলা হয়।
- মাতৃসূত্রীয় পরিবার** — কিছু সমাজ আছে যেখানে পুরুষগণ সমাজ পরিচালনা ও শাসনের অধিকারী হলেও নারীদের পরিচয়েই পরিবার পরিচিত হয়। এ ধরনের পরিবারকে মাতৃসূত্রীয় পরিবার বলে। যেমন— গারো পরিবার।
- পদবি** — উপাধি, যা নামের শেষে যোগ করে বৎশ পরিচয় দেওয়া হয়। পদবি বলতে কর্মক্ষেত্রে স্তর বা মর্যাদা ও বোঝায়।
- জুম** — পাহাড়ে চাষাবাদের বিশেষ পদ্ধতি।
- মঙ্গোলীয় ভাষাগোষ্ঠী** — একটি ভাষাগোষ্ঠী; এই ভাষাগোষ্ঠীর অন্তর্গত প্রতিটি ভাষার আলাদা রূপ ও বৈশিষ্ট্য আছে।
- মণ্ডপ** — পূজা বা সভা-সমিতির জন্য ছাদযুক্ত চতুর।

বয়ন — বোনা।

### পাঠের উদ্দেশ্য

বাংলাদেশে বসবাসরত বিভিন্ন জাতিগোষ্ঠী সম্পর্কে শিক্ষার্থীদের অবহিত করা।

### পাঠ-পরিচিতি

বাংলাদেশে মূল জনগোষ্ঠী হচ্ছে বাঙালি জাতি। বাঙালি ছাড়াও এদেশে আরও অনেক জাতিগোষ্ঠীর মানুষ বাস করে। তাদের মধ্যে আছে চাকমা, গারো, মারমা, মণিপুরি, ত্রিপুরা, সাঁওতাল প্রভৃতি জনগোষ্ঠী।

এই জাতিগোষ্ঠীর প্রত্যেকটিরই রয়েছে ব্রতন্তর পরিচয়, নিজস্ব সংস্কৃতি ও জীবনাচার। তাদের মধ্য থেকে কয়েকটি সম্পর্কে এখানে সংক্ষেপে আলোচনা করা হয়েছে। চাকমা, গারো, মারমা, মণিপুরি, ত্রিপুরা ও সাঁওতালদের সম্পর্কে সংক্ষিপ্ত এই আলোচনা বৃহত্তর জাতীয়তাবোধ সৃষ্টিতে সহায়ক হবে বলে ধারণা করা যায়।

বাংলাদেশের বিভিন্ন জাতিগোষ্ঠীর সংস্কৃতি ও জীবনাচার আমাদের জাতীয় সংস্কৃতিকে সমৃদ্ধ করেছে, করেছে বৈচিত্র্যময় ও বর্ণিল। দেশের সামগ্রিক উন্নয়নে তারা গুরুত্বপূর্ণ অবদান রেখে চলেছে।

### লেখক পরিচিতি

বাংলাদেশে মণিপুরি সাহিত্যচর্চার কেত্রে পথিকৃৎ কবি ও প্রাবন্ধিক এ. কে. শেরাম। তাঁর জন্ম ১৯৫২ খ্রিষ্টাব্দে হবিগঞ্জে। তাঁর উল্লেখযোগ্য গ্রন্থ হলো: ‘বসন্ত কুলি পালঙ্ঘী লৈরাই’, ‘মণিপুরি কবিতা’, ‘চৈতন্যে অধিবাস’, ‘মনিদীপ্তি মণিপুরি ও বিষ্ণুপ্রিয়া বিতক’ ইত্যাদি।

### কর্ম-অনুশীলন

ক. তোমার এলাকার বিভিন্ন লোকজ-সাংস্কৃতিক অনুষ্ঠানের পরিচয় দিয়ে একটি রচনা লেখ (একক কাজ)।

### নমুনা প্রশ্ন

#### বহুনির্বাচনি প্রশ্ন

##### ১. ত্রিপুরা জনগোষ্ঠীর উৎসব কোনটি?

- |    |           |    |        |
|----|-----------|----|--------|
| ক. | সাংগ্রাহি | খ. | বিজু   |
| গ. | বৈসু      | ঘ. | সোহরাই |

##### ২. বাঙালি ছাড়া অন্যান্য জাতিসম্বন্ধ জাতীয় মূলধারারই অংশ কারণ, তারা—

- i. আমাদের সংস্কৃতিকে সমৃদ্ধ করেছে
- ii. জাতীয় সমৃদ্ধিতে গুরুত্বপূর্ণ ভূমিকা রাখে
- iii. ধর্মীয় দিক থেকেও তারা গুরুত্বপূর্ণ

**নিচের কোনটি সঠিক?**

- |    |         |    |             |
|----|---------|----|-------------|
| ক. | i ও ii  | খ. | ii ও iii    |
| গ. | iii ও i | ঘ. | i, ii ও iii |

**উদ্দীপকটি পড়ে ৩ ও ৪ নম্বর প্রশ্নের উত্তর দাও:**

বাবার চাকরির সুবাদে সুমি সিলেটের একটি কুলে ভর্তি হয়। সেখানে লুসি দাড়িং নামে একটি মেঝের সাথে তার বন্ধুত্ব হয়। কথা প্রসঙ্গে সুমি জানতে পারে ‘দাড়িং’ লুসির মায়ের পদবি। শুনে তার কাছে অঙ্গুত লাগে যে বিয়ের পর লুসির বাড়িতেই তার বর চলে আসবে।

**৩. উদ্দীপকে বাংলাদেশের জাতিসভা সম্পর্কিত এই রচনার কোন জাতিসভার পরিচয় পাওয়া যায়?**

- |    |       |    |        |
|----|-------|----|--------|
| ক. | চাকমা | খ. | মারমা  |
| গ. | গাঁরো | ঘ. | সঁওতাল |
৪. উদ্দীপকের জাতিসভা আমাদের জাতীয় জীবনে গুরুত্বপূর্ণ কারণ, তারা আমাদের—  
 i. সংস্কৃতির ধারক  
 ii. অবিচ্ছেদ্য অংশ  
 iii. ঐতিহ্যকে ধারণ করেছে

**নিচের কোনটি সঠিক?**

- |    |          |    |             |
|----|----------|----|-------------|
| ক. | i ও ii   | খ. | i ও iii     |
| গ. | ii ও iii | ঘ. | i, ii ও iii |

**সূজনশীল প্রশ্ন**

---

১। বাহার তার বন্ধু সঙ্গীবের সাথে একটি পার্বত্য অঞ্চলে বেড়াতে যায়। সেখানে গিয়ে সে জানতে পারে স্থানীয় লোকজন সবাই বৌদ্ধ ধর্মাবলম্বী, পিত্তাত্ত্বিক। তারা দেব-দেবীর পূজা করে এবং নববর্ষ এলে সাংগ্রাহ উৎসব পালন করে। সেখানে কয়েকদিন থাকার পর তারা অন্যত্র বেড়াতে যায়। সেখানকার সমাজের প্রধান হলেন রাজা। গ্রামের প্রধান হলেন কারবারি। সেখানে পুরুষেরা ধূতি ও মহিলারা ‘পিনন’ পরিধান করে থাকে। পুরুষেরা নিজেদের তৈরি ‘সিলুম’ পরে। মেয়েরা খাদিকে ওড়না হিসেবে ব্যবহার করে।

- ক. চাকমারা পহেলা বৈশাখকে কী বলে আখ্যায়িত করে?  
 খ. পঞ্চায়েতের ভূমিকা কুবই গুরুত্বপূর্ণ কেন?  
 গ. উদ্দীপকের প্রথম স্থানটি এই রচনার কোন জাতিসভাকে নির্দেশ করে? — ব্যাখ্যা কর।  
 ঘ. “বাহার ও তার বন্ধু শেষে যেখানে বেড়াতে গেল তা বাংলাদেশের একটি জাতিসভার বৈশিষ্ট্যকে ধারণ করে।” — উদ্দীপক ও রচনার আলোকে বিশ্লেষণ কর।

# নতুন দেশ


## রবীন্দ্রনাথ ঠাকুর

নদীর ঘাটের কাছে  
নৌকো বাঁধা আছে,  
নাইতে যখন যাই, দেখি সে  
জলের চেউয়ে নাচে।

আজ গিয়ে সেইখানে  
দেখি দূরের পালে  
মাঝানদীতে নৌকো, কোথায়  
চলে ভাটার টানে।

জানি না কোন দেশে  
গৌছে যাবে শেবে,  
সেখানেতে কেমন মানুষ  
থাকে কেমন বেশে।





থাকি ঘরের কোণে,  
সাথ জাগে মোর মনে,  
অমনি করে যাই ভেসে, ভাই,  
নতুন নগর বনে।

দূর সাগরের পারে,  
জলের ধারে ধারে,  
নারিকেলের বনগুলি সব  
দাঢ়িয়ে সারে সারে।

পাহাড়-চূড়া সাজে  
নীল আকাশের মাঝে,  
বরফ ভেঙে ডিঙিয়ে যাওয়া  
কেউ তা পারে না-যে।  
কোন সে বনের তলে  
নতুন ফুলে ফলে  
নতুন নতুন পশু কত  
বেড়ায় দলে দলে।

কত রাতের শেষে  
নৌকো যে যায় ভেসে।  
বাবা কেন আপিসে যায়,  
যায় না নতুন দেশে?

## শব্দার্থ ও টীকা

- ভাঁটা — টান্ড ও সূর্যের শক্তির আকর্ষণে সমুদ্র বা নদীতে পানি বেড়ে যায়। একে বলে জোয়ার।  
এ পানি কমে যাওয়াকে বঙ্গা হয় ভাঁটা।
- আপিস — অফিস শব্দের একটি কথ্য রূপ।

## পাঠের উদ্দেশ্য

শিক্ষার্থীর অনুসন্ধিসা, কল্পনাশক্তি ও সৃজনশীলতা জাগ্রত করা।

## পাঠ-পরিচিতি

কবিতাটি রবীন্দ্রনাথ ঠাকুরের ‘সহজ পাঠ’ গ্রন্থের প্রথম ভাগ থেকে নেওয়া হয়েছে। এ কবিতায় অজ্ঞানকে জানার সীমাহীন কৌতুহল এবং প্রকৃতির সকল রহস্য উন্মোচন করার অপার আকাঙ্ক্ষার কথা প্রকাশিত হয়েছে। ভাঁটার টানে ঘাটে বাঁধা নৌকা মাঝে নদী পেরিয়ে কোথায় গিয়ে যে পৌছবে তার কোনো ঠিক নেই। হয়তো কোনো নতুন দেশে বা নতুন পরিবেশে গিয়ে সে পৌছবে। এ সব প্রশ্নের উত্তর জানতে কৌতুহল জাগবে যে কারোরই। হয়তো কোনো অসীম সৌন্দর্য, অজ্ঞান আনন্দ বা অপার বিস্ময় তার জন্য অপেক্ষা করে আছে। অজ্ঞান প্রতি এই ব্যাকুলতা শিশুরা তার আশপাশের সবার মধ্যেও দেখতে চায়।

## কবি-পরিচিতি

বাংলা ভাষা ও সাহিত্যকে বিশ্বসাহিত্যের অঙ্গনে সম্মানের আসনে অধিষ্ঠিত করে ‘বিশ্বকবি’ অভিধায় অভিহিত হল রবীন্দ্রনাথ ঠাকুর (১৮৬১-১৯৪১)। তিনি জোড়াসাঁকোর ঠাকুর বাড়ির মহর্ষি দেবেন্দ্রনাথ ঠাকুর ও সারদা দেবীর চতুর্দশতম সন্তান।

আধুনিক বাংলা কবিতার ধারায় নতুন যুগের প্রবর্তক তিনি। পনেরো বছর বয়সে প্রকাশিত হয় তাঁর প্রথম কাব্যগ্রন্থ ‘বনফুল’। ‘গীতাঞ্জলি’ এবং তাঁর আরও কিছু কবিতার স্ব-অনুদিত কাব্যগ্রন্থ ‘Song Offerings’-এর জন্য ১৯১৩ সালে সাহিত্যে নোবেল পুরস্কার লাভ করেন। ‘মানসী’, ‘সোনার তরী’, ‘চিরা’, ‘ক্ষণিকা’, ‘বলাকা’ তাঁর অন্যতম কাব্যগ্রন্থ। ছোটদের জন্য রচনা করেছেন ‘শিশু’, ‘শিশু ভোলানাথ’, ‘খাপছাড়া’ প্রভৃতি কাব্যগ্রন্থ।

বাংলা ছেটিগঞ্জ প্রথম তাঁর হাতেই প্রতিষ্ঠা লাভ করে। কবিতা, ছেটিগঞ্জ ছাড়াও উপন্যাস, নাটক, প্রবন্ধ, সংবীত, ভ্রমণকাহিনি— বাংলা সাহিত্যের সকল শাখা তাঁর অচেল দানে সমৃদ্ধ হয়েছে। ব্যাকরণ, ভাষাতত্ত্ব, ইন্দ্র ও চিরাবল্লাতেও তিনি অসামান্য অবদান রেখেছেন।

অনন্যসাধারণ প্রতিভার অবিকারী রবীন্দ্রনাথ একাধারে সাহিত্যিক, চিত্রক, শিক্ষা-সংগঠক, সুরকার, গীতিকার, নাট্যকার, নাট্যপ্রযোজক, অভিনেতা, অনবদ্য চিত্রশিল্পী। এছাড়া তিনি ‘শান্তিনিকেতন’ ও ‘বিশ্বভারতী’র মতো নতুন ধারার শিক্ষা প্রতিষ্ঠান গড়ে তোলেন।

### কর্ম-অনুশীলন

- ক. তোমার কল্পনার দেশের একটি বর্ণনা প্রস্তুত কর।
- খ. তোমার এলাকার প্রাকৃতিক পরিবেশের বর্ণনা দাও।
- গ. সর্বশেষ তুমি যে অঞ্চলে ভ্রমণ করেছ তার বর্ণনা লেখ।

### নমুনা প্রশ্ন

#### বহুনির্বাচনি প্রশ্ন

১. জলের ধারে কী দাঁড়িয়ে আছে?
  - ক. নতুন নগর
  - খ. পাহাড় চূড়া
  - গ. নারিকেল বন
  - ঘ. নতুন পশ্চ
২. “অমনি করে যাই ভেসে, ভাই / নতুন নগর বনে।”  
—এখানে কী প্রকাশ গেরেছে ?
  - i. অসীম সৌন্দর্য
  - ii. অজানা আনন্দ
  - iii. অপার বিস্ময়
- নিচের কোনটি সঠিক ?
  - ক. i ও ii
  - খ. ii ও iii
  - গ. i ও iii
  - ঘ. i, ii ও iii

উদ্দীপকটি পঢ়ে ৩ ও ৪ নং প্রশ্নের উত্তর দাও।


দেখা হয় নাই চক্ষু মেলিয়া  
ঘর হতে শুধু দুই পা ফেলিয়া  
একটি ধানের শীষের উপরে  
একটি শিশির বিন্দু।

৩. উদ্দীপকের সঙ্গে ‘নতুন দেশ’ কবিতার কোন দিকটি সামৃদ্ধ্যপূর্ণ?
  - ক. সীমাহীন কৌতুহল
  - খ. প্রকৃতির রহস্য
  - গ. অজানাকে জানা
  - ঘ. অপার আকাঙ্ক্ষা
৪. উক্ত দিকটি ‘নতুন দেশ’ কবিতার কোন অংশে প্রতিফলিত হয়েছে?
  - ক. জানি না কোন দেশে / পৌছে যাবে শেষে
  - খ. থাকি ঘরের কোথে / সাথে জাগে ঘোর মনে
  - গ. পাহাড়-চূড়া সাজে / নীল আকাশের মাঝে
  - ঘ. দূর সাগরের পারে / জলের ধারে ধারে

### মৃজনশীল প্রশ্ন

১. শীতের ছুটিতে বাবা-মায়ের সঙ্গে হাদিতা বেড়াতে যায় সেন্টমার্টিন দ্বীপে। সেখানকার সামুদ্রিক প্রবাল, সারি সারি নারিকেল গাছ, মাছ ধরার বড়ো বড়ো নৌকা ওর মনে কৌতুহল জাগায়। দিগন্ত বিস্তৃত নীলাভ জলরাশি, পরিকার আকাশ ওকে নিয়ে যায় অন্য এক জগতে। ওর ইচ্ছে হয় সমুদ্রের নানা রঙের মাছের সঙ্গে খেলা করতে – আবার কখনো বা আকাশে পাথি হয়ে উড়ে বেড়াতে।

- ক. নীল আকাশের মাঝে কী সাজে?
- খ. ‘থাকি ঘরের কোণে’ বলতে কী বোঝানো হয়েছে?
- গ. হাদিতার সেন্টমার্টিনে দেখা দৃশ্যে ‘নতুন দেশ’ কবিতায় চিহ্নিত কোন দিকটি প্রতিফলিত হয়েছে?  
— ব্যাখ্যা কর।
- ঘ. “উদ্বীপকটি যেন ‘নতুন দেশ’ কবিতার মূলভাবকে ধারণ করে আছে।”— উকিটির যথার্থতা মূল্যায়ন কর।



## কুলি-মজুর কাজী নজরুল ইসলাম

দেখিনু সেদিন রেলে,  
কুলি বলে এক বাবু সাব তারে ঠেলে দিলে নিচে ফেলে!  
চোখ ফেটে এল জল,  
এমনি করে কি জগৎ জুড়িয়া মার খাবে দুর্বল?

যে দধীচিদের হাড় দিয়ে ঐ বাঙ্গ-শকট চলে,  
বাবু সাব এসে চড়িল তাহাতে, কুলিরা পড়িল তলে।  
বেতন দিয়াছ? — চুপ রও যত মিথ্যাবাদীর দল!  
কত পাই দিয়ে কুলিদের তুই কত ক্রেত পেলি বল!  
রাজপথে তব চলিছে মোটর, সাগরে জাহাজ চলে,  
রেলপথে চলে বাঙ্গ-শকট, দেশ ছেয়ে গেল কলে,  
বল তো এসব কাহাদের দান! তোমার অট্টালিকা  
কার খুনে রাঙা? — ঝুলি খুলে দেখ, প্রতি ইটে আছে লিখা।  
তুমি জান নাকো, কিন্তু পথের প্রতি ধূলিকণা জানে  
ঐ পথ, ঐ জাহাজ, শকট, অট্টালিকার মানে!

আসিতেছে শুভদিন,  
দিনে দিনে বহু বাড়িয়াছে দেনা, শুধিতে হইবে ঝণ!  
হাতুড়ি শাবল গাঁইতি চালায়ে ভাঞ্জিল যারা পাহাড়,  
পাহাড়-কাটা সে পথের দু-পাশে পড়িয়া যাদের হাড়,  
তোমারে সেবিতে হইল যাহারা মজুর, মুটে ও কুলি,  
তোমারে বহিতে যারা পরিত্র অঙ্গে লাগাল ধূলি;  
তারাই মানুষ, তারাই দেবতা, গাহি তাহাদেরি গান,  
তাদেরি ব্যথিত বক্ষে পা ফেলে আসে নব উত্থান!

(অংশবিশেষ)

## শব্দার্থ ও টীকা

- দধীচি**
- ভারতীয় পুরাণে উল্লেখিত একজন ত্যাগী মুনি। এ কবিতায় শ্রমজীবী কুলি-মজুরদের দধীচিমুনির সঙ্গে তুলনা করা হয়েছে। যে শ্রমজীবী মানুষেরা সভ্যতার বিস্তারে শ্রম দিয়ে সাহায্য করেছেন তারাই আজ অবহেলিত। তাদের শ্রমের ওপর ভর করে যারা ধনী হয়েছেন, তারাই সকল সুবিধাভোগী। কবি দুঃখ করে ত্যাগী দধীচির সঙ্গে ত্যাগী কুলি-মজুরের তুলনা করেছেন।
- বাঞ্চ-শকট**
- ‘শকট’ মানে গাড়ি। বাঞ্চ-শকট হচ্ছে বাঞ্চ দ্বারা চালিত গাড়ি। এখানে রেলগাড়ি।
- পাই**
- আগের দিনের মুদ্রার স্ফুর একক বিশেষ। এ কবিতায় ‘পাই’ বলতে কুলি-মজুরদের মজুরির ‘স্ফুরতা’ বোঝানো হয়েছে।
- ক্রোর**
- কোটি।
- ঢুলি**
- চোখের ওপরের ঢাকনি। গরুকে যখন ঘানিতে জোড়া হতো, তখন তার চোখে ঢাকনি পরানো হতো। এই ঢাকনির নাম ‘ঢুলি’। ‘ঢুলি খুলে’ মানে সচেতন হয়ে।
- অট্টালিকা**
- প্রাসাদ, অন্য কথায় সুউচ্চ দালান বা ইমারত।
- ‘দিনে দিনে বহু**
- বাড়িয়াছে দেনা’**
- অতীতকাল থেকে মানব সভ্যতা শ্রমজীবী মানুষদের অবদানে অগ্রসর হয়েছে, কিন্তু প্রতিদানে তাঁরা পেয়েছেন অল্পই।
- শাবল**
- লোহার তৈরি খোড়ার হাতিয়ার।
- গাঁইতি**
- পাথর, ইট প্রভৃতি দ্বারা নির্মিত কাঠিন স্থান খোড়ার জন্য লাঙলের আকারের দুমুখো কুড়াল।
- বক্ষে**
- বুকে।
- নব উথান**
- কেন্দ্রো ভালো কাজের জন্য নতুন করে উদ্যোগী হওয়া।

## পাঠের উদ্দেশ্য

বিভিন্ন পেশার শ্রমজীবী মানুষের প্রতি শুদ্ধাবোধ জাগ্রত করা।

## পাঠ-পরিচিতি

কবিতাটি কাজী নজরুল ইসলামের ‘সাম্যবাদী’ কাব্যাচ্ছের অন্তর্গত। ‘কুলি-মজুর’ কবিতায় কবি মানবসভ্যতার যথার্থ রূপকার শ্রমজীবী মানুষের অধিকারের পক্ষে কলম ধরেছেন।

যুগ যুগ ধরে কুলি-মজুরের মতো লক্ষকোটি শ্রমজীবী মানুষের হাতে গড়ে উঠেছে মানবসভ্যতা। এদেরই অক্রান্ত শ্রমে ও ঘায়ে মোটর, জাহাজ, রেলগাড়ি চলছে। গড়ে উঠেছে দালানকোঠা, কলকারখানা। এদের শোষণ করেই ধনিকশ্রেণি হয়েছে বিন্দ-সম্পদের মালিক। কিন্তু যুগ যুগ ধরে সমাজে এই কুলি-মজুররাই সবচেয়ে বংশিত ও উপেক্ষিত। এক শ্রেণির হৃদয়হীন স্বার্থান্ব মানুষ এদের শ্রমের বিনিময়ে পাওয়া বিন্দ-সম্পদের সবটুকুই ভোগ করছে, অথচ এদের তারা মানুষ হিসেবে গণ্য করতেও নারাজ।

### কবি-পরিচিতি

অন্যায়, শোষণ ও নির্যাতনের বিরুদ্ধে বিদ্রোহ, বিপ্লব ও দেশপ্রেমের উদ্দীপনাময় কবিতা লিখে বাংলার জনমনে যিনি বিদ্রোহী কবি হিসেবে নন্দিত আসন পেয়েছেন, তিনি কবি কাজী নজরুল ইসলাম।

বহু বিচিত্র ও বিস্ময়কর তাঁর জীবন। ছেলেবেলায় লেটোর দলে গান করেছেন, রঞ্চির দোকানের কারিগর হয়েছেন, যুদ্ধে ঘোগ দিয়ে সেনাবাহিনীর হাবিলদার হয়েছেন। ব্রিটিশরাজের বিরুদ্ধে লেখালেখির কারণে রাজন্মাহের অপরাধে কারাবরণ করেছেন। তিনি পত্রিকাও সম্পাদনা করেছেন। কবিতা, গল্প, উপন্যাস, নাটক, প্রবন্ধ, সংগীত প্রভৃতি ক্ষেত্রে তিনি উল্লেখযোগ্য অবদান রেখেছেন।

তিনি যে শুধু বড়োদের জন্য লিখেছেন তা নয়, ছোটোদের জন্য লেখা তাঁর কাব্যগ্রন্থ হচ্ছে — ‘বিংশফুল’, ‘সংগ্রহন’, ‘পিলে পটকা’, ‘ঘূম জাগানো পাখি’, ‘ঘূম পাড়নি মাসিপিসি’ এবং নাটক ‘পুতুলের বিয়ে’। নজরুলের কবিতা ও গান বাংলাদেশের মুক্তিযুদ্ধে প্রেরণা হিসেবে কাজ করেছে। তাঁর রচিত ‘সঙ্ক্ষ্যা’ গ্রন্থের অন্তর্গত ‘চল চল চল’ গানটি আমাদের রণ-সংগীত। তিনি বাংলাদেশের জাতীয় কবি।

নজরুলের জন্ম ১৮৯৯ খ্রিষ্টাব্দের ২৪শে মে (১৩০৬ বঙ্গাব্দের ১১ই জ্যৈষ্ঠ) বর্ধমান জেলার আসানসোল মহকুমার চুক্লিয়া গ্রামে।

তিনি ১৯৭৬ খ্রিষ্টাব্দের ২৯শে আগস্ট (১৩৮৩ বঙ্গাব্দের ১২ই ভাদ্র) ঢাকায় মৃত্যুবরণ করেন।

### কর্ম-অনুশীলন

- ক. তোমার দেখা বিভিন্ন শ্রেণিপেশার মানুষের একটি তালিকা প্রণয়ন কর (দলীয় কাজ)।
- খ. তোমার দেখা একজন শ্রমজীবী মানুষের জীবন-যাপনের উপর একটি বিবরণী লেখ (একক কাজ)।

### নমুনা প্রশ্ন

#### বহুনির্বাচনি প্রশ্ন

১. কাজী নজরুল ইসলামের মতে কোনটিতে দেশ ছেঁয়ে গেল?

- |          |               |
|----------|---------------|
| ক. মোটরে | খ. জাহাজে     |
| গ. কলে   | ঘ. রেলগাড়িতে |

২. ‘কুলি-মজুর’ কবিতায় কবি শ্রমজীবীদের জয়গান পেয়েছেন কারণ তারা —

- i. অবহেলিত
- ii. সভ্যতার নির্মাতা
- iii. অধিকারবন্ধিত

### নিচের কোনটি সঠিক?

ক. i ও ii

খ. i ও iii

গ. ii ও iii

ঘ. i, ii ও iii

### নিচের উদ্ধীপকটি পড়ে ৩ ও ৪ নম্বর প্রশ্নের উত্তর দাও:

বর্বর বলি যাহাদের গালি পাড়িল ক্ষুদ্রমনা,  
কৃপমণ্ডক ‘অসংযমী’র আখ্যা দিয়াছে যারে,  
তারি তরে ভাই গান রচে যাই, বন্দনা করি তারে।

৩. কবিতাংশের ‘ক্ষুদ্রমনা’ ‘কুলি-মজুর’ কবিতায় বর্ণিত কোন অংশের প্রতিনিধিত্ব করে?

ক. বাসুদামদের

খ. মিথ্যাবাদীদের

গ. দর্ধীচিদের

ঘ. কুলি-মজুরদের

৪. কবিতাংশের মূলভাব ‘কুলি-মজুর’ কবিতার কোন চরণে প্রতিফলিত হয়েছে?

ক. দিনে দিনে বহু বাড়িয়াছে দেনা, শুধিতে হইবে ঝণ

খ. তারাই মানুষ, তারাই দেবতা, গাহি তাহাদেরি গান

গ. তাদেরই ব্যাখ্যিত বক্ষে পা ফেলে আসে নব উথান

ঘ. তোমারে বহিতে যারা পরিত্র অঙ্গে লাগাল ধূলি

### সূজনশীল প্রশ্ন


১। এলাকায় একজন ভালো মানুষ হিসেবে চেয়ারম্যান আজমল সাহেবের যথেষ্ট সুনাম রয়েছে, কিন্তু তাঁর ছেলে কারণে-অকারণে বাড়ির কাজের লোক, আশপাশের খেটে খাওয়া মানুষের সাথে খারাপ আচরণ করে, তুচ্ছ তাচ্ছিল্য করে। চেয়ারম্যান ছেলেকে ডেকে বুঁধিয়ে বঙেন, তুমি যাদের আজ তুচ্ছ জ়ান করছ — সত্যিকার অর্থে তারাই আধুনিক সভ্যতার নির্মাতা, তাদের কারণেই আমরা সুন্দর জীবন যাপন করছি।

ক. ‘কুলি-মজুর’ কবিতায় রেলপথে কোনটি চলে?

খ. ‘শুধিতে হইবে ঝণ’— কথাটির দ্বারা কী বোঝানো হয়েছে?

গ. চেয়ারম্যান সাহেবের ছেলের আচরণে ‘কুলি-মজুর’ কবিতার কোন দিকটি প্রকাশ পেয়েছে — ব্যাখ্যা কর।

ঘ. ‘চেয়ারম্যান সাহেবের মনোভাব ‘কুলি-মজুর’ কবিতার মূলভাবেরই প্রতিফলন’ — বিশ্লেষণ কর।



## আমার বাড়ি জসীমউদ্দীন


আমার বাড়ি যাইও ভোমর,  
বসতে দেব পিঁড়ে,  
জলপান যে করতে দেব  
শালি ধানের চিঁড়ে।  
শালি ধানের চিঁড়ে দেব,  
বিন্নি ধানের খই,  
বাড়ির গাছের কবরী কলা,  
গামছা-বাঁধা দই।  
আম-কাঠালের বনের ধারে  
শুয়ো আঁচল পাতি,  
গাছের শাখা দুলিয়ে বাতাস  
করব সারা রাতি।

চাঁদমুখে তোর চাঁদের চুমো  
 মাথিয়ে দেব সুখে,  
 তারা ফুলের মালা গাঁথি,  
 জড়িয়ে দেব বুকে ।

গাই দোহনের শব্দ শুনি  
 জেগো সকাল বেলা,  
 সারাটা দিন তোমায় লয়ে  
 করব আমি খেলা ।

আমার বাড়ি ডালিম গাছে  
 ডালিম ফুলের হাসি,  
 কাজলা দিঘির কাজল জলে  
 হাঁসখুলি যায় ভাসি ।

আমার বাড়ি যাইও ভোমর,  
 এই বরাবর পথ,  
 মৌরি ফুলের গন্ধ ওঁকে  
 থামিও তব রথ ।





## নমুনা প্রশ্ন

## বহুনির্বাচনি প্রশ্ন

১. ‘আমার বাড়ি’ কবিতায় কবি বন্ধুকে কোন ধানের টিক্কা খেতে দিবেন?

- |    |      |    |      |
|----|------|----|------|
| ক. | শালি | খ. | আমন  |
| গ. | বোরো | ঘ. | বিনি |

২. ‘ধামিও তব রথ’ হারা কী বোঝানো হচ্ছে?

- |    |                 |    |          |
|----|-----------------|----|----------|
| ক. | যাত্রাবিরতি     | খ. | রথ দেখা  |
| গ. | গন্তব্যে পৌছানো | ঘ. | রথ চালনা |

কবিতাংশটি পড়ে ৩ ও ৪ নম্বর প্রশ্নের উত্তর দাও:

আয় হেলেরা আয় যেয়েরা  
ফুল তুলিতে যাই —  
ফুলের মালা গলায় দিয়ে  
মামার বাড়ি যাই

বাড়ের দিনে মামার দেশে  
আম কুড়োতে সুখ,  
পাকা জামের শাখায় উঠি  
রঙিন করি মুখ।

৩. উকুতির প্রথম স্তবকের সাথে নিচের কোন চরণের মিল লক্ষ করা যায়—

- আমার বাড়ি যাইও ভোমর / বসতে দেব পিঁড়ে।
- গাছের শাখা দুলিয়ে বাতাস / করব সারা গাতি।
- তারা ফুলের মালা গাঁথি / জড়িয়ে দেব বুকে।

নিচের কোনটি সঠিক?

- |    |          |    |             |
|----|----------|----|-------------|
| ক. | i ও ii   | খ. | i ও iii     |
| গ. | ii ও iii | ঘ. | i, ii ও iii |

৪. উকুতির দ্বিতীয় স্তবকের সাথে ‘আমার বাড়ি’ কবিতার মিল কোথায়?

- |    |                |    |           |
|----|----------------|----|-----------|
| ক. | প্রকৃতিতে      | খ. | নিমজ্জনে  |
| গ. | খাদ্য-বর্ণনায় | ঘ. | বন্ধুত্বে |


### সূজনশীল প্রশ্ন

---

১. তুমি যাবে ভাই — যাবে মোর সাথে, আমাদের ছোট গায়,  
গাছের ছায়ায় লতায় পাতায় উদাসী বনের বায়,  
মায়া মমতায় জড়াজড়ি করি  
মোর শেহখানি রহিয়াছে ভরি  
মায়ের বুকেতে, বৌনের আদরে, ভায়ের দ্বেরে ছায়।
- ক. ‘আমার বাড়ি’ কবিতায় কাজলা দিঘির কাজল জলে কী হাসে?  
খ. ‘আমার বাড়ি’ কবিতায় কবি বন্ধুকে আমন্ত্রণ জানিয়েছেন কেন?  
গ. উদ্দীপকের প্রথম চরণের সাথে ‘আমার বাড়ি’ কবিতার কোন অংশের মিল আছে? —ব্যাখ্যা কর।  
ঘ. উদ্দীপক ও ‘আমার বাড়ি’ কবিতার ভাবার্থ কি এক? —বিশ্লেষণ কর।

## শ্রাবণে সুকুমার রায়

জল বারে জল বারে সারাদিন সারারাত -  
অফুরান নামতায় বাদলের ধীরাপাত ।  
আকাশের মুখ ঢাকা, ধোয়ামাখা চারিধার,  
পৃথিবীর ছাত পিটে বামাখম্ বারিধার ।  
স্মৰন করে গাছপালা প্রাণখেলা বরষায়,  
নদীনালা ঘোলাজল ভরে উঠে ভরসায় ।  
উৎসব ঘনঘোর উন্নাদ শ্রাবণের  
শেষ নাই শেষ নাই বরষার প্রাবন্নে ।  
জলেজলে জলময় দশদিক টেলমলু,  
অবিরাম একই গান, ঢালো জল, ঢালো জল ।  
ধূয়ে ধায় যত তাপ জর্জর হীন্মের,  
ধূয়ে ধায় রৌদ্রের স্মৃতিটুকু বিশ্বের ।  
স্থুল বেন বাজে কোথা নিটুম ধুকধুক,  
ধরণীর আশাভয় ধরণীর সুখদুখ ।



## শব্দার্থ ও টীকা

‘অঙ্গুরাম নামতায়’

‘বাদলের ধারাপাত’ —— গণিতে ‘নামতা’ বলতে বোঝায় গুণ করার ধারাবাহিক তালিকা; আর ‘ধারাপাত’ হলো অঙ্গ শেখার ধ্রাঘিক বই। এ কবিতায় বৃষ্টিধারার পতনকে বলা হচ্ছে ধারাপাত; বৃষ্টির পতনের অবিরাম রিমুক্ষ থেকি অনেকটা যেন শিশুদের নামতা পড়ার শৈক্ষের মতো।

ছাত	— ছাদ। ছাদের কথ্য রূপ।
বারিধার	— জলের ধারা।
উন্নাদ	— উন্নত, ক্ষিণ। শ্রাবণ মাসে অবিরাম ধারা বর্ষণ ঘটে বলে কবি এখানে শ্রাবণকে ‘উন্নাদ শ্রাবণ’ বলেছেন।
জর্জর	— কাতর।
নিঃশুম	— নিঃবুম, নীরব, নিঃশঙ্খ।

## পাঠের উদ্দেশ্য

শিক্ষার্থীদের প্রকৃতি ও পরিবেশ বিষয়ে আকৃষ্ট করে তোলা।

## পাঠ-পরিচিতি

“শ্রাবণে” কবিতাটি সুকুমার রায়ের ‘খাই খাই’ হড়াছের অন্তর্গত। শ্রীনের দাবদাহে জর্জরিত প্রকৃতি অবিরাম বর্ষায় স্থান করে সজীব ও প্রাণবন্ত রূপ ধারণ করেছে, কবিতায় সে ছবিই আঁকা হয়েছে। বর্ষার জলে গাছপালা নদী-নালা থেকে শুরু করে রূক্ষ প্রকৃতি মুহূর্তেই জলে পরিপূর্ণ হয়। প্রকৃতিতে প্রাণের সঞ্চার ঘটে। শ্রীগ্রামালের রোদের চিহ্ন ধূঁয়ে মুছে প্রকৃতি এ সময় নতুন রূপ ধারণ করে। এভাবেই ঝুক্তুর পালাবদলের মতো মানব-মনের আশা-আকাঙ্ক্ষা, সুখ-দুঃখের পালাবদল ঘটে।

## কবি-পরিচিতি

শিশু-কিশোর পাঠকদের কাছে সুকুমার রায় একটি প্রিয় নাম। তাঁর আদি পৈতৃক নিবাস ময়মনসিংহ জেলায়। বাংলা সাহিত্যে তিনি অমর হয়ে আছেন প্রধানত রসের কবিতা, হাসির গল্প, নাটক ইত্যাদি শিশুতোষ রচনার জন্য। ‘আবোল তাবোল’, ‘হয়বরল’, ‘পাগলা দাশু’ প্রভৃতি তাঁর অতুলনীয় রচনা। তাঁর পিতা উপেন্দ্রকিশোর রায়টৌধুরী একজন বিখ্যাত শিশুসাহিত্যিক। কিংবদন্তি চলচিত্র-নির্মাতা ও খ্যাতিমান সাহিত্যিক সত্যজিৎ রায় তাঁর পুত্র। সুকুমার রায়ের জন্ম কলকাতায় ১৮৮৭ খ্রিষ্টাব্দে এবং মৃত্যু ১৯২৩ খ্রিষ্টাব্দে।

## কর্ম-অনুশীলন

ক. শ্রাবণ মাসে তোমার এলাকায় কী কী পরিবর্তন ঘটে? — লিখ।

খ. বর্ষার গান ও কবিতা নিয়ে একটি অনুষ্ঠানের আয়োজন কর।

## নমুনা প্রশ্ন

### বহুনির্বাচনি প্রশ্ন

১. **শ্রাবণের জল অবিরাম কারে -**
  - ক. সংগীতের মতো
  - খ. কোলাহলের মতো
  - গ. গণিতের মতো
  - ঘ. নামতার মতো
  
২. ‘অবিরাম একই গান’ বলতে কী বোঝানো হয়েছে?
  - ক. বর্ষার প্লাবন
  - খ. নদীর ঘোলাজল
  - গ. একটানা বৃষ্টি
  - ঘ. সংগীত সক্ষ্য
  
৩. বর্ষশুরুর দিনে অরণ্যের কেয়া শিহরায়,  
 রৌদ্র-দক্ষ ধানক্ষেত আজ তার স্পর্শ পেতে চায়,  
 – উদ্বীপকটি ‘শ্রাবণে’ কবিতার কোন দিকটির সঙ্গে সাদৃশ্যপূর্ণ?
  - ক. অবিরাম বৃষ্টি
  - খ. মেঘলা আকাশ
  - গ. বৃষ্টিশূন্ত প্রকৃতি
  - ঘ. তাপ ধূয়ে যাওয়া
  
৪. ‘বৃষ্টি এল কাশবনে জাগল সাড়া ঘাসবনে’  
 – উদ্বীপকের ভাবধারা ‘শ্রাবণে’ কবিতার কোন পঞ্জিকিতে প্রতিফলিত হয়েছে?
  - ক. অফুরান নামতায় বাদলের ধারাপাত
  - খ. আকাশের মুখ ঢাকা, ধোঁয়ামাখা চারিধার
  - গ. স্থান করে গাছপালা প্রাণখোলা বরষায়
  - ঘ. নদীনলা ঘোলাজল ভরে উঠে ভরসায়

### সূজনশীল প্রশ্ন

**উদ্দীপক (১)** আজিকার রোদ ঘুমায়ে পড়িছে— ঘোলাটে মেঘের আড়ে,

কেয়া বন পথে স্বপন বুনিছে— ছল ছল জলধারে।

কাহার খিয়ারী কদম্ব শাখে— নিব্রহুম নিরালায়,

ছেট ছেট রেণু খুলিয়া দিয়াছে— অস্ফুট কলিকায়।

**উদ্দীপক (২)** কেউবা রঙিন কাথায় মেলিয়া বুকের স্বপনখানি,

তারে ভাষা দেয় দীঘল সুতার মায়াবী আখর টানি।

ক. প্রাণখোলা বর্ষায় কে স্নান করে?

খ. ‘উন্মাদ শ্রাবণ’ বলতে কী বোবানো হয়েছে?

গ. ১ম উদ্দীপকে ‘শ্রাবণে’ কবিতায় বর্ণিত বর্ষার কোন দিকটি চিত্রিত হয়েছে? — বর্ণনা কর।

ঘ. ২য় উদ্দীপকটি ‘শ্রাবণে’ কবিতার শেষ চরণে প্রতিফলিত হয়েছে কি? — যুক্তিসহ বিচার কর।

## গরবিনী মা-জননী সিকান্দার আবু জাফর

ওরে আমাৰ মা-জননী

জন্মভূমি বাঙলারে

তোৱ মত আৱ পুণ্যবতী

ভাগ্যবতী বল মা কে ॥

কাৱ চোখে মা নদীৰ কাজল

সবুজ ত্ৰণেৰ আঁচল বুকে

কাৱ পায়ে মা ধুলোৰ নৃপুৰ


সন্ধ্যা দুপুৰ বেজেই চলে ।

ৱোজ ভোৱে কে শিশিৰ খৌপায়

বকুল যুঘীৰ গঞ্জ মাখে

কাৱ দুপুৰেৰ তন্দা ভেজে

ঞাঙ্গ ঘুঘুৰ বিলাপ-জলে ॥



কামার কুমোর জেলে চায়ী  
বাউল মাৰি দ্বৰ-উদাসী,  
কার ছেলেৱা নিত্য হাজাৰ  
মৰণ-মাৰেৱ দণ্ড গোনে,  
ছেলেৱ বুকেৱ খুন ছোপানো  
কোনু জননীৱ আঁচল-কোগে  
দুৰ্ভাগিনী কার মেয়েৱা  
কান্নাফুলেৱ নকশা বোনে ॥

সেই মাকে যার হাজাৱ হাজাৱ  
মা-নাম-ভাকা পাগল হেলে  
মায়েৱ নামে বাঁপিয়ে পড়ে  
ভয়ঙ্কৱেৱ দুৰ্বিপাকে ।  
কার ছেলে মা উপড়ে ফ্যালে  
বুলেট ফঁসিৱ শাসন-কাৱা  
দুখেৱ ধূপে সুখ পুড়িয়ে  
কার ছেলে মুখ উজল রাখে ॥

তুই তো সে-মা  
ও মা তুই তো রে সেই গরবিনী  
রক্তে-ধোওয়া সরোজিনী  
যুগ-চেতনাৱ চিন্তভূমি  
নিত্যভূমি বাঙলাৱে ॥

(অংশবিশেষ)



## শব্দার্থ ও টীকা

পুণ্যবতী	— পুণ্য বা ভালো কাজ করেন এমন নারী।
সরোজিনী	— সরোজ মানে পদ্ম - সরোজের স্তুরাচক রূপ সরোজিনী। এ কবিতায় দেশমাতৃকা বাংলাকে তুলনা করা হয়েছে কমনীয় পদ্মের সঙ্গে।
‘মরণ-মারের দণ্ড’	— মরণের আঘাত থেকে প্রাপ্ত শান্তি।
ছোপানো	— ছোপ মানে ছাপ, রঙ। এখানে ছোপানো মানে রাঙানো।
পাগল ছেলে	— বাংলার মুক্তিকামী বিদ্রোহী ও তরুণ-যুবকেরাই ‘পাগল ছেলে’ - যারা নির্ভয়ে যুক্ত-সংগ্রামে লিঙ্গ হয়েছিল।
‘ভয়করের দুর্বিশাকে’	— ভৌতিক দুর্যোগ ও দুর্ঘটনা। এখানে ভয়াবহ ও রক্তকরী যুদ্ধকে বোঝানো হয়েছে।
শাসন-করা	— পাকিস্তানি দুঃশাসন - যা ছিল কারাগারের সমান।
উজল	— উজ্জ্বল শব্দটির কোমল রূপ।
‘যুগ-চেতনার চিন্তুমি	
/ নিত্যভূমি বাঞ্ছারে’	— যুগের আকাঙ্ক্ষাকে ধারণ করা চিরস্তন দেশমাতৃকা বাংলাদেশ।

## পাঠের উদ্দেশ্য

শিক্ষার্থীর মধ্যে ব্রহ্মেশ চেতনার উন্নয়ন ঘটবে।

## পাঠ-পরিচিতি

কবিতাটি ‘বাঞ্ছা ছাড়ো’ কাব্যাত্মের অন্তর্গত। উপর্যুক্ত কবিতাটিতে পুণ্যবতী ভাগ্যবতী দেশমাতার গর্বিত হয়ে ওঠার কারণ অব্যবহৃত করা হয়েছে। বাংলাদেশের সাংস্কৃতিক জীবনের সঙ্গে পরিবেশ-প্রকৃতির সম্পর্ক অবিচ্ছেদ্য। শ্রমজীবী, কৃষিজীবী থেকে শুরু করে সব পেশাজীবী সন্তান এই মায়ের কোল জুড়ে থাকে। এই মাকে রক্ষা করার জন্য এই সন্তানরা শত কষ্ট কষ্ট সহ্য করে, তবে কোনো অন্যায়, অত্যাচার, অবিচারকে তাঁরা মেনে নিতে পারে না। মাকে বাঁচানোর জন্য প্রয়োজনে তাঁরা বুকের তাজা রক্ত ঢেলে দিতেও দিখা করে না। আবার এই মাকেও সন্তানের জন্য বিশেষ ভূমিকা রাখতে হয়। সন্তানকে সাহস ও শক্তি জোগাতে হয়। দেশমাতৃকাকে সকল দুঃশাসন থেকে রক্ষার জন্য মায়ের সন্তানরা ঝাপিয়ে পড়ে। তাঁরা যে কোনো দুঃসময়ে জেল জুলুম ফাঁসির দণ্ড মাথায় নিয়ে নিজের সুখ শান্তি ও আলস্য পরিহার করে দেশের জন্য আত্ম্যাগ করতে দিখা করে না। যুগের দাবি ও সময়ের দাবি রক্ষায় যে সন্তানরা সাহসের সাথে সংগ্রামের পথ বেছে নেয়, তাদের জন্য বাংলাদেশ সত্যিই গর্বিত। প্রকৃতপক্ষে বাংলার মাটি এই সাহসী ও সংগ্রামী জনতার ভিত্তিভূমি।

## কবি-পরিচিতি

সিকান্দার আবু জাফর বাংলাদেশের একজন বিশিষ্ট কবি, নাট্যকার ও সাংবাদিক। জন্মেছেন সাতক্ষীরা জেলায়। জন্মস্থান ১৯১৯ খ্রিষ্টাব্দ। পাকিস্তানি শাসন ও শোষণের বিরুদ্ধে তিনি সঞ্চাল ভূমিকা পালন করেছেন। ‘প্রসন্ন প্রহর’, ‘তিমিরাত্তিক’, ‘বাঞ্ছা ছাড়ো’ প্রভৃতি তাঁর কাব্যগুচ্ছ। ‘সিরাজ-উ-মৌলা’ তাঁর বিখ্যাত নাটক। তিনি মৃত্যুবরণ করেন ১৯৭৫ সালে।

### কর্ম-অনুশীলন

- ক. দেশপ্রেমমূলক কবিতা আবৃত্তি অনুষ্ঠানের আয়োজন কর (দলগত কাজ)।  
 খ. পূর্ববর্তী কোনো শ্রেণিতে পড়া ভালোলাগা কোনো স্বদেশপ্রেমের কবিতা সম্বন্ধে তোমার অনুভূতি লিখ।

### নমুনা প্রশ্ন

#### বহুনির্বাচনি প্রশ্ন

১. মায়ের আঁচল কোণে কী লেগে আছে?
  - ক. বকুল ঝুঁঠীর গঢ়
  - খ. কান্না ফুলের নকশা
  - গ. ছেলের বুকের খুন
  - ঘ. সবুজ তৃণ
২. ‘গরবিনী মা-জননী’ কবিতায় ‘দুর্ভাগিনী মেয়ে’ বলে কাদের বোঝানো হয়েছে?
  - ক. বাংলার অবহেলিত মেয়েদের
  - খ. বাংলার থার্মীণ মেয়েদের
  - গ. দুর্ভাগ্য জজরিত মেয়েদের
  - ঘ. যুদ্ধে ক্ষতিগ্রস্ত মেয়েদের
৩. আমরা অপমান সইব না  
 ভীরুর মত ঘরের কোণে রইব না  
 আমরা আকাশ থেকে বঞ্চ হয়ে বারতে জানি  
 তোমার ভয় নেই মা  
 আমরা প্রতিবাদ করতে জানি।

উচ্চীপক্ষের চেতনা নিচের যে চরণে বিদ্যমান —

- ক. কার ছেলেরা নিত্য হাজার  
 মরণ-মারের দণ্ড গোনে
- খ. ছেলের বুকের খুন হোপানো  
 কোন জননীর আঁচল কোণে
- গ. মায়ের নামে বাঁপিয়ে পড়ে  
 ভয়ঙ্করের দুর্বিপাকে
- ঘ. দুখের ধূপে সুখ পুড়িয়ে  
 কার ছেলে মুখ উজ্জল রাখে

৪। এক সাগর রক্তের বিনিময়ে  
বাংলার স্বাধীনতা আনল যারা  
আমরা তোমাদের ভুলব না।


- উদ্বীপকে ‘গরবিনী মা জননী’ কবিতায় উল্লিখিত বাঙালি সন্তানের কোন দিকটির প্রতিফলন ঘটেছে?  
 ক. সংগ্রামের খ. গর্বের  
 গ. প্রতিবাদের ঘ. আত্মাগ্রে

### সৃজনশীল প্রশ্ন

মা দিবসে রত্নগর্ভী স্বীকৃত মায়েদের পুরস্কার বিতরণী অনুষ্ঠানে সাহেদা বেগমের বড় ছেলে সাজিদ অনুভূতি ব্যক্ত করতে গিয়ে বলেন — আমাদের মা পৃথিবীর শ্রেষ্ঠ মা। আমরা পিঠাপিঠি পাঁচ ভাই-বোন যখন খুব ছোটো, তখনই বাবাকে হারালাম। মাকে কথনো ভেঙে পড়তে দেখিনি। দুঃখ-দারিদ্র্য-অভাব আমাদের নিয়ে সঙ্গী ছিল। মা সব সময় আমাদেরকে খুশি রেখে, পড়াশুনা শিখিয়ে মানুষ হিসেবে গড়ে তুলেছেন। তোমাকে শত সালাম মা। তোমার মুখের হাসির জন্য আমরা যে কোনো ত্যাগ স্বীকার করতে প্রস্তুত।

- ক. সন্ধ্যা দুপুর মার পায়ে কী বাজে?  
 খ. ‘রক্তে ধোওয়া সরোজিনী’ বলতে কী বোবানো হয়েছে?  
 গ. সাজিদের মাধ্যমে ‘গরবিনী মা-জননী’ কবিতার কোন বিশেষ দিকটি ফুটিয়ে তোলা হয়েছে? —  
 ব্যাখ্যা কর।  
 ঘ. “প্রেক্ষাপট ভিন্ন হলেও উদ্বীপক ও ‘গরবিনী মা-জননী’ কবিতার বক্তব্য একই ধারায় প্রবাহিত।” —  
 বিশ্লেষণ কর।

## সাম্য সুফিয়া কামাল



শতেকের সাথে শতেক হত  
মিলায়ে একত্রিত  
সব দেশে সব কালে কালে সবে  
হয়েছে সমুদ্রত ।  
বিপুলা পৃথিবী, প্রসারিত পথ,  
যাত্রীরা সেই পথে,  
চলে কর্মের আহ্বানে কোন  
অনন্ত কাল হতে  
মানব জীবন! শ্রেষ্ঠ, কঠোর  
কর্মে সে মহীয়ান,  
সংগ্রামে আর সাহসে প্রজ্ঞা  
আলোকে দীপ্তিযান ।  
পায়ের তলার মাটিতে, আকাশে,  
সমুখে, সিঙ্গু জলে  
বিজয় কেতন উড়ায়ে মানুষ  
চলিয়াছে দলে দলে ।

(অংশবিশেষ)

## শব্দার্থ ও টীকা

শতেক	— একশত ।
সমুন্নত	— অতিশয় উঁচু ।
বিপুল	— বিশাল ।
প্রসারিত	— বিস্তার লাভ করেছে এমন ।
অনন্ত	— যার অন্ত বা শেষ নেই ।
মহীয়ান	— সুমহান ।
সংগ্রাম	— লড়াই ।
প্রজ্ঞা	— গভীর জ্ঞান ।
দীক্ষিমান	— উজ্জ্বল ।
সিঙ্গু	— সমৃদ্ধ, সাগর ।
কেতন	— পতাকা ।

## পাঠের উদ্দেশ্য

ধর্ম-বর্ণ-গোত্র-শ্রেণি নির্বিশেষে সকল মানুষের প্রতি সম্প্রীতি ও সহমর্মিতার বোধ সৃষ্টি করা ।

## পাঠ-পরিচিতি

‘সাম্য’ কবিতাটি ‘নওল কিশোরের দরবারে’ গ্রন্থভূক্ত ‘মিলিত সেবা ও সাম্য প্রীতিতে’ কবিতার অংশবিশেষ । কোনো বড়ো কাজ কেউ একা করতে পারে না । সে জন্য দরকার হয় অনেক মানুষের মিলিত অংশগ্রহণ । সকলকে নিয়ে কাজ করার মাধ্যমে পৃথিবীর বহু দেশ উন্নত হয়েছে । পৃথিবীর অনেক মহৎ কাজের পেছনেই ছিল মানুষের সম্মিলিত প্রচেষ্টা । অসীম সাহস, সম্মিলিত সাধনা ও সংগ্রামের মধ্য দিয়েই মানুষ এই পৃথিবীতে তার বিজয় ঘোষণা করেছে । এ জন্য ধর্ম, বর্ণ, গোত্র, শ্রেণি ভেদে সকল মানুষের মধ্যে সম্প্রীতি ও সৌহার্দ্যের পরিবেশ সৃষ্টি করতে হবে ।

## কবি-পরিচিতি

সুফিয়া কামাল ১৯১১ সালে বরিশালে জন্মগ্রহণ করেন । তিনি ছিলেন একজন সফল সংগঠক ও নারীনেত্রী । তিনি ভাষা আন্দোলনে সক্রিয়ভাবে অংশগ্রহণ করেছেন এবং সকল আন্দোলন-সংগ্রামে নারীদের অংশগ্রহণ করার জন্য উদ্বৃক্ত করেছেন । স্বাধীন বাংলাদেশে নারীজাগরণ বিশেষ করে নারীদের সম-অধিকার প্রতিষ্ঠার আন্দোলনে তিনি অগ্রণী ভূমিকা পালন করেছেন । তাঁর উল্লেখযোগ্য কাব্যগ্রন্থ — ‘সাঁবের মায়া’, ‘মায়া কাজল’, ‘কেয়ার কঁটা’ । তিনি ১৯৯৯ সালে মৃত্যুবরণ করেন ।

## কর্ম-অনুশীলন

সম্প্রদায়গত সম্প্রীতি বৃদ্ধির লক্ষ্যে কী কী উদ্যোগ গ্রহণ করা যেতে পারে, তার পরিকল্পনা প্রস্তুত কর (একক কাজ) ।

### নমুনা প্রশ্ন

#### বহুনির্বাচনি প্রশ্ন

---

১. কর্মের আহ্বানে মানুষ কত দিন হতে চলছে?
 

ক. সহস্রাব্দকাল	খ. অনন্তকাল
গ. শতাব্দীকাল	ঘ. ঐতিহাসিক কাল
  
২. কালে কালে মানুষ কীভাবে সম্মত হয়েছে?
 

ক. সম্মিলিত প্রয়াসে	খ. একক প্রয়াসে
গ. সভ্যতার বিকাশে	ঘ. অর্থনৈতিক বিকাশে

উক্তাংশ পড়ে ৩ ও ৪ নম্বর প্রশ্নের উত্তর দাও।

- (১) একতাই বল
- (২) চেষ্টায় সুসিদ্ধ করে জীবনের আশা
  
৩. উক্তাংশের ১ম অংশের সাথে ‘সাম্য’ কবিতার কোন চরণের মিল আছে?
 

i. বিপুলা পৃথিবী, প্রসারিত পথ / যাত্রীরা সেই পথে	খ. i ও iii
ii. শতকের সাথে শতকে হস্ত / মিলায়ে একত্রিত	
iii. বিজয় কেতন উড়ায়ে মানুষ / চলিয়াছে দলে দলে	

নিচের কোনটি সঠিক?

- |             |                |
|-------------|----------------|
| ক. i ও ii   | খ. i ও iii     |
| গ. ii ও iii | ঘ. i, ii ও iii |
৪. উক্তাংশের সাথে ‘সাম্য’ কবিতার কোন ভাবের মিল আছে?
 

ক. সংগ্রাম	খ. প্রচেষ্টা
গ. সম্মিলিত অবস্থান	ঘ. সাহস

#### সূজনশীল প্রশ্ন

---

১. অমিত সাহেব একটি পাঠাগার স্থাপনের জন্য দৃঢ় প্রতিজ্ঞ। কিন্তু তাঁর একার পক্ষে এত বিশাল কাজ সম্পাদন কোনোভাবেই সম্ভব হচ্ছে না। তিনি কারও সহযোগিতা নিতে সম্মত নন। পরে গ্রামের সকল শ্রেণির মানুষের সার্বিক সহযোগিতায় পাঠাগার প্রতিষ্ঠা করা সম্ভব হয়। এখন সবাই পাঠাগার থেকে বই সংগ্রহ করে প্রয়োজনীয় জ্ঞান আহরণ করতে পারছে।
 

ক. ‘সাম্য’ কবিতায় কোনটির মাধ্যমে জীবন মহীয়ান হয়?	খ. ‘সংগ্রামে আর সাহসে পঞ্জা’ দ্বারা কী বোঝানো হয়েছে?
গ. অমিত সাহেবের চরিত্রে ‘সাম্য’ কবিতার বৈসাদৃশ্যের দিকটি ব্যাখ্যা কর।	ঘ. “উদ্দীপকের মূলভাব যেন ‘সাম্য’ কবিতারই প্রতিকূপ।” — বিশ্লেষণ কর।

# মেলা

## আহসান হাবীব

ফুলের মেলা পাখির মেলা  
আকাশ জুড়ে তারার মেলা  
রোজ সকালে রঙের মেলা  
সাত সাগরে চেউয়ের মেলা।  
আর এক মেলা জগৎ জুড়ে  
ভাইরা মিলে বোনরা মিলে  
রং কুড়িয়ে বেড়ায় তারা  
নীল আকাশের অপার নীলে  
ফুলের বুকে সুবাস যতো  
বুকে-মুখে নেয় মেখে তাই  
পাখির কলকঠ থেকে  
সুর তুলে নেয় তারা সবাই।  
রাতের পথে পাড়ি যথন,  
তারার অবাক দীপ জ্বলে নেয়।  
রোজ সকালের আকাশগথে  
আলোর পাখি দেয় ছেড়ে দেয়  
সাত সাগরের বুক থেকে নেয়  
চেউ তুলে নেয় ভালোবাসার।  
জগৎ জুড়ে যায় ছড়িয়ে,  
যায় ছড়িয়ে আলো আশার।  
ভালোবাসার এই যে মেলা  
এই যে মেলা ভাই-এর বেনের,  
এই যে হাসি এই যে খুশি  
এই যে প্রীতি লক্ষ মনের –  
কচি সবুজ ভাই-বোনদের  
আপনি গড়া এই যে মেলা,  
এই মেলাতে নিত্য চলে  
আপন মনে একটি খেলা।  
সারা বেলাই সেই এক খেলা  
গড়বে নতুন একটি বাগান,  
অনেক ফুল আর অনেক পাখি  
সব পাখিদের আলাদা গান –  
তার মাবেই একটি সুরে  
সবারই সুর যায় মিলিয়ে  
এক দুনিয়া এক মানুষের  
স্বপ্ন তারা যায় বিলিয়ে।



## শব্দার্থ ও টীকা

মেলা	-	মিলন বা একত্র হওয়া। উৎসব বা অনুষ্ঠান উপলক্ষ্যে অনেক মানুষের সমাবেশ। যেমন বৈশাখি মেলা, বই মেলা, কৃষি মেলা, বিজ্ঞান মেলা ইত্যাদি।
'আর এক মেলা'	-	
জগৎজুড়ে'	-	পৃথিবীর সকল শিশু-কিশোরের মিলনের বা একত্রার উৎসবকে কবি অন্য এক রকমের মেলা বলেছেন।
সুবাস	-	সুগন্ধ।
নিত্য	-	রোজ।
'তার মাঝেই একটি সুরে ..... বিলিয়ে'	-	ভৌগোলিক-সামাজিক-সাংস্কৃতিক কারণে মানুষেরা আলাদা আলাদা সম্প্রদায়ে বিভক্ত হলেও মনুষ্যত্বের দিক থেকে সকল মানুষ এক। সেই এক মিলনের সুরে সবারই সুর মিশে যায়।

## পাঠের উদ্দেশ্য

শিক্ষার্থীদের মধ্যে নারী-পুরুষের সমতার চেতনা জাগ্রত করা।

### পাঠ-পরিচিতি

পৃথিবীর চারদিকে যদি আমরা দৃষ্টি দিই তবে দেখতে পাই বাগানে ফুলের মেলা, গাছে গাছে পাখির মেলা আর আকাশে তারার মেলা। এ হলো অকৃতির জগৎ। অন্যদিকে পৃথিবীর শিশু-কিশোরদের রয়েছে একটা আলাদা জগৎ। আর এটিও একটি মেলার মতো। আকাশের নীলের মধ্যে যে উদারতা রয়েছে, ফুলের মধ্যে যে পরিপ্রেক্ষিত সুবাস রয়েছে, পাখির গানের মধ্যে যে সুর রয়েছে সবই পেয়েছে শিশু-কিশোররা। প্রতিদিন আকাশ নিঙড়ে যে রোদ ওঠে, সেখান থেকে তারা নেয় জীবনের উত্তাপ, সাত-সাগরের বুক থেকে তারা নেয় ভালোবাসার চেউ। তাই তারা বিশু জুড়ে ছাড়িয়ে দেয় নবীন ধ্রাণের আশার আলো। কচি সবুজ ভাইবোনদের হাসি-খুশির মধ্যে লক্ষ লক্ষ সবুজ মনের মেহ-প্রীতির প্রকাশ ঘটেছে, দেশ-কালের সীমানা ভেঙে তারা অন্তরের ভালোবাসা দিয়ে গড়তে চাচ্ছে একটি সুন্দর জগৎ, সাজানো বাগানের মতো সুন্দর পৃথিবী। এ পৃথিবী হবে সকল মানুষের জন্য একটা অভিন্ন পৃথিবী। পৃথিবীর সকল শিশু-কিশোরের ভাষা এক নয়। তবু সব পাখির গানের মধ্যে যেমন একটা সুরের ঐক্য আছে, তেমনি পৃথিবীর শিশু-কিশোরদের মনের ভাষার মধ্যেও একটা মিল আছে। পৃথিবীর সব মানুষ একতাবন্ধ হয়ে মেহ-ভালোবাসা পূর্ণ একটা সমাজ যদি গড়ে তোলে, তবে এ পৃথিবীর মধ্যে আর কোনো বিবাদ থাকবে না। তখন পৃথিবী হবে একটা দেশ, মানবসমাজ হবে একটা পরিবার। তখন কত সুন্দর হবে এ পৃথিবী!

### লেখক-পরিচিতি

বাংলাদেশের বিশিষ্ট কবি আহসান হাবীব। তিনি ১৯১৭ খ্রিষ্টাব্দে পিরোজপুর জেলায় জন্মগ্রহণ করেন। তিনি পেশায় ছিলেন সাংবাদিক। তাঁর উল্লেখযোগ্য কাব্যগ্রন্থ হচ্ছে : ‘রাত্রিশেষ’, ‘ছায়াহরিণ’, ‘সারাদুপুর’, ‘আশায় বসতি’ ইত্যাদি। তাঁর লেখা শিশুতোষ গ্রন্থগুলো বেশ জনপ্রিয়। ১৯৮৫ খ্রিষ্টাব্দে কবি আহসান হাবীব ঢাকায় মৃত্যুবরণ করেন।

### কর্ম-অনুশীলন

- ক. কবিতাটি নিয়ে একটি আবৃত্তি প্রতিযোগিতার আয়োজন কর।
- খ. কবিতাটিতে ব্যবহৃত প্রকৃতিকেন্দ্রিক শব্দগুচ্ছের একটি তালিকা তৈরি কর।

### নমুনা প্রশ্ন

#### বহুনির্বাচনি প্রশ্ন

১. রাতের পথে পাড়ি দিতে শিশু কিশোররা কীসের আলো জ্বলে নেয়?

- |             |            |
|-------------|------------|
| ক. চাঁদের   | খ. তারার   |
| গ. প্রদীপের | ঘ. জোনাকির |

২. ‘আর এক মেলা জগৎ জুড়ে’ বলতে কী বোঝানো হয়েছে?

- i. মিলনের মেলা
- ii. একতার মেলা
- iii. রঙের মেলা

নিচের কোনটি সঠিক?

- |           |                |
|-----------|----------------|
| ক. i      | খ. ii          |
| গ. i ও ii | ঘ. i, ii ও iii |

৩. সুন্দর সকাল। ফুলের সুবাস। রঙবেরঙের প্রজাপতি নবনীকে মুক্ত করে।

- উদ্দীপকে ‘মেলা’ কবিতার যে দিকটি প্রতিফলিত হয়েছে -

- ক. প্রকৃতির জগৎ
- খ. আরেকটা মেলা
- গ. আশার আলো
- ঘ. অন্তরের ভালোবাসা

**৪. কিশোর মোরা উষার আলো আমরা হাওয়া দুর্গত  
মনটি চির বাঁধন হারা পাখির মত উড়ত –**

এখানে কিশোরদের ‘উষার আলোর’ সঙ্গে তুলনা করার দিকটি মেলা কবিতার সাথে সাদৃশ্যপূর্ণ,  
কারণ শিশু-কিশোরদের –


- ক. পাখির গানের সুর আছে
- খ. অন্যরকম জগৎ রয়েছে
- গ. মনের ভাষা এক ও অভিন্ন
- ঘ. আশা ছড়াবার প্রাণশক্তি আছে

### সূজনশীল প্রশ্ন

১। হেমন্তের এক পড়ন্তি বিকেলে এক বাটুল নদীর পাড় দিয়ে হেঁটে বাঢ়ি ফিরছেন। এক পাশে নদী। নদীতে  
ভেসে চলেছে ঝং-বেরঙের পালতোলা বৌকা। বাঁকে বাঁকে নানা রকমের পাখি উড়ছে। কোনোটি সাদা,  
কোনোটি কালো। আর এক পাশে ধানখেত। যতদূর চোখ যায় সবুজ আর সবুজ। এমন মোহনীয় পরিবেশে  
বাটুল তাঁর একতারায় সুর তোলে—

নানান বরণ গাভীরে ভাই একই বরণ দুধ,  
জগত ভরমিয়া দেখলাম একই মারের পুত।

- ক. নীল আকাশে ঝং কুড়িয়ে বেড়ায় কারা?
- খ. ‘গড়বে নতুন একটি বাগান’— কথাটির তাৎপর্য ব্যাখ্যা কর।
- গ. উদ্বীপকের বর্ণনায় ‘মেলা’ কবিতার যে বিষয়বস্তুর মিল পাওয়া যায় তার বর্ণনা দাও।
- ঘ. ‘বাটুলের এই গানের মর্মকথাই তো মেলা কবিতার মূলভাব’। যুক্তি দিয়ে বুঝিয়ে দাও।



এই অক্ষরে  
মহাদেব সাহা

এই অক্ষর  
ছুটে চলে অবিরাম  
যেন কিছু তারা  
আকাশেতে লিখে নাম।  
অক্ষরগুলি  
অন্তরে জাগে গান,  
শিথি তার কাছে  
আনন্দে ভরে প্রাণ;

যেন নির্বর  
দিচ্ছে পাহারা  
চায় মুখ তুলি  
অজানা যা আছে  
মাকে মনে পড়ে  
মন হয়ে যায় নদী,  
পাই বা না পাই  
চিঠিখানা পাই যদি।

সেই উপমায়  
দেখি অপরূপ ছবি —  
সকাল দুপুর  
বাজায় উদাস কবি।

মন ভরে যায়  
সুরের নৃপুর

এই অক্ষরে  
ডাক নাম ধরে  
ডাক দেয় বুঝি কেউ,  
ঘন্টের মতো  
অন্তরে তোলে চেউ।

এই অক্ষর  
সকলেরে কাছে টানে,  
এই প্রিয় ভাষা  
বিমোহিত করে গানে।

আত্মীয়-পর

এই অক্ষরে  
শিলালিপি লেখা হয়,  
এই ভাষা দিয়ে  
যুদ্ধ করেছি জয়।

কঠিন পাথরে  
গান লিখে নিয়ে

## শব্দার্থ ও টীকা

---

- অক্ষর**
- শব্দের যে অংশটুকু একবারে উচ্চারিত হয় তাকে অক্ষর বলে। সাধারণ কথাবার্তায় অক্ষর বলতে বর্ণও বোঝানো হয়। এখানে বৃহৎ অর্থে মাতৃভাষা বোঝানো হয়েছে।
- নির্বর**
- বরনা।
- ‘এই অক্ষর যেন  
নির্বর ছুটে চলে অবিরাম’
- আমরা আমাদের মাতৃভাষায় কথা বলি, লিখি। আমাদের পূর্বপুরুষেরাও তা-ই করতেন। তাই বলা হয়েছে মাতৃভাষা অবিরাম ছুটে চলেছে। মানে মাতৃভাষার মাধ্যমে আমরা নানা কাজ করে বর্তমান থেকে ভবিষ্যতের দিকে এগিয়ে চলেছি।
- ‘যেন কিছু তারা  
দিচ্ছে পাহারা আকাশেতে  
লিখে নাম’
- এক সময়ে আমাদের এই দেশ পরাধীন ছিল। শাসকেরা রাষ্ট্রভাষা হিসেবে বাংলা ভাষাকে ব্যবহার করার সুযোগ থেকে আমাদের বধিত করেছিল। কিন্তু তখনকার সচেতন বাঙালিরা এ অধিকার আদায় করে নেয়। সে অধিকার আদায় করার জন্য অক্ষরগুলো যেন নিরবচ্ছিন্নভাবে অনুপ্রেরণার বিষয় হয়ে আছে।
- ‘এই অক্ষরে মাকে  
মনে পড়ে’
- মায়ের কাছ থেকেই আমরা মাতৃভাষা প্রথম শিখি। তাই অক্ষর বা ভাষার দৃষ্টান্ত দেখলেই মাকে মনে পড়ে যায়।
- উপমা**
- তুলনা।
- অপর্কপ**
- খুব সুন্দর।
- নৃপুর**
- পায়ে পরার অলংকার।
- রূপকথা**
- রাজা-বাদশা, রাজপুত্র-রাজকন্যা, দৈত্য-দানো, রাক্ষস-যোক্ষস প্রভৃতি কাহিনি নিয়ে কাণ্ঠনিক গল্পকে বলে রূপকথা।
- শিলালিপি**
- পাথরে খোদাই করা লেখা। অনেক দিন স্থায়ী করে রাখার জন্য কোনো কিছু পাথরে বা তামার পাতে লিখে রাখা হতো। এরকম পাথরের ওপর লেখাকে বা ঐ পাথরের খণ্টিকে বলা হয় শিলালিপি।
  - এ কথাটি খুবই তাৎপর্যপূর্ণ। মাতৃভাষার মাধ্যমেই বাংলাদেশের স্বাধীনতাকামীদের উদ্বৃদ্ধ করা হয়েছে। তাই কবি বলেছেন যে এই ভাষা দিয়ে আমরা লিখেছি মুক্তির গান। আর সেই গান মুক্তিযোদ্ধাদের উৎসাহ জুগিয়েছে। সুতরাং মাতৃভাষা ও মাতৃভাষার জন্য আনন্দোলন থেকে আমরা পেয়েছি স্বাধীনতার অনুপ্রেরণা।

### পাঠের উদ্দেশ্য

মাতৃভাষার প্রতি শিক্ষার্থীদের শ্রদ্ধা ও মমতাবোধ জগত করা।

### পাঠ-পরিচিতি

বাংলা অক্ষর বা বর্ণমালা বাঙালি জাতির অনন্য সম্পদ। এই বর্ণমালা বাঙালির প্রাণের সঙ্গে অঙ্গিত্বের সঙ্গে মিশে আছে। বাংলা অক্ষর বাঙালির চিন্তকে আনন্দে ভরে দেয়। বাঙালিকে করে তোলে স্বপ্নমুখী। বাংলা অক্ষর বাঙালির চোখে দেখা দেয় মায়ের রূপ ধরে। কখনো তার চিন্তে বাজায় সুরের নৃপুর।

বাংলা অক্ষর বাঙালির মিলিত সন্তার শ্রেষ্ঠতম উৎস। আমাদের অক্ষরসমূহ আগন-পর সকলকে কাছে টানে, দূর করে দেয় সব বিভেদ। বাংলা অক্ষর বাঙালির বুকে সঞ্চার করে অবারিত আশা। আলোচ্য কবিতাটিতে বাংলা অক্ষর তথা বর্ণমালার প্রতি কবির অবারিত ভালোবাসা ও গভীর শ্রদ্ধা প্রকাশ পেয়েছে।

### লেখক-পরিচিতি

কবি মহাদেব সাহা ১৯৪৪ খ্রিষ্টাব্দে সিরাজগঞ্জে জন্মগ্রহণ করেন। মহাদেব সাহার উল্লেখযোগ্য গ্রন্থ হলো: ‘এই গৃহ এই সংস্ক্রান্ত’, ‘অস্তমিত কালের গৌরব’, ‘টাপুর টুপুর মেঘের দুপুর’, ‘ছবি আঁকা পাখির পাখা’, ‘সরমে ফুলের নদী’ ইত্যাদি।

### কর্ম-অনুশীলন

- ক. তোমার পূর্বে পড়া বাংলা ভাষাবিষয়ক একটি গল্প বা কবিতা অবলম্বনে একটি রচনা তৈরি কর (একক কাজ)।
- খ. ভাষা-আন্দোলন নিয়ে রচিত কবিতাসমূহ সংগ্রহ করে একটি দেয়ালিকা প্রকাশ কর (দলীয় কাজ)।

### নমুনা প্রশ্ন

#### বহুনির্বাচনি প্রশ্ন

১. এই অক্ষরে কবিতায় কাকে মনে পড়ার কথা বলা হয়েছে?

- |    |            |    |        |
|----|------------|----|--------|
| ক. | প্রিয়জনকে | খ. | মাকে   |
| গ. | দেশকে      | ঘ. | ভাষাকে |

২. ‘এই অক্ষর যেন নির্বার / ছুটে চলে অবিরাম’ – চরণদ্বয় দ্বারা কবি বুঝিয়েছেন –

- i. মাতৃভাষায় আমরা অতীত ইতিহাস জানি
- ii. বর্তমানকে আমরা মাতৃভাষায় বুঝতে পারি
- iii. আমরা ভবিষ্যতের স্মৃতি বুনি মাতৃভাষায়

নিচের কোনটি সঠিক?

- |    |          |    |             |
|----|----------|----|-------------|
| ক. | i        | খ. | ii          |
| গ. | ii ও iii | ঘ. | i, ii ও iii |

কবিতাংশ পড়ে ৩ ও ৪ নম্বর প্রশ্নের উত্তর দাও:

- (১) বাংলার গল্প বাংলার গীত  
শুনিলে এ চিন্ত সদা বিমোহিত
  - (২) সুখে দুঃখে তারা এসে মোর পাশে  
তোমে সদা মোরে মধুর সঙ্গায়ে
৩. ১ নং কবিতাংশে ‘এই অক্ষরে’ কবিতার কোন দিকটি প্রকাশ পেয়েছে?
- |    |              |    |                |
|----|--------------|----|----------------|
| ক. | ভাষাপ্রীতি   | খ. | প্রকৃতিপ্রীতি  |
| গ. | মর্ত্যপ্রীতি | ঘ. | ব্রহ্মেশপ্রীতি |

৪. ২ নং কবিতাংশে বক্তব্য নিচের কোন চরণে প্রকাশ পেয়েছে?

- i. এই অক্ষরে / ডাকনাম ধরে / ডাক দেয় বুবি কেউ
- ii. এই অক্ষর / আত্মীয়-পর / সকলেরে কাছে টানে
- iii. এই অক্ষরে / মাকে মনে পড়ে / মন হয়ে যায় নদী

নিচের কোনটি সঠিক?

- |    |          |    |             |
|----|----------|----|-------------|
| ক. | i ও ii   | খ. | i ও iii     |
| গ. | ii ও iii | ঘ. | i, ii ও iii |

### সৃজনশীল প্রশ্ন

---

১. আর তাই তো কখনো আমি পড়তে দিই নি ধুলো, এই কালো  
এ-কারে আ-কারে  
তারা যেন ক্ষেত্রের সোনালি পাকা ধান, থোকা থোকা  
পড়ে থাকা জুই।  
তোমার জন্য জয় করেছি একটি যুদ্ধ  
একটি দেশের স্বাধীনতা।
- ক. কঠিন পাথরে কী লেখা হয়?
- খ. ‘এই অক্ষরে মাকে মনে পড়ে’ বলতে কবি কী বুঝিয়েছেন? – ব্যাখ্যা কর।
- গ. উদ্দীপকের ‘তারা’ ‘এই অক্ষরে’ কবিতার কিসের সাথে তুলনীয়? – ব্যাখ্যা কর।
- ঘ. “উদ্দীপকের শেষ দুটি চরণে ‘এই অক্ষরে’ কবিতার সবচেয়ে তাৎপর্যপূর্ণ ভাবার্থ ফুটে উঠেছে।”  
– উক্তিটির যথার্থতা নিরূপণ কর।



সিঁথি

হাসান রোবায়েত

ভাই মরল রংপুরে সেই  
রংপুরই তো বাংলাদেশ  
নুসরাতেরা আগুন দিল  
দোজখ বেন ছড়ায় কেশ।

কওমি তরুণ দাঁড়ায় ছিল  
কারবালারই ফোরাতে  
শাহাদাতের আগুন দিয়া  
খুনির আরশ পোড়াতে।

পোলা গেছে মাইয়া গেছে  
দুয়ার খুইলা রাখছে মাঝ  
ভাই-বইনে আইছে ফিরা  
রক্তভেজা খাটিয়ায়।

মরা পুতরে কোলে নিয়া  
মা ফিরছে অটোতে  
রোজ গোলারে খৌজে আহন  
আইডি কাডের ফটোতে।

চঙ্কু দিল পা-ও দিল  
সারা বাংলায় কাহন শ্যায  
গোরহানে কান্দে শহিদ -  
পঙ্কু বেন হয় না দ্যাশ।

মায়ের ওড়না বাইকা মাথায়  
পুত মিছিলে হারাইল প্রাণ  
ঘাস কান্দে গাছ কান্দে  
কান্দে বাঁশের গোরহান।

খোদার আরশ কাঁইপা ওঠে  
গুইনা বাপের হাহাকার  
একটা মানুষ মারার শাগি  
কয়টা গুলি লাগে ছার?



লাশের ভিতর লাশ ডুইবা যায়  
রাতের হাওয়ায় কিসের লাল  
সারা আকাশ ছাইয়া আছে  
কোন শহিদের গায়ের শাল?


চিরকালই স্বাধীনতা  
আসে এমন রীতিতে  
কত রক্ত লাইগা আছে  
বাংলাদেশের সিথিতে।



### শব্দার্থ ও টীকা

---

শাহাদাত	- শহিদ হওয়া; ধর্ম, ন্যায় ও সত্য রক্ষার বা প্রতিষ্ঠার কাজে নিহত হওয়া।
আরশ	- সর্বব্যাপী খোদার আসন।
খাটিয়া	- শুন্দি খাট, সাধারণত যা দড়ি দিয়ে ছাওয়া হয়।
আইডি কার্ড	- পরিচয়পত্র।
গোরস্থান	- কবরস্থান; সমাধিক্ষেত্র।
সিথি	- মাথার চুল দুইভাগে বিন্যস্ত করে যে সরু রেখা সৃষ্টি হয়।



## পাঠের উদ্দেশ্য

---

বাংলাদেশের মুক্তি আন্দোলনের পরিক্রমায় ‘জুলাই ২০২৪’-এ যথ্য অনুধাবন করতে পারা।

## পাঠ-পরিচিতি

---

হাসান রোবায়েতের ‘সিথি’ কবিতায় সাম্প্রতিক বাংলাদেশের এক নির্মম ও মর্মন্ত্ব অভিজ্ঞতার প্রকাশ ঘটেছে। শিক্ষার্থী-জনতার অভ্যর্থনা ২০২৪-এ বিজয়ী হয়ে বাংলাদেশের মানুষ নতুনভাবে মুক্তির স্বাদ পেয়েছে; কিন্তু অগণিত মানুষের আত্মানের বিনিময়ে রচিত হয়েছে সে মৃত্যুর গাথা। শাসকপক্ষের মরণ-কামড় উপেক্ষা করে প্রাণ দিয়েছে আবাল-বৃক্ষ-বগিতা। মুখের ভাষার উচ্চারণরীতি আর বাগবিধি ব্যবহার করে কবি এক রক্ষণ্ট বাংলাদেশের অন্তরঙ্গ ছবি এঁকেছেন। তাতে দেশের কল্যাণ আর মানুষের মুক্তির প্রত্যয়ও ঘোষিত হয়েছে। কবিতাটিতে বাংলাদেশের মানুষের মুক্তি সংগ্রামের ধারাবাহিকতায় ২০২৪-এর অভ্যর্থনা এক নতুন বিজয়গাথা হিসেবে প্রতিষ্ঠিত হয়েছে।

## কবি-পরিচিতি

---

হাসান রোবায়েত ১৯৮৯ সালের ১৯ই আগস্ট বগুড়া জেলার সোনাতলা থানার অন্তর্গত পশ্চিম তেকানী গ্রামে জন্মগ্রহণ করেন। তাঁর পিতার নাম মো. মোস্তাফিজুর রহমান এবং মায়ের নাম ফারহানা রহমান। তিনি বগুড়ার পুলিশ লাইস স্কুল অ্যান্ড কলেজ, সরকারি আজিজুল হক কলেজ এবং ঢাকা বিশ্ববিদ্যালয়ের গণিত বিভাগে পড়াশোনা করেছেন। উল্লেখযোগ্য কবিতার বই ‘মীনগঙ্গের তারা’, ‘মাঝুড়াঙাতীরে’, ‘মুসলিমানের ছেলে’, ‘ছায়াকারবালা’ ইত্যাদি। ‘মেঘের ভিতর হরিণ দুমায়’ তাঁর কিশোর কবিতার বই।

## কর্মঅনুশীলন

---

ক. ‘সিথি’ কবিতাটিতে যেসব আঘণ্টিক শব্দ ব্যবহার করা হয়েছে তার একটি তালিকা কর।

খ. তোমার শ্রেণিতে কবিতাটি আবৃত্তির জন্য একটি অনুষ্ঠানের আয়োজন কর। (শিক্ষকের সহায়তায়)

## নমুনা প্রশ্ন

### বহুনির্বাচনি প্রশ্ন

---

১. গোরঙ্গান শব্দের অর্থ কী?

- |              |                 |
|--------------|-----------------|
| ক. জীবনাবসান | খ. সমাধিক্ষেত্র |
| গ. দোজখ      | ঘ. বাঁশবাড়     |

২. 'চিরকালই স্বাধীনতা'

- আসে এমন রীতিতে— কথাটির অর্থ কী?
- স্বাধীনতা অর্জন সহজ নয়
  - স্বাধীন দেশের মানুষ হওয়া
  - স্বাধীনতা অর্জনের পথে অনেক চড়াই-উত্তোলন থাকে
  - স্বাধীনতা বড়ই সুখকর বিষয়

উদ্দীগকটি পড়ে ৩ ও ৪ নম্বর প্রশ্নের উত্তর দাও।

মূর্তি (২) : নাম বললে চিনতে পারবেন না। হাইকোর্টের কেবলানি ছিলাম। তখন টের পাইনি। ফুসফুসের ভেতর দিয়ে চলে গিয়েছিল। এপিট-ওপিট। বোকা ডাঙার খামোখা কেটেকুটে গুলিটা খুঁজে খুঁজে হয়রান হয়েছে। জমাট রক্তের মধ্যে ফুটো নজরেই পড়েনি প্রথমে।

নেতা : তুমিও এই দলে এসে জুটেছ নাকি?

মূর্তি (২) : গুলি দিয়ে গেথে দিয়েছেন। ইচ্ছে করলেও আলুগা হতে পারব না।

৩. সংলাপটিতে সিঁথি কবিতার যে দিকটি ঝুঁটে উঠেছে, তা হলো—

- অন্যায়ের প্রতিবাদে আত্মাদান
  - বৈধম্যের বিরুদ্ধে প্রতিবাদ
  - ন্যায়-অন্যায়ের কোনো পার্থক্য নাই
- নিচের কোনটি সঠিক
- i
  - ii
  - i ও ii
  - i, ii ও iii

৪. সংলাপের মূলভাব নিচের কোন চরণে পাওয়া যায়?

- একটা মানুষ মারার লাগি কয়টা গুলি লাগে ছার
- কৃতি তরঙ্গ দাঁড়ায় ছিল কারবালারই হেঁরাতে
- খোদার আরশ কাঁইপা ওঠে শুইনা বাপের হাহাকার
- সারা আকাশ ছাইয়া আছে কোন শহিদের গায়ের শাল

### সূজনশীল প্রশ্ন

#### প্রথম অংশ

তোমাকে পাওয়ার জন্যে, হে স্বাধীনতা

তোমাকে পাওয়ার জন্যে

আর কতবার ভাসতে হবে রক্তগঙ্গায়?

আর কতবার দেখতে হবে ঝোওবদাহন?

### দ্বিতীয় অংশ

সেই তেজী তরঙ্গ যার পদভারে  
একটি নতুন পৃথিবীর জন্ম হতে চলেছে –  
সবাই অধীর প্রতিক্রিয়া করছে তোমার জন্যে, হে আধীনতা।

ক. শাহদাত বলতে কী বোঝা?

খ. 'গোরহানে কান্দে শহিদ –

পঙ্কু ঘেন হয় না দ্যাশ' – এখানে কীসের আশঙ্কা ব্যক্ত হয়েছে?

গ. উদ্দীপকের প্রথম অংশটিতে 'সিঁথি' কবিতায় ছাত্র-জনতার আত্মানের বিষয়টি কীভাবে ফুটে উঠেছে তা  
বর্ণনা কর।

ঘ. উদ্দীপকের দ্বিতীয় অংশটি 'সিঁথি' কবিতার মূল বক্তব্য। –ব্যাখ্যা কর।

### সমাপ্ত

২০২৫ শিক্ষাবর্ষ

সপ্তম-সপ্তবর্ণ (বাংলা)

অহংকার পতনের মূল।

১৫২ থেকে ১৪  
ইতিহাস এড়াক্ষে ফিরে  
আসে

গণপ্রজাতন্ত্রী বাংলাদেশ সরকার কর্তৃক বিনামূল্যে বিতরণের জন্য।